



BIBLIOTHECA
UNIV. JAGELL.
CRACOVENSIS

591774

Barłomiej

Mag. St. Dr.

I

Biblioteka Jagiellońska




stdr0001954



591774 I

6. VIII. 4.







Epitome
RERVM
GERMANI-
CARVM,
ab
ANNO MDCXVII.
ad XLIII.
GESTARVM.

ANNO ÆRÆ CHRIS T.
M D CXLIII.

LECTORI.

Rerum Germanicarum immensa
 moles brevi compendio inclusa si
 quem lectorem nanciscatur, brevitatem
 se commendabit, obscuritatis excusa-
 tione non necessariâ, quando adhuc
 res ipsæ in luce versantur, quas no-
 tare, non explicare necessum sit.

Ex Libris Collegii S. H.
 Annus à Christo nato
 M. DC. XVII, *Petrus*

MAthia Imperatore,
 fuit is à Lutheri
 primis initiis cente-
 simus, non tam sæ-
 culari celebritate
 Protestantium, quam eo ad
 memoriam insignis, quod tum
 primum fata Germaniæ quibus
 nunc quoque exercetur, jam diu
 intestinis discordiis provocata se
 aperuerint, quarum una haud du-
 bia

bia causa, præter ea quæ populos
nimia libertate luxuriantes in mu-
tuas dissensiones agere solent, Re-
ligio fuit recens repertis opinionibus,
quarum sæculare anniversarium agebatur, in contrarias nova
vel vetera defendentium factiones
divisa, & jam antea quoque ad ju-
sti belli vim progressa: sed tùm
Passaviensi pacificatione conces-
sum in conditiones fuerat, resque
intra pactæ, dubiæ licet & sæpe
solicitatæ, pacis terminos usque
eo manserunt, dum hoc demum
anno Calvinistarum factio, quæ
quamvis pace illa excepta, ta-
men usurpatâ illius licentiâ im-
mensis opibus succreverat, longa
belli meditata proferre ince-
pit. Otium Germaniâ totâ & à
Turcicis, & ab externis aliis ar-
mis erat, id illi augendo instruendoque
fœderi impendentes, quod
ante paucos annos Protestantium
aliqui

aliqui eis auctoribus contraxerant, multis suâ sponte, aliis ut in re ambiguâ aliorum persuasione nomina dantibus jam novam animis Imperii Romani formam, quæ ipsorum arbitrio ordinaretur, destinabant. Saxonem multosque veterum Protestantium, qui media præ abruptis, quieta præ turbidis malebant, res illa à principio non leviter perturbavit, præsertim cum ex adverso pari animorum ardore à Catholicis consilia resque sui propugnandi causa consociari viderent, ancipiti eventu quæcunque pars vicisset, cum etiam illorum victoria, quibus studio Religionis proventum cupiebant, media casuum amplexis timenda foret. Ac nemo non videbat Germaniam bellis civilibus in exitum ruituram, idipsum agentibus externis, qui partium studia callidè promovebant, ut gens po-

6 E P I T O M E R E R U M

tentissima intestinis motibus divisa obnoxium proximis latus aperiret, longæque libertatis licentiâ concideret, quando ejus modum quivis usurparet perinde atque opum copia suppetebat, id juris in alium postulando, quod in se ipsum concedebat nemini, cum illis ipsis legibus fatigaret adversarium, quarum vim in se versam facile esset potentiori eludere per Appellationum Revisionumque ambages, vado omni & ingressu, ne dum exitu carentium. Quid enim superfuturum nisi ut tandem discordiâ illâ, cui nullum à jure remedium, in aperrum bellum prolatâ Germania fieret intestini furoris laniena, & exteri dominatus præmium & accessio? aut à quo res semel impulsas sustentari posse, eum in mortem adacto Germanici Imperii regimine, ut cum summæ potestatis nudum nomen penes

penes Cæsarem esse appareret, rebus opibusque Imperii in Principes Civitatesque inveteratâ jam possessione distractis, is cui precario jure parendi ea solum, quæ quivis spontè faciat, imperare promptum sit, magis unius factionis pars, quàm ambarum arbiter, aut adversus externos Dux futurus esse videretur? In eo animorum motu Mathias Cæsar ætate cruique fractus, quarum tædio jam olim succubuerat, cum sobole careret, spe successionis in Ferdinandum Archiducem patruelem suum inclinata, fratre Alberto, quem itidem ætas spesque prolis defecerat, & Hispanis qualicunque jure suo ultro concedentibus illum Regno Bohemiæ inaugurandum curat.

An. M. DC. XVIII.

Iam Ferdinandus Hungariæ quoque successor declaratus erat, cum Bohemi & propria levitate (sed Religio obtendebatur tanquam sine periculo stare non posset, nisi in ipsa pericula propelleretur) & haud dubio Calvinistarum impulsu, qui eam tempestatem cui imminebant, quacunque ex parte erumpere cupiebant, arma capiunt in Cæsarem, Duce Mathia Comite Turriano, qui ut effervescentem primo impetu rebellionem per atrox aliquod facinus eo præcipitem ageret, undè se ipsam revocare non posset, auctor fuit ut tres ex Primariis Cæsariis Ministris ex summa Pragensi arce raptim præcipitarentur. Miraculi instar fuit eos casu illo quamvis summa locorum altitudine nihil læsos. Primo motus illos

Cæsar

Cæsar per legatos, sed frustra sedare conatus tandem aperto bello Bohemos aggredi jubet Henricum Tamperium, magno armorum usu & rebus nuper contra Venetos non inprosperè gestis inclutum ducem, qui cum aliquot eis clades nullo tamen ad summam rerum facto momento intulisset, amplioribus copiis & summa imperii potestate submissus est à Cæsare Comes Bucquouis vetus è Belgio miles ab Hispanis Cæsari traditus. Huic Bohemi opponunt Ernestum Mansfeldium clarissimâ familiâ, sed è pellicatu editum, qui veteranæ militiæ legione, quam paulo ante Dux Sabaudiaë haud dubie Bohemicis motibus obstetricari creditus, tantum ut hunc sequeretur, exauctoraverat, ad eorum copias adjuncta Pilsenam urbem constantis in Cæsarem fidei armis expugnat, editis in victos

A 5

ejus

ejus crudelitatis exemplis, quâ illis quæ postea in reliqua Germania editurus foret, prælusisse videretur. Budavicenses documentum fidei à Pilsnensibus exceptum feliciter peregerunt, vi illata strenuè defensa opportunis à Bucquoio subsidiis confirmati, qui cum se hosti imparem cerneret, suis se locis continebat, prælii discrimen tentare non ausus. Ergo Bohemi jam latius, & in Austriam ipsam vim belli porrigere, resque novas ibi molientibus fiduciam è propinquo ostentare cœperunt, quam illi nondum matura defectione in annum insequentem distulerunt, sed Silesii, Lusatii, & utraque Moravia confestim accepit palam initâ cum Bohemis societate, quippe ejusdem ab antiquo corporis, & consilia jam olim sociaverant, frustra obnitentibus Catholicis, quorum honores bonaque inter promississimos

GERMANICARUM. II

tissimos rebellium distributa jam
perduellionis pretium esse cœpe-
rant, satis ostentata fortuna quam
ab universi belli eventu expecta-
rent.

An. M. D C. XIX.

M Athias Cæsar proscripto
Mansfeldio moritur, cum
paulo ante Ferdinandus patruelis
Cardinalem Clefelium impoten-
tius quam ministro potentiâ non
suâ nixo aut consanguineis Prin-
cipis tutum videretur, Imperii ar-
canis incubantem ab aulâ remo-
visset, ignaro Cæsare, sed post fa-
ctum quod jam mutare non pos-
set, approbante. Austriacæ Pro-
vinciæ sacramentum Ferdinando
successori cunctantius dixere, ut à
novo Principe exprimerent, quæ
coalita dominatione sperare va-
num foret, sed Bohemi soluti re-
verentiâ, omni Regnum apertè
abro-

12 EPITOME RERUM

abrogant, substituto Friderico Electore Palatino Calvinistici fœderis Duce, ut appareretibi tumultum Bohemicorum mercedem esse ubi causa fuisset. Eadem contagio Ungaros invadit, accersito in spem Regni Bethlemo Gaborio Transilvaniæ Principe, qui Presburgo primaria urbe potitus, protinus in ipsam Austriam se victor effudit, plenusque populationum Turcico more (quorum ille fiducia Transilvaniam possidebat, & tunc auxiliis juvabatur) exercitarum, ipsis Viennæ mœnibus institit, sed trepidis nuntiis acceptæ domi cladis, quam Humanajus Cæsarium partium Dux intulerat, urbem deserit, quam paulo ante Turrianus quoque Bohemorum ductor, cum Ferdinandus ipse intus esset, spe proditionis cum nonnullis civium seu compositæ seu creditæ tentare ausus fuerat, cum
magnam

magnam Austriæ partem vel vi,
 vel sponte, eorumque defectione
 subegisset. quos eadem cum Bo-
 hemis consiliorum libido armave-
 rat. Vix unquam Ferdinandi res
 propius summum discrimen fue-
 runt, sed major humanâ vispro-
 ditionem internam discussisse visa,
 & Bohemi auditâ domesticâ cla-
 de, quam à Bucquojo Mansfeldius
 acceperat, obsidionem omiserunt.
 Interea Confœderati Catholici
 Germananiâ tota aut aperto bello
 aut belli timore implicita & ipsi
 militem conscribunt, summa fœ-
 deris Maximiliano Bavarix Duci
 permissa, eo majore animo, quod
 Ferdinandus Archidux omnibus
 Electorum suffragiis Rom. Impe-
 rator renunciatus spem eorum elu-
 serat, qui alium Comitiorum even-
 tum aut moras interregni longio-
 res semper magnis rerum muta-
 tionibus obnoxias operiebantur.

An. M. D C. X X.

V Ariatum interea præliis minutis in Bohemia, sine discrimine summæ rerum, cui scilicet major belli expectatio se inferuerat in Germania ipsa emergentis, nam cum Unio (id confœderatis Protestantibus nomen) propè Ulmam coactum exercitum sub signis haberet, Bavarus quoque productis Catholicorum copiis castra castris contulerat, sed neutrà partium illic fortunam, quam fata alibi locorum transactura erant, experiri ausa, reque pro tempore conditionibus composita, Bavarus receptis ad se auxiliis quæ à Leopoldo Cæsaris fratre in Alsatia conscripta erant, jam apertè Cæsaris miles movet in Bohemiam, & Austria superiore ex itinere ad obsequium, redacta, cum obvium semel hostem secundo equestri prælio

lio profligasset, tandem sub ipsis
 Pragæ urbis mænibus fiducia loci
 resistere ausum memorabili pugna
 fundit, & Palatino in Silesiam pro-
 fugiente paucis exceptis urbibus
 Bohemiam totam in fidem Impe-
 ratoris restituit, cum paulo antè
 Saxo quoque cui neutrarum par-
 tium esse licuerat, ut suam Cæsari
 fidem cum illius fortuna obliga-
 ret, Lusatiam armis invasisset. Ex-
 ercitus Vnionis Palatinatum infe-
 riorem, in quem Spinula promo-
 tis è Belgio Hispanicis copiis Cæ-
 saris mandatu irruperat, frustra
 defendere conatus, majore ejus
 parte hosti concessa, inglorius di-
 mittitur, seu dux novus Joach. Er-
 nestus Brandenburgicus Duci ve-
 terano Spinulæ, quanquam lectæ
 è Bataviâ suppetiæ huic milita-
 rent, virtute cessit, seu affirmata
 successu suspicio, plura tum auro
 quam ferro administrata. Ita bre-
 vi post

16 E P I T O M E R E R U M

vi post fœderis ipsius nomen, senescente partium concordia ex rerum inprosperæ cœptarum tædio extinctum est, & Palatinus propriarum rerum versura adventitii Regni iacturæ & perturbatæ patriæ pœnæ satisfecit, solstitialis Rex, quo eum nomine temeritas fortunaque sua ad inimicorum ludibrium insignivit. Dum Bucquojus Pragensis victoriæ, cuius periculum magis cum eo quam gloria communicata, terrore Moravos ad obsequium cogit, Tamperius Hungaros palam adscito in Regium nomen Gaborio desciscentes aggressus, Presburgo obsessus, dum incautius sub muris versatur, non digno in tanto Duce temeritatis exitu glande ictus occubuit. Eodem tempore intestinum in Rhætia bellum erumpit, initio per Vallis-tellinæ incolas ab improvisa cæde eorum facta, qui contrariæ

Reli-

Religionis factionisque studio vindicandæ à Cisalpinis Rhætis, in quorum ditione erant, libertati, aut in mitiorem dominum transferendæ obstare crediti. Res ea favorabilis apud confines Italiæ Principes, sed auxilia ab Hispanis lata invisâ fuere, suspectis magnæ potentiæ quibusvis molimentis, cui nihil quamvis modicum ad crescere posset, quod non proxima traheret. Fuitque postea magnorum motuum seminarium non tam sui pretio Vallis illa, quam situ jungendis Cisalpinis Transalpinisque viribus opportuno, & periculoso, si possideret, qui uti posset.

An. M. D C. XXI.

SPinula è Palatinatu ovans confectâ Provinciâ redit in Belgium armorum Hispanicorum ducatu penes Consalvum Cordubam

18 EPITONE RERUM

relictō qui illius laudem vanè
 æmulatus Franckentalio frustra
 tentato magni ducis nomen po-
 stea temperantius insectari didi-
 cit, cūm Spinula jam novum glo-
 riæ gradum impleret Juliaco sub
 exitum Belgicarum induciarum
 prosperiori fama obseſſo. Palati-
 nus interea turbatæ publicæ pacis
 reus decreto Cæsaris proſcribitur
 unā cum Chriſtiano Anhaltino in-
 timorum conciliorum arbitro, ſed
 huic deindè deprecanti venia con-
 ceſſa, utpotè nec delicto, nec pœ-
 næ emolumento, nec pertinaciâ
 pari, cui Palatinus uſque ad ex-
 tremum incubuit, & tunc ad Ol-
 landos conceſſit, habituque ſuo Si-
 leſiis omnem reconciliandæ cum
 Cæsare gratiæ deliberationem ex-
 emit, quibus Saxone deprecatore
 confirmata Religionis libertas.
 Unus ibi Jegerndorſius pacem mo-
 rabatur, execrans ſupplicii atro-
 citatem

citatem à nonnullis tumultus Bo-
 hemici auctoribus Pragæ exacti,
 sed hic proscriptionem pro vecti-
 gali amplexus est, & prædarum
 impunè agendarum licentia sibi
 fortasse aliquid & hæredibus, nam
 brevi extinctus est, partium cau-
 sæ nihil profuit. Bohemia à reli-
 quis rebellium ad Mansfeldium
 conglobatis purgatur, qui Tillio
 Bavarico Duce, à quo undique
 constrictus tenebatur, per simula-
 tionem deditiois eluso repente
 è superiore Palatinatu in Inferio-
 rem transgressus, indè Alsatiam
 depopulando prædatoria arma
 magna quocunque advenit clade
 & nominis sui terrore nobilitat.
 Tillius vestigia fugientis necquid-
 quam secutus aliquot Palatinatus
 inferioris oppida cis Rhenum ex-
 pugnat, nam superior omni auxi-
 lio destitutus ultro in Bavari po-
 testatem venerat, confirmata po-
 stea

20 EPITOME RERUM

stea à Cæsare pro navatæ operæ
 præmio possessione, quo merito
 & Saxoni Lusatia concessa, sed
 hoc proprii, illa alieni patrimonii
 largitio fuit. Leopoldus Archidux
 Rhætos, recuperatis aliquot ab in-
 termortuæ possessionis jure in di-
 tionem Austriacam pagis, armis
 victor pacat. In Hungaria Buc-
 quojus multis pugnis secundis &
 Presburgo recepto elatus, dum
 Neohausaliam obsidet, fortè ab
 erumpentibus hostibus occidatur,
 pari cum Tamperio fato, cum fe-
 rale magnis Ducibus Ungariæ so-
 lum etiam hos omnibus prioribus
 bellis inoffensos hic demum ver-
 tenti præbuisse fortune Galliarum
 Rex & ipse ab Hugonottis ad ar-
 ma impulsus, ut omnium hoc tem-
 pore bellorum classicum esset Re-
 ligio, Bearniam primæ originis a-
 sylum eis adimit, parique progres-
 su munitis aliquot arcibus captis
 tan-

tandem ad Rupellæ mænia infecta
 re hæsit, longioris molimenti, non
 expeditionis tumultuario apparatu
 properatæ opus. Rex alter Hispaniarum
 Philippus III. rebus humanis excedit,
 hac extrema voce usus, satius sibi futurum fuisse si ignoti
 potius nominis Monachus, quam tantatum opum
 Rex decederet, Regnum quod tam facile
 fertur, gravissimum expertus cum
 deponitur. Alber. Mathiæ Cæsaris frater
 pari fato absumtus. Extrema anni Christianus
 Brunsvicensis conscripto pro Palatino milite
 novarum turbarum metu sollicita reddidit,
 Dux ætate & nobilitate ferox, congruenti
 hisce temporibus ingenio, cum parata magnis
 ausis materies etiam segnes animos excitare
 posset. Hic ut pretium nascendi exsolveret,
 iis factis innotescere cupiebat, quæ etiam
 natum ubique loquerentur.

An. M. DC. XXII.

GAborius cum Cæsare paciscitur, & ungariam abdicato Regio nomine in fidem ejus restituit. Leopoldus Archidux Hagenojam Alsatiaë urbem à Mansfeldio captam recuperare gestiens, improviso ejus adventu. quem Bavaricis armis destineri credebat, alienaë victoriaë fiduciam suâ clade luit Mansfeldio & alia jactandî materia præbita, quod Hispanicum pecunia ad transeundum sollicitassent, specioso argumento fidei suæ Palatino, qui ad relegenda amissi patrimonii naufragia ex Ollandia advenerat, quam auro vendere nollet, verbis venditandæ, cum majoris oblato pretio faceret, quod rogaretur, trinamque proscriptionem, qua cum Cæsar hoc anno notavit, in armorum suorum famam traheret, quippe quibus

quibus ipse fideret, cum hostes
 minis precibusve niterentur. Tili-
 us quoque ignominia aliquid ei
 debuit accepta ad Mingelshe-
 mium clade, sed mox confœde-
 rato ipsius Georgio Friderico
 Marchioni Badensi majori cum
 fœnore redditam exsolvit, quam
 raptim conscripto non contem-
 nendi roboris exercitu novum è
 latere exortum hostem, & jam
 hostilium spoliis sectionem in
 ipsis Bavarie visceribus vanâ spe
 despondentem sibi junctis cum
 Corduba Hispanis copiis pro-
 pè oppidum Wimphenam castris
 exutum profligavit, & post ex ipsa
 ditionis suæ provincia solum ver-
 tere coëgit. Christianus interea
 Brunsvicensis subactis Paderbor-
 nensi, & Monasteriensi Episcopa-
 tu exactionibus exhausto dum
 militem ex partæ prædæ manu-
 biis jam legitimis armis ornatum
 per

24 EPITOME RERUM

per Fuldensem & Darmstadiæ
 ditionis agrum, omnia quæ tran-
 sibat rapinis agendo ferendoque,
 ad majoris spei momentum in Pa-
 latinatum trahit, in victorem in-
 currit Tillium, à quo prope Hoë-
 stum oppidum ad mœni ripas
 brevi pugna victus, reliquias ta-
 men cæsi exercitus cum Mansfel-
 dio conjungit, qui cum jactare
 Palatino fidei majus experimen-
 tum vicinis vexandis (in quibus
 fuit Ludovicus Hassiæ Landgra-
 vius, Darmstadiæ cum filio Saxo-
 nis genero, illata causa quod ho-
 stibus studeret, captus, & magna
 pecuniæ vi libertatem pacisci co-
 actus) quam ad sua recuperanda
 dedisset (qua ille desperatione,
 cum eum auxilia quoque à focero
 Angliæ Rege frustrarentur ad
 Hollandos redit,) Tillio ingruenti
 cedens Alsatiam & Metensem
 Diœcesem ferro quantum fugien-
 ti li-

ti licebat, depopulatus, in finibus
 Brabantiae Cordubæ Hispanico
 Duci, qui se opportunè venienti
 objecerat, pœnas dat, magna ex-
 ercitus parte amissa, ita tamen ut
 cum Brusuicensi dextro brachio
 in illa pugna mutilato, & cum
 flore equitatus effugeret, operam-
 que non inutilem Hollandis ad sol-
 vendam Bergæ urbis Brabantiae
 ad Zonam fluvium obsidionem,
 quam victor capto Juliaco Spi-
 nula arctissima oppugnatione ur-
 gebat, navaret, qua cum successu
 defunctus inopem exercitum in
 Frisia Orientali, quam indicta
 causa invaserat, rapinis & vicino-
 rum spoliis reficit, primusque
 exemplum hoc prodidit Provin-
 cialium copiis sustentandi mili-
 tem, quod postea in justis prope
 nobis imitationem acceptum non
 avitis Principibus si bellum se-
 sum alere posset, eo rem mili-
 tare

tarem quæ hodiè obtinet, adduxit, ut legitimum bellum à latrocinio nil nisi amorum causa distinguat, stipendiisque ex præscripto solvi defitis statim quoque disciplina belli soluta Germania primum sui, post exteri militis præda fieret, eo discrimine quod hic spolia, alter & imperium rapiat, eoque successu ut causa quantumvis iusta, sed non iisdem artibus administrata in ejus potestatem recideret, qui non tam suis opibus quàm hostium vitiis in occasionem suam versis præliorum quidem plerumque dubiam, sed belli jam ferè certam victoriam consecutus esse videtur. Tillius Palatinatum ab hoste vacuum per otium subigit, Haidelberga vi, Manhemio munitissima arte deditione capta. E Bohemia ejiciuntur Protestantium Religionis Concionatores, frustra deprecante

te Saxone, ne victoriæ præmium fieret Religio, sed Cæsar omnium turbarum causas ibi stare causatus propositum tenuit.

An. M. DC. XXIII.

CUM à Cæsare Electorum conventus, qui tamen à Saxone & Brandenburgico per legatos duntaxat obitus, Ratisbonæ perageretur, Friderico Palatino lege Majestatis abrogatâ septemvirali dignitate Maximilianus Dux Bavarix sufficitur. Variè ea res accepta, prout favor aut odium animos occupaverat, quanquam utrique & præmium & pœnam commeritis videbatur, tamen apud multos studio Religionis alioversum versa interpretatio & plaga uni inflicta partium connexu terrorem in omnes vulgaverat: nec deerant externi qui suspensiones intenderent, recta detorquerent,

28 EPITOME RERUM

rem tantum sine consensu Ordinum novo, aut à nimia vetustate exoleto summæ potestatis exemplo peractam altius spectare, si fortunarum everfio pœnam sequatur, has in ejus arbitrio fore, penes quem pœnæ modus sit; nec defore reos, ubi factio imperet, accusatio pretium habeat, & lex Majestatis nullis jam exceptionibus unius familiæ sit futura auctoritas. Hæc à Saxone & Brandenburgico non obscurè jactata, sed alterum Lusatia tenebat, alter erat potentioris accessio, ita res non ultra questus progressa, Imperatoris beneficium Bavaro ratum fuit, licet & Hispanis id fastigii alteri, qui exinde non tam alte emineret, adstrui malentibus. Frankenthalium sola in Palatinatu Transrhenano civitas adhuc Hispanis ausa resistere pacto, se dedit, cum eodem tempore Angliæ Regis

Regis Filius in Hispanias trajicens
 sororem Regis matrimonio jun-
 cturus, Palatinatus restitutio dotis
 accessio futura crederetur, sed res
 jam tot Principum quos illa resti-
 tutio tactura esset, ad diversa ten-
 dentium rationibus & petitioni-
 bus implicita successu in unius ar-
 bitrium collato caruit, & Anglus
 conditionem in Gallias transtulit,
 ducta inde Galliarum Regis so-
 rore. Interea cum Saxoniae Infe-
 rioris Principes conscripto finium
 tutandorum causâ milite Christia-
 num Brunsvicensem Ducem le-
 gissent, sed mox offensionem Cæ-
 saris veriti exautorassent, ille ar-
 mis haud secius retentis, cum à
 Cæsare pacem petere quam habe-
 re mallet, jam copias suas ad tri-
 ginta pœnè millium numerum re-
 fecisset, Tillius tergiversantem &
 Mansfeldio qui in Phrisiæ finibus
 & ipse bellum instaurabat, se jun-

30 EPI TOME RERUM

gere parantem propè Statlohum
 Westfaliæ ex itinere aggressus tu-
 multuatio certamine cum primi-
 tantum agminis coactores à parte
 Tillii rem totam transegisset, sed
 memorabili clade sternit, ut ple-
 risque in acie cæsis Dux cum pau-
 cis equitibus fugam tenuerit,
 Mansfeldius victorem Tillium pro-
 vinciaæ frequentibus paludibus æ-
 stuariisque impeditæ pontibus om-
 nibus aditibus abruptis frustra tus
 est, sed Provinciales tandē ipsi cap-
 tis armis, quâ vi, quâ pactis condi-
 tionibus illū exegerunt. Cum Ga-
 borius diversa è parte ingens ex
 improvviso bellum in Ungaria con-
 citasset, Turcicisq; auxiliis adjun-
 ctis deletis ad internecionem Cæ-
 saris exercitu quem Montenerius
 ducebat, jam in Moravia pedem fi-
 xisset, novis Cæsaris copiis adven-
 tantibus suisque dilabentibus cum
 in prædaram antea impunè acta-
 rum

rum vicem jam vera belli pericula
succederent, pacem componit
tempori inserviens, quod illi so-
lenne erat, effeceratque ut licet
intelligerentur artes, tamen vin-
dicari non possent Turcarum me-
tu, quos turbatis inducere rebus
Germaniæ non intererat.

An. M. DC. XXIV.

TIllius cum subactas, quæque
illis proximæ provincias, in
terque illas Hassiam victoris mili-
tis steteris contineret, Wilhelmus
Landgravius agnato suo Ludo-
vico Darmstadenſi controversæ
hæreditatis jure condemnatus
Marpurgensem cum urbe agrum
restituere cogitur cum paulo antè
Marchio Durlacensis agnatis suis
Badensibus Eduardi Filiis paterna
bona, quorum successione eos ut
materno genere impares arcebat,
pari judico victus reddidisset Til-
lio ar-

32. E P I T O M E R E R U M

lio armorum ostentatione sententiam exequente, tantum ab armato hoste otii erat ut post sexennes belli calamitates Germania jam non ad immaturam pacem adspiraret, si aut victi quiescere, aut victores armis parta aliter quam armis retinere potuissent. Mansfeldius Phrisia expulsus, cum venalem malis alienis operam frustra aliquamdiu & apud Batavos & Gallos circumtulisset, non defuit tamen quærenti bellum, qui idem quærens reciperet. Magnæ Britanniae Rex qui quietis ad id tempus consiliis placitam ab initio novi & adventitii Regni administrationem nullis temerè bellis miscere constituisset, fractus generi nepotumque exilio, armis eos restituere deliberabat, quibus adhuc frustra apud Cæsarem deprecando se opitulatum esse putabat, cum

eum magis ipse gener deprecandus esset, ut posita tandem injustè, præterquam quod & infauستè appetiti Regii nominis contumacia errorem suum, beneficiique potentiam in Cæsare agnosceret, desineretque velle quæ fecisset, pro æquo & justo, quæ nomina victoris sunt, videri fecisse. De bello ergo agitante gratus Mansfeldii comitisque ejus Brunswicensis pari fidere afflati adventus fuit, & jam in reliquis quoque Christiani orbis partibus novorum ingens bellorum moles struebatur, fœdere inter Galliæ, Daniæ, Angliæque Reges, & Venetos, Hollandos, Ducemque Sabaudia & Rhætos contracto. Junxerat eos præter privatas cujusque causas commune potentia Austriacæ odium, quam ut altius suspectarent, umbra quoque sua ad incrementum invidia elevabant, ad-

jiciendo quæ illa nec haberet , af-
 fingendoque , quæ nec concupif-
 ceret. Gallos armabat solemne
 Imperii arcanum , ut veterem æ-
 mulum non propriis solum , sed
 jam aliorum quoque odiis matu-
 rum cum quam plurimis hostibus
 colliderent. Anglum generi mi-
 serebat , Danum affinis , & in tan-
 to rerum motu quiescere haud
 Regium videbatur. Venetos Val-
 lis Tellina premebat , Alpesque in-
 visis sibi clientelis clausæ , & erep-
 ta externa bella emendi facultas
 bello recuperanda videbatur Ol-
 landos grave Palatinæ stirpis exu-
 lantis hospitium , à qua prima eo-
 rum libertas tam liberaliter culta,
 reddendi vicem beneficii posce-
 bat. Sabaudus volebat videri Ge-
 nuenses Hispanorum nomine o-
 disse , cum odisset suogentem pe-
 cuniis opulentam , & odii mer-
 cedem inopi eidem at ferrum ha-
 benti

benti è propinquo ostentantem.
 Rhæti pro servitute sua interpre-
 tabantur restitutam Valletelliniis
 libertatem, itaque primus apud
 eos belli impetus erupit, junctis-
 que Coëverio duce Gallicis auxi-
 liis opertas jam nivibus Alpes rui-
 næ instar in defectores quondam
 suos provolverunt, nec apud infen-
 sos valuit Pontificii sequestri quo-
 vallis jam à tribus annis teneba-
 tur, reverentia, & quod militem
 depositi præsidem non occiderint
 altro imputavere. Jamque valle
 totâ potiti summam destinati sibi
 belli non ingloriè perfecerant, nisi
 ad unum Lary lacus angulum,
 Rivæ nomen est, irrito conatu
 hæssissent, cauponamque ignobi-
 lem (ea loco nomen dabat, sed
 um in legitimi formam præsidii
 Hispani emunierant, loca quoque
 propinqua opere complexi) ma-
 gnis cladibus nequicquam oppug-
 nan-

nando inexpugnabilium arcium
famæ æquassent.

An. M. DC. XXV.

INsignis insignium morte viro-
rum annus fuit, Jacobi M. Bri-
tanniæ Regis Carolo filio succes-
sore. Mauritiæ Nassovici qui alter
Belgicæ libertatis Camillus, cujus
pater primus vindex fuerat, poten-
tiæ hæredem reliquit fratrem Fri-
dericum, gloriæ vivo fratre mo-
deratæ, extincto haud imparem,
hos secutus Joachimus Branden-
burgicus, Dux olim Unionis Pro-
testantium, dignus eo imperio, ni-
si imperasset, & Carolus Austria-
cus Imp. frater in medio hono-
rum, ad quos in Hispaniam evo-
catus fuerat, cursu abreptus Leo-
poldo alteri fratri causam dedit,
quo successio Austriaca pluribus
munimentis insisteret, abdicato
cœlibatu nuptias cum Claudia Me-
diceâ

diceâ, M. Ducis Hetruriæ amitâ
 contrahendi. Ferdinandus Cæs.
 major natu Filius Hungarici Re-
 ni Successor declaratur, & ex Au-
 striâ Lutheranæ Religionis præ-
 cones proscribuntur, victoriarum
 fiduciâ id Cæsare Protestantibus
 facere viso, cum faceret illorum
 ipsorum exemplo qui Religio-
 nem & ditionem juxta æstimant,
 sed in se jus, in aliis licentiam vo-
 cant. In Italiâ Sabaudus auctus
 Gallicis copiis Duce Aldigherio
 viro sibi & in contrariis & in eisdē
 castris semper cum admiratione
 virtutis cognito, cum Genuenses
 bellum expertos eoque ferociore
 insignibus cladibus affectos parte
 meliori territorii exuisset, & urbē
 subitâ trepidatione pæne apertam
 interceptisset, in tempore conflu-
 entibus eò Hispanicis auxiliis &
 hinc à tergo prementibus, cum
 usum quoque victoriæ aut com-

meatuum inopia, aut discors ei
 opitulator corrupisset, dedit hosti-
 bus facultatem amissa eadem fa-
 cilitate recuperandi, cum gens illa
 rum demum postquam victa est
 sese, opesque suas rectè intellige-
 ret, & adversæ fortunæ admonitu
 sedem Reip. ita permuniret, ut
 supra vetera orbis oracula maria
 & montes inædificando, & illic
 urbis spatia prolatando non exi-
 guam Apennini partem mœnium
 pomæriique sui partem faceret, &
 Naturam hinc apertis fluctibus,
 illinc rupibus periculosè imminen-
 tibus antea minitantem jam liber-
 tati suæ quasi injectis compedi-
 bus ultro servire cogeret Hispani
 florentissimis è Germaniâ supple-
 mentis ad veteres Insubriæ copias,
 additis cum Ducis Feriæ ductu
 magnis in Sabaudum apparatus
 movissent, Veruâ non digni no-
 minis urbe frustra per totam æsta-
 tem

tem obsessâ demonstrarunt tanti
 esse exercitum quanti ducem, &
 multum interesse armane inferas,
 an illata defendas, nam Sabauda
 quod tam formidandæ belli moli
 exiguis ipse copiis par fuit ad
 affectam Genuensi bello veterem
 gloriam recuperandam, uti & Pa-
 penhemio ad novæ incrementum
 suffecit Rivæ obscurus, ut memo-
 ravi, locus contra multiplices ho-
 stes, Rhætos, Gallos, Venetos non
 magno militum numero egregiè
 defensus. Anglis Hispaniam classe
 invadentibus idem qui cæteris
 aliena oppugnantibus hoc anno
 proventus fuit, nam exscensione
 Gadibus factâ multis amissis ad
 naves redacti cœptum infelicitè
 bellum in Piraticam, quod cum
 hominibus non cum hostibus bel-
 lum est, verterunt. Indidè Mans-
 feldius socio Brunsvicensi trajectis
 in Belgium Anglicis delectibus

Colonienſem Diœceſem & pro-
 ximas regiones depopulando no-
 vis Tillium tumultibus excitat, qui
 in diverſam ſuſpecti à Dano belli
 partem intentus, Anholdium e-
 opponit. Inter quos, cum ſe variis
 belli artibus invicem eluderent
 nullo momento extracta æſtas Pa-
 latino ſpem ſua Anglicis auxiliis
 recuperandi irritam fecit, cum
 Hollandos quoq; velut majus in ei
 momentum foret Spinola diſtine-
 ret Bredâ validâ urbe ab integr
 pæne anni ſpatio apparatiſſimâ
 obſidionē potitus, magna nomi-
 nis gloriâ, quæ tamen argueret il-
 lum eis belli artibus præſtitiffe
 quibus ad integræ victoriæ emo-
 lumentum unius hominis ætas no-
 ſufficiat. Gallus ut externis belli
 otioſe frueretur, Religionem bel-
 li cauſis exemit, & Hugonotti
 rebellibus pacem dedit. Rex Da-
 niæ Saxonici Circuli inferiori

Du

Dux per factionem creatus, diffidente Georgio Lunenburgico, & Cæsarias partas in iusti militis formam amplexo [verebatur agnati sui Vdalrici Brunswicensis, cujus ipse inter proximos hæredes esset, orbitati Regem imminere] tantum Cæsari sollicitudinis iniecerat, ut veteres exercitus tot hostibus neutiquam pares indicaret, & Walfsteinium novis delectibus præficeret, hominem paulo post inusitatum fortunæ exemplum iturum, quæ tamen ad extremum ejus temeritati, quæ ei pro sapientia fuit, non suffecit. Hic coacto ad signa valido Legionum numero Halberstadiensem & Magdenburgensem Diœceses, ut Albini fluvium in potestate haberet, præfidiis firmat, alterâ ex parte Tillio Visurgim Huxterio oppido & propinquis locis occupatis insidente Rex in Brunswicensi agro sub-

stiterat, itaque in tantâ propinquitate brevis committendi belli mora fuit minutis primum præliis expertâ re, inde a Tillio Hamela ac Mynda validæ ad Visurgim occupatæ urbes: Sed ad Nienburgum non idem eventus respondit: nam cum clade inde repulsus occiso tamen Obentrautio & Friderico Saxone Altenburgensi strenuis hostium ducibus extra summæ rerum detrimentum fuit. Matura jam hyems utramque partem à gerendo ad apparandum bellum revocavit.

An. M. D. C. XXVI.

MAnsfieldius in Bremensium finibus resectis per hyemem viribus munitissimum Albis Dessaviensem pontem ut Cæsarianos fluminis usu privaret, adortus magnam exercitus partem Walsteinio à tergo invadente amittit.

Non

Non tamen vel toties victo miles
 defuit quem raptim in Silesiam,
 Moraviam, & ad ipsos Ungariæ
 fines more suo populabundus du-
 cit, Ernesto Vinmariensi comite,
 quem propriæ copiae sequeban-
 tur spe novi belli, vel per tumef-
 centes adhuc ibi Rebellium reli-
 quias, vel per Gaborium, vel Tur-
 cas ipsos concitandi. Sed Walste-
 nius rebellionem nondum adul-
 tam in tempore adveniens com-
 pescuit, Gaborius ita laudabat bel-
 lum, ut pacis tamen eum non pœ-
 niteret. Turcis magnâ à Persis hoc
 anno clade affectis ad externa
 moliendâ nil domi otii supererat,
 itaque ad artes suas redactus
 Mansfeldius quum bellatoris, no-
 men implere non posset, popula-
 tor esse perseverans fœdis cladi-
 bus Silesiam Moraviamque de-
 vastat, sed à Walstenio tota ex-
 actus Germaniâ ad Turcas pro-
 fugus,

44 E P I T O M E R E R U M

fugus, ibique peste extinctus ne
 Christianorum quidem manibus
 nedum lacrimis compositus est,
 cum illis exemplis, quorum con-
 tagio victores pariter ac victos
 postea invasit, nunc etiam lacri-
 mabilem patriæ statum fecerit.
 Christiano Brunsvicensi hic idem
 annus extremus fuit, quem pulsi
 Northemii obsidione Tillii copii
 haud ingloriè auspicatus fuerat
 sed à fratre Vdalrico ad capeffen-
 dam patriam hæreditatem avoca-
 tus, mox decedens incertum reli-
 quit an si patrimonii jam sui com-
 pos diutius vixisset, injuriæ poten-
 tiam vel in ipso Avunculo Dania
 Rege, qui potiozem Brunsvicensi
 Ducatus partem, ipsamque pena-
 tium sedem Wolfenbutteliam præ-
 fidiis obtinebat, laturus fuisset.
 Tillius interea veterano exercitu
 suo fidens Danum frustra ad ren-
 uno prælio decernendam provo-

can

cans operam dabat si quo pacto
ad urbium expugnationem cir-
cumferendo bellum Regi cuncta-
tionis suæ tædium injiceret. Er-
go Osnabrugensem cum Episco-
patu civitatem paulè antè à Rege
subactam per Anholdium armis
recipit, Mundam in confinio
Hasslæ munitam urbem ductu
Ludovici Furstenbergii internecio-
ne cæso Regio præsidio expu-
gnat, quo terrore Gottingæ ur-
bis omnium rerum provisu instru-
tæ maturata deditio, & Calen-
berga arx idem pacta, cum exi-
nias Danici equitatus turmas ob-
sessis opitulaturas idem Fursten-
bergius antea profligasset, inde
Northemium iterum à Tillio cir-
cumvallatum; hæc tandem Re-
gem obsidio cautis illis quibus ad
tam diem usus fuerat, consilii
evolvit, itaque totis viribus sub-
sidio profectus urbem quidem

46 EPITOME RERUM

obsidione exemit, sed cum se in
 ditionis Moguntinæ agrum Eisel-
 densen longius effudisset, præ-
 buit Tillio id quod quærebat, ut
 receptu intercluso necessario illi
 prælio experiendum foret: triduo
 toto perpetuis in agmine assulti-
 bus laceffit hostis ad Luteram
 tandem vicum Tillio in manibus
 fuit, ibi memorabili pugna victus
 Rex castris impedimentisque
 omnibus & peditatu pœne uni-
 verso amisso, cum delectis equi-
 tum effugit. Tum major Saxo-
 niæ Inferioris pars Bremâ tenus
 in victoris fidem venit, Hassiæ
 Landgravius adactus, quod adhuc
 constanter recusaverat, ut eosdem
 quos Cæsar haberet, habiturum
 se hostes profiteretur. Cum hic
 locorum inter milites & non in-
 digna belli nomina Mars arma
 exerceret, in Austriâ superiori
 Rustici repentino quodam furore
 perci-

GE

perciti a
 rerum m
 libertate
 rendi an
 Bavaro,
 tibus ad
 erat, tan
 prios, tri
 quereban
 minum i
 sed barba
 cendendi
 Monaster
 nec sem
 cæsi que
 ctus, do
 penhemiu
 armis agg
 dam (q
 menta mi
 quam vuln
 filios, sed
 non fune
 ut domito

perciti ausi sunt & ipsi præsentibus
 rerum motibus sese inferere, &
 libertatem credendi, mox & pa-
 rendi armis quærere. Nam se à
 Bavaro, cui exolvendis belli sum-
 tibus ad tempus dedita Regio
 erat, tam adstrictè regi ut pro-
 prios, tributis exhauriri ut alienos
 querebantur. Res autem pro ho-
 minum ingenio non belli instar
 sed barbaria fuit devastandis in-
 cendendisque villis, arcibus &
 Monasteriis expilandis desæviens,
 nec semel tamen fugati ab illis
 cæsiq; Cæsarii Bavariciq; dele-
 ctus, donec pudorem militiæ Pa-
 penhemius vindicavit justis eos
 armis aggressus, amuletis quibus-
 dam (quæ ipsa nunc dehonestam-
 enta militiæ esse cœperunt) tan-
 quam vulneribus non pervii, con-
 fisos, sed triplici in eos & nullâ
 non funestissimâ clade opus fuit
 ut domitos captorum tæderet,
 non

nondum ut pœniteret ; multi etiam ex nobilitate factioni huic favisse crediti, nec ultra quæsitum, ne pœna conspectior illustraret culpam faciliè in exemplum ituram. Hoc eodem anno pace Monzonensi inter Gallos Hispanosque compositæ Italiæ turbæ, & libertas Valletelliniis imaginario Rhætis Magistratuum confirmandorum jure relicto, perpetuata. Suspectum Gallo domi bellum à Rohanensi Hugonotarum duce & aperta cum Anglo affine similtas erat, quod uxorem sororem suam arctiori Religionis usu haberet, quam ab initio convenisset, itaque ad res sibi propiores intentus, quippe & in caput suum conflatas domesticas insidias ab ipso vestiariæ rei præfecto eodem tempore detexerat, cætera pacata, solos Germanicos gratuitifuroribus suis immerfos reliquit

An

ERnel
fatis
& res
usurpare
milix le
grum ani
voroque
gitur, ni
refarcire
ercitus qu
bat, Wal
mittit, in
toto pass
effusos Pe
quo pro
struere a
tur, Bau
cum alter
tisset. D
Morganio
Gallia vol
bus cum N
ris obsidi

An. M. DC. XXVII.

ERnestus Vinnariensis in Silesia
 fatis concedit magni vir animi,
 & res novas jure quodam suo
 usurpare visus, cum creptum fa-
 milia septemvirale fastigium æ-
 grum animi angeret, nec cum spe
 votoque avita recuperandi transli-
 gitur, nisi aut reperere amissa aut
 refarcire liceat; partem ejus ex-
 ercitus quam Carpenzanius duce-
 bat, Walsteinius deditam sibi di-
 mittit, in reliquos Baudisio duce
 toto passim Brandenburgico agro
 effusos Peckmannum immittit, à
 quo prope Krenzinum aciem
 struere ausi internecione delen-
 tur, Baudisio tamen superstiti,
 cum alterius capite victoria ste-
 sisset. Danus interea Anglicis
 Morganio ductore & multis è
 Gallia voluntariis auctus delecti-
 bus cum Nienburgum ad longio-
 ris obsidionis vim illato iterum

E

com-

50 EPITOME RERUM

commeatu firmasset, inter Albi
 & Visurgim fluuios, quem utrum-
 que extructis quâ res monebat
 munitionibus hosti se clausisse re-
 batur, ita consedit, ut ad vim bel-
 li prohibendam locum maximè
 idoneum delegisse videretur, Lu-
 neburgicum subinde Ducatum
 emissis cohortibus fœdè devastans.
 Accensus illis injuriis Dux Geor-
 gius maturavit reddere quam ar-
 cere non posset cladem, & Albi ex
 improvviso trajecto Havelbergam
 urbem à Regiis desertam occupat
 cum illis templum urbi appositum
 quod arcis instar situ manuque
 munitum eminebat, conservari
 satis esset, sed mox Tillius ipse
 cui superasse flumen pro victori
 fuit, acrior incumbens primum e
 ipso loco, deinceps reliquis qua
 Rex Albi inædificarat munitioni-
 bus potius fluvium totam Har-
 burgo tenus suæ fecit potestati
 cur

GE

cum al
 eundem
 tunâ suâ
 morem o
 nusquam
 terum in
 belli mole
 infestius i
 habuit i
 agmina e
 pacarat, P
 cui in ip
 chio Dur
 præfectus
 dione co
 tiam sine
 fecit, inc
 gressu ne
 Carolo L
 victoriæ
 supplemen
 participat
 riâ tanto
 dit, quant

GERMANICARUM. 51

cum alterâ ex parte ad Visurgim
eundem Anholdio successum for-
tunâ suâ præberet, & torrentis in-
morem omnia obrueret. At Rex
nusquam prope congregi ausus al-
terum insuper hostem duplicatâ
belli mole & partæ jam victoriæ
infestius ingruentem Walsteinium
habuit ingentium exercituum
agmina ex Austriacis, quas victor
pacarat, Provinciis unâ trahentem,
cui in ipso adventu obuius Mar-
chio Durlacensis Equitum Regis
præfectus stratis à Schlikio occi-
dione copiis quas ducebat Olsa-
miam sine reliquo certamine pæ-
fecit, inde in Jutlandiam trans-
gresso novi militum delectus à
Carolo Lauenburgico conscripti
victoriæ appendix & exercitus
supplementum fuerunt. Tillius
participatâ cum Walsteinio glo-
riâ tanto suam auctiorem reddi-
dit, quanto amplius est bella vin-

cere quam triumphare, & debellatis hostibus non demum & invidiæ succumbere, & Danus ambobus ducibus suffecit, cum alter quâ Visurgis, alter quâ Albis fluit immensis exercitibus inundarent illum extremum Germaniæ angulum, qui exiguo freto à reliquâ Daniâ dirimitur, quo fine ramentum & victorum impetus, & fuga Regis stetit, cismarinis omnibus Provinciis hosti permissis, Stadjo, Crémpenâ & Gluchstadio tribus validis urbibus exceptis. Injecta & in medio armorum ardore pacis mentio, sed à Rege, qui nondum se victi mensurâ æstimaret ne auditæ quidem in eam imaginem nuncuparæ leges, magnâ animo, cum hosti victoriam non posset, desperationem negando Reliquæ erant in victâ Germaniæ urbes Nienburgum, Northemium & Wolfenbuttelia quæ possessio

nem

nem vic
non diu
mius ob
fluvii al
egit ne
contra f
jacturam
Northem
dum à p
nullas ni
admittit
menibus
nullam
spem ha
cedere,
ter & si
corrupta
holdio o
recepto p
periculo
hemia in
cessionem
lio (cum
guini id

GERMANICARUM. 53

nem victoriæ interpellarent, sed non diutius quam hanc Papenheimius obstructo qui eam interfuit fluvii alveo aquarum periculo coegit nec quidquam conservatæ contra ferrum ignesq; libertatis jacturam facere. Furstenbergius Northemio expugnando delectus dum à præsidio deditio parato nullas nisi sui arbitrii condiciones admittit, bis vi ab oppugnandis mœnibus repulsus, cum illi intus nullam jam nisi in desperatione spem haberent, coactus est ea concedere, quæ prius negando, pariter & sibi negavit maturæ & incorruptæ victoriæ, & quale Anholdio obvenit Nienburgo pactis recepto plenum & egregium sine periculo decus. In Austria & Bohemia inaugurato in Regni successionem Ferdinando Cæsaris filio (cum nemo jam quæreret sanguini id juris deberetur an Ele-

ctioni)reperitis Edictis Protestan-
 tium Religio proſcribitur dato
 annuo ſpatio ad canvafandum de-
 liberandumve qui ſanctionibus te-
 neri noller. Mulhuſiæ Electores
 conſilia conferunt quâ ratione res
 Imperii ordinandæ , Pax compo-
 nenda, ac ſi obtineri nequeat, ſum-
 tus bello ſuppeditari poſſent : nul-
 lius earum rerû perficiendæ tem-
 pus erat, itaque quod conſilio ex-
 plicari non poſſet, forti permiſſum:
 eodem advenerat legatus Gallicus
 qui ad pacem hortaretur : honeſta
 oratio , ſi aut tempus , aut aucto-
 ritas, aut alii quibus ſuaderetur ad-
 fuiſſent ; tunc res accepta intel-
 lectaque magis ut erat, quam ut di-
 ceretur. Colmaria quoque per
 miſſu Cæſaris per Lotharingi &
 Wirtenbergici Ducum legatos de
 Palatini reſtitutione , ſed irritum
 effectum actum , cum hinc appare-
 ret pacem peti potius quàm ac-
 cip

cipi, iſti
 dem off
 Belgio
 munitan
 gnant, q
 fuit, niſi
 tur, inte
 nationi
 compete
 quo inte
 cos diſce
 troverſia
 rant eod
 vam è M
 ut interp
 quoque
 acri ut o
 languido
 cum nec
 ſumtibus
 pus, quod
 re interm
 eſſet. In
 cens ſim

cipi, isthinc excusatum esset eandem offerre magis quam dare. In Belgio absente Spinula Grollam munitam urbem Hollandi expugnant, quam servari potuisse fama fuit, nisi exorto, cum subsidio iretur, inter Italos Hispanosque utri nationi priores vincendi partes competere, diffidio id ipsum de quo intempestiva erat inter amicos disceptatio hostibus sine controversia concessum fuisset. Duxerant eodem tempore, fossam novam è Mosâ in Rhenum Hispani, ut interpellandæ navigationi aquâ quoque si possent hosti eriperent, acri ut omnia ejusmodi, initio, sine languido, ad postremum & irritum, cum nec spes emolumenti parsumtibus & justis exercitibus opus, quod hostes nunquam turbare intermitterent, protegendum esset. Inter Gallos Anglosque recens simulas vetera Nationum

odia & factiosorum in Gallia hominum studia confestim ad arma impulit: Angli cum Rupellenses aut ipsorum, aut illi Rupellensium partium essent, classe missâ Rhodensem Insulam invadunt; non cunctatus est Rex ipse interna externoque hoste imminente in expeditionem ire, ergo Insula in ore Regis magnâ Anglis clade expulsi Torraii virtute recuperata, & exemplum reliquis si imitari velint, Principibus præbitum quanto ad Imperii custodiam tutius sit, si qui rebus regendis præfunt, iisdem & gerendis adfuerint potius, quam ut aliorum ductu commissis armis ipsi otiosis devotis suam alienamque fortunam inter spem metumque anxie versent, & prospera ut alienâ, adversa ut sua expectent.

T Illius
ostia
expugna
fendebat
robore i
fortunæ
abstulit v
post lon
paræ lab
tem fecit
Cremper
(Fanum
ab hoc
spem o
fuerat,
diutissima
stratis de
Wallenste
licitatequ
tunæ fran
haberet,
pisceret.

An. M. DC. XXVIII.

T Illius Stadium prope Albis
 ostia munitissimum oppidum
 expugnat, quod Morganius de-
 fendebat vetus miles, & animi
 robore in omne experimentum
 fortunæ suffecturus; sed fames
 abstulit virtutis usum, & Tillium
 post longam obsidionem multis
 partæ laboribus victoriæ compo-
 tem fecit, secuta idem exemplum
 Crempena, sola Gluchstadium
 (Fanum Fortunæ latinè appelles)
 ab hoc ipso Rege condita urbs
 spem ominis in quod ædificata
 fuerat, conditori suo affirmavit,
 diutissimâ obsidione feliciter fru-
 stratis defuncta hostibus. Interea
 Wallenstenius rerum successu fe-
 licitateque sua ebrius omnes For-
 tunæ frænos effudit, ut cum omnia
 haberet, nihil esset quin concu-
 pisceret. Iam Dictatorem se Im-
 perii

perii etsi nomine non ferret re ostendebat nullo Cæsaris mandato, sed certus non prohibiturum permissione pro imperio usus est: tum ille universa in se trahere, omnes exercitus suæ potestatis facere, relictis Tillio aut sterilibus belli reliquiis, aut uno ad hybernandum Phrysiæ angulo, in quo (licet vicinis Hollandis non incustoditus) gloriæ suæ insenescebat, omnia novæ hominis felicitati inclinata cernens, cui soli concessum tantarum victoriarum emolumentis incubare. Legionum tantum sub signis erat quæ armatæ toti Germaniæ pares esse possent; non satis id visum novæ conscribuntur, & tum primum multiplicari cæptus ille Tribunorum, Centurionum, & ordinibus ducendis præpositorum numerus [quo postea nunquam laborari desitum] ut ex solis Ducibus justæ legiones effici possent & ne deesset unde alerentur, hasta

addicta
solutione
victores
stes, eâ
sumeret,
torqueret
in militib
præmioru
tis permitt
speciem h
cesque ipsi
cere debu
eo habitu
nominis
luxus ad i
men cum
habere in
solum divi
lebant.
exactionu
ipsi priore
solum reli
primendun
hum vita

addicta & publicata in stipendii
 solutionem universa Germania,
 victores victique, socii atque ho-
 stes, eâ lege ut miles suo arbitrio
 sumeret, post raperet, denique ex-
 torqueret. Satis gratuitæ licentiæ
 in militibus per se ipsis est, tunc
 præmiorum ad libidinem usurpan-
 tis permissa rapina, nihil quod lucri
 speciem haberet, illicitum fecit, Du-
 cesque ipsi ac præpositi, qui coër-
 cere debuerant, exemplo præibant
 eo habitu cultuque vitæ, qui iusti
 nominis Principes magnitudine
 luxus ad inopiam redigeret, & ta-
 men cum tam effusè prodigerent,
 habere insuper & possidere, nec
 solum divites esse, sed manere vo-
 lebant. Cum ergo tributorum,
 exactionumque & lucri opima
 ipsi priores defæcarent, militi id
 solum relinquebant quod vi ex-
 primendum esset: hinc Provincia-
 rum vita ipsa stipendio assignari
 capta,

erit uis

cæpta, ut novorum cruciarum rum spai
 ingeniis in quæstum versis sævitia raculum,
 militis auro redimenda esset: Hinc hæc uno
 quotidie novi sinus & nova præ Non del
 dandi vocabula, insigne militiæ Dania t
 specimen, cum Commissarii qui bellum, r
 fata, fortunas, vitasque omnium tius, quia
 in manu habebant, & jure suo tam pia. Ru
 militem quam Provinciales depe copiis Ca
 culabantur adversus utrosq; odio ne evagar
 publico tuti, licentiæ auctoritatem circumdat
 darent, Cæsaris servitium, patria misit, ill
 utilitatem, & commune bonum ostio Wol
 vocando quod commune & per in contin
 missum latrocinium erat. Hi Wallstein
 Walsteinii artibus initiatus hi de expul
 annus [utinam exempla non ultra digit, id e
 fastos ivissent] ut constaret illu rum fuit,
 aut Cæsari, aut sibi Imperium habuit St
 ejusmodi quævisse, quo pluribu auxiliis si
 urbibus quam hominibus impe præsidium
 raretur. Hæc unquam in Germa thici littor
 nia videri quis non pro miracul ponere W
 habuisset? nunc trium ferè lustro recipere c
 rum

um spatio tolerari talia extra mi-
 aculum, propiusque maraculo est,
 æc unquam desitura sperare.
 Non desinebat inter hæc Rex
 Daniae terra marique reparare
 bellum, maritimis viribus fiden-
 tius, quia nulla hosti ejusmodi co-
 ia. Rugiam Insulam magnis
 opibus Cæsariani obtinebant, his
 ne evagari possent, classe undique
 circumdata in Pomeraniam trans-
 misit, illapsusque Oderæ fluvii
 ostio Wolgastum expugnat. Visus
 in continenti hostis statim excivit
 Walssteinium, qui magna inde cla-
 de expulsus Regem ad naves re-
 ligit, id ei ultimum ejus belli ope-
 um fuit, domumq; regressus satis
 habuit Stralsundenses submissis
 auxiliis sustentare, ne hostium
 præsidium, quod ut reliquis Bal-
 tici littoris urbibus summa vi im-
 ponere Walssteinius contendebat,
 recipere cogerentur, pertæsus bel-
 lum

lum quod pecuniæ ad ordinata stipendia exsolvenda defectu non suis artibus gerere posset, expertus labente inde disciplinâ militari similitudines insuper inter suos duces ex tam variis nationibus quarum una alteram æmulatione laudis impediatur, mixtos exitisse, & cum penes se nec pœnæ exposcendæ, nec mercedis dependendæ facultas esset, rerum regimen jam non suo, sed cuiusvis ingenio permitti debuisse: His ergo vitiis in propinquam perniciem ituris hostes potius relinquere, ipse eis honesta si posset pace absolvi maturabat, sumto ad eam componendâ interprete Schaumburgio vigiliarum summo apud Cesarianos Prefecto, quem Gluchstadienses præsidarii improvisa eruptione oppressum interceperant, certus uti se bello, ita adversarios victoriâ perituros. At con-

cessar

cessam V
citatem, c
onerare
imperio,
appellare
civitates
commuta
mercium
mæ nego
sed illæ
perpetuar
nem excu
hominum
cum exce
essent,
naves ne
opus long
omissum
quæ conc
men octo
id visum
imperii ti
Architala
nico, qu

cessam Walsteinius lubricam felicitatem, quo maturius procideret, onerare insuper affectando maris imperio, & ut navium copia esset, appellare de fœdere Hanseaticas civitates spe objectâ solas illas commutandarum ex Hispaniâ mercium & brevi omnis maritimæ negotiationis arbitras fore, sed illæ salubri temperamento perpetuam majorum consuetudinem excusarunt, ut omnium æquè hominum amici, nullius unius cum exceptione reliquorum socii essent. Eâ spe dejectus ipsemet naves novas ædificare parabat, opus longum, & tædio temporis omissum non assueto expectare quæ concupisceret; effectus tamen octo navium numerus, satisque id visum ad occupandum novi imperii titulum, ut maris Balthici Architalassus audiret. Freto Danico, quo brevis ex Rugiâ Insulâ

trajectus, omnes qui eo utuntur po-
 puli Angli, Sueci, Batavi illum im-
 minere credebant, actum ergo ut
 illud tot gentium claustrum occu-
 panti pro compede futurum com-
 muni ope defenderetur cauto ma-
 gis quam necessario consilio, nam
 una urbs Stralsundia repetitis ab eo
 acerrimis oppugnationibus magna
 cum iactura exercitus nequidquam
 tentata, cum mari libero à Suecia
 Rege cuius clientelae se postea de-
 didit, subsidia reciperet, avertit re-
 tinuitque suspectae felicitatis cur-
 sum, odii tamen causis in immen-
 sum procedentibus, maxime quo-
 jam ex Fridlandiae Duce Megapo-
 litanus Dux evaserat, praecipua su-
 per caetera omnia invidia, cum prio-
 res Duces quasi hostilium confu-
 sionum participes Majestatis ac-
 cusati vix inter reos, & jam inte-
 damnatos fuissent. Extare jam illi
 in Palatino praetentata exempla

hur

hunc Sa-
 addi à q
 ret; quo
 prima,
 fremebat
 riculis sui
 diderat o
 suas astin
 tamen C
 gicum M
 nistratore
 natum di
 stientest
 successio
 uterq; su
 se trahere
 stativoru
 ipse quide
 Religioni
 utilitatis
 eademque
 pesseret.
 teriam pre
 in urbibus

hunc Saxoniam in Inferiori custodē
 addi à quo victa & servire disce-
 ret; quod nunc actū ut non inter
 prima, ita nec inter ultima fore
 fremebant vulgo omnes quos pe-
 riculis suis effingendis anxios red-
 diderat odium, metus, & ubi vires
 suas aestimabant, securitas. Idem
 tamen Christianum Brandenbur-
 gicum Magdenburgensem Admi-
 nistratorem eadem lege condem-
 natum diverso affectu & ultro ge-
 stientes tulere, cum Cæsar ac Saxo
 successionem Episcopatus pro filio
 uterq; suo contentissimis studiis ad
 se traheret, ut tandem Saxo super
 stativorum militarium, a quibus ne
 ipse quidē immunis, insolens onus
 Religionis proprięq; jam inmixte
 utilitatis respectu eosdem metus,
 eademque secum discrimina ca-
 pefferet. Multam sermonibus ma-
 teriam præbuerunt frequentia quæ
 in urbibus Imperii edicta pepen-
 derunt,

66 EPI TOME RERUM

runt , quibus Religionis usus ad
 præscripta legis eâ de re conditæ
 seuerius exigi cœptus, quam æquū
 videretur eis qui omnia quocunq;
 modo tolerata pro immutabili iu-
 re observari volebant : Major ve-
 ro & suo cuique periculo æsti-
 mando propior inde data , quod
 passim lege Majestatis eorum bo-
 na publicabantur , qui superiorum
 rebellibus consociasse consilia in-
 simulabantur. Per multa non ob-
 scuri nominis capita pervagata
 hæc quæstio rem invidiosam ad
 omnes fecerat , quod bona vacua
 non illis qui jure proximi, sed ho-
 minibus ab aulâ Cæsaris immissi
 traderentur , acerrimo horum cri-
 minum quæsitore Rudolpho ab
 Ossa Commissario , quem nuper
 Comitum Hanavensium rerum
 familiarium curatorem ipsi nunc
 domini dominisque similes me-
 tuere cogeantur. Geinebat ac

hæc

GE

hæc Ger
 lerabili
 onere &
 tuara bel
 las tam
 testantiur
 aulâ Cæ
 qui in mi
 terent ,
 giones, se
 & seu vo
 certum,
 citra effe
 regetur
 Provinci
 immensa
 dependen
 bat terre
 ratis hiat
 tur undiq
 nusquam
 animorum
 tu finest
 lum Vinc

hæc Germania universa sub intolerabili exactionum militarium onere & bello profligato perpetuata belli mala concivere querelas tam Catholicor. quam Protestantium, ablegati quidem ab aulâ Cæsaris specie quæsitorem qui in militum scelera animadverterent, exauctoratæ aliquot legiones, sed parum inde levamenti & seu voluntas, seu facultas incertum, remedium certe ipsum citra effectum fuit, & quamvis regeretur ipsarum Austriacarum Provinciarum exemplum, quæ immensa hoc anno Cæsari tributa dependerunt, tanto magis patebat terrebatque magnæ necessitatis hiatus, cum quantum daretur undiq; quorsum insumeretur, nusquam appareret. Hoc rerum animorumque in Germania habitu funestum in Italiâ exarsit bellum Vincentio Mantuæ & Mon-

68 E P I T O M E R E R U M

tisferrati Duce sine liberis mortuo, cum proximus ex agnatis hæres Carolus Niverniensis in Galliâ natus invisus Hispanis accola futurus additâ inconsulto Cæsare tanquam supremo domino hæreditate causam dedisset eandem armis controvertendi. Nihil hoc bello ad ferendos rumores fecundius, nec perinde dijudicari potest quid rectum factu fuerit, quâ pessimum fuisse quod factum est. Germaniæ intererat aut semper aut nunquam id bellum omisum fuisse. Hispani mandato Cæsaris (seu idem quod Wallensteinus permissionem pro imperio usurparunt) Monferratum sequestro possessuri Casale primarium oppidum spe proditiōnis armis invadunt, eâque detecta in iustæ modum obsidionis oppugnant, magnâ adversæ invidiæ famâ cum metus ex novo accola ideo fictus crederetur, ut eo magis hoc

GE

hoc ipsum
ibi res era
Gallis fin
uterq; ho
haud dub
bus pertu
imputatur
re, Gallis
non posset
Nivernien
Hic idem
integri s
Rupellæ
Galliar. ab
laboribus
que bine
adventant
conata, et
recenti A
sed transe
cum belli
tionibus,
quibus ur
terrunt aut

hoc ipsum concupiscerent: sed illis
ibi res erant, ut aut Sabaudus cum
Gallis simul, aut Niverniensis, aut
uterq; hostis habendus esset. fatum
haud dubiè Italiæ ut novis moti-
bus perturbaretur, sed Hispanis
imputatum, quod Gallorum timo-
re, Gallis irritatis, cum utrumque
non possent, Sabaudum amicum,
Niverniensem hostem fecissent.
Hic idem annus longâ & pœne in-
tegrum spacium anni extractâ
Rupellæ Urbis obsidione Regem
Gallar. absolvit, tot ibi exhaustis
laboribus operibusque emolitis,
quæ binæ Anglorum classes subsidio
adventantes frustra perrumpere
conatæ, ut nunc quoque re tam
recenti Annalium fides laboreat:
sed transegit denique victor Rex
cum belli intestini longis expedi-
tionibus, imposuitque tot annis,
quibus urbs illa Reges suos aut
terrui aut timuit, sollicitæ curæ

70 E P I T O M E R E R U M

magnum hunc diem, ut deinceps Imperii sui suo arbitrio potens excisâ hac vomicâ neminem subditorum nec metuere nec amare cogatur. Paulo ante deditionem Buchingamius Angliæ Sejanus à gregario milite confossus reddidit eum quem Regiæ amicitia odio publicarat inultus sanguinem, Rege nihil ultra percussoris supplicium inquirere auso. Eodem tempore Holladi classem Hispanicam, quæ vectigale ex Indiis aurum advehebat, interceperunt, diu prædæ huic insidiati, sed hoc solo anno eis eventus respondit, major in privatos Indicæ Societatis affines, quam in rem publicam emolumento, quæ validius bonis consiliis quam auro viget, eâdem Hispanis damni æstimatione præsentia & domi nascitura malint agnoscere & exercere quam longinquis & incertis niti, quæ ma

G E

ri hostib
alisque c
sulta sap
destituunt

L Ubed
niaqu
Legatos
tentionib
quam vic
pro victis
ad repe
& jam
oram in
pressa pa
venit, qu
tunæ exp
poneret.
contra Po
xime flor
legatos m
nendæ i
Cæsariani

ri hostibus, fortunæ, temporis,
aliisque casibus exposita benè con-
sulta sæpè evertunt, plerumque
destituunt, semper morantur.

An. M.DC.XXIX.

LUbecæ inter Cæsarem Da-
niæque Regem de pace per
Legatos longis & acerrimis con-
tentionibus disceptatur, cū hi plus
quam victores, illi minus quam
pro victis se agnoscerent. Rex
ad repetenda arma spectabat,
& jam instructâ classe Olsatiæ
oram invaserat, bello igitur ex-
pressa pax in eas condiciones con-
venit, quas utraque pars novæ for-
tunæ experimento merito ante-
poneret. Suetiæ Rex perpetuis
contra Polonos victoriis tum ma-
xime florens eodem suos quoque
legatos miserat, qui paci compo-
nendæ interessent: intellexere
Cæsariani quorsum sese ille osten-
tarer,

taret, itaque eos non admifere hoc
 ipfum, ut poſtea apparuit, volen-
 tes, ut Rex jam diu Germaniæ
 difcordiis infidiatus hanc acceptæ
 injuriæ ſpeciem quam armis re-
 torqueret, haberet, cum Stralfun-
 dienſes iterum à Walenſtenio op-
 pugnati injuſti formulam imperii
 ſacramentum jam ejus accepif-
 ſent, & totâ vulgarentur Germa-
 niâ epistolæ, quibus oppreſſæ Re-
 ligionis libertatiſque periclitantis
 patrociniū profitebatur, conſue-
 to Regibus lenociniū, ut pro pri-
 mo ſervitutis inſtrumento liber-
 tatem habeant. Sed re immaturâ
 inter ipſa bella bellum ei exſpe-
 ctandum erat nondum deſuncto
 rebus contra Polonos gerendi
 quibus juffu Cæſaris cum validiſ-
 ſimo hoc anno copiis ſubſidio profectu
 Arnheimius parum tamen eis a-
 ſumnam rei momenti attulit, e-
 odio inter ſe & æmulatione Na-
 tionum

tionum
 vincere
 ficium de
 & laram
 hæc Imp
 & in cuj
 verſæ Ger
 ve erecti
 afficis deſ
 ctione,
 Pacem Re
 appareret
 Magnis e
 mulgatio
 rata tot
 modicâ l
 teſtantibu
 ullus ab eo
 immuniſ
 quam ſe
 ſi promiſc
 fuiſſent q
 re victori
 tos & ami

fere hoc
 volen-
 ermaniae
 acceptae
 nris re-
 tral fun-
 enio op-
 n imperii
 accepit
 Germa-
 eſſa Re-
 clitantis
 confue-
 pro pri-
 to liber-
 mmatur
 ei expe-
 defuncto
 gerendi
 um validi
 profectu
 en eis ad-
 tulit, ex-
 tione Na-
 tionum

tionum cum Germani ne ingratis
 vincerent, Poloni ne invifis bene-
 ficium deberent, vanam feciſſent
 & latam & acceptam opem. Sub
 hac Imperator rem diu agitatam,
 & in cujus expectationem uni-
 verſae Germaniae animi ſpe metu-
 ve erecti erant, de Bonis Eccleſi-
 ſticis definire auſus publicam ſan-
 ctione, quidquid eorum contra
 Pacem Religionis occupatum eſſe
 appareret, reſtituendum edicit.
 Magnis ea motibus excepta pro-
 mulgatio Catholicis, ut ad diu ſpe-
 tata tot victoriarum praemia im-
 modicam laetitia geſtientibus; Pro-
 teſtantibus contra, quorum vix
 ullus ab eorum bonorum contactu
 immunis, in univerſum non aliter
 quam ſe pro victis aestimantibus,
 ſi promiſcuè ab iis qui armis uſi
 fuiſſent quique abſtinuiſſent, ju-
 re victoriae etiam inquietos, mul-
 tos & amicos vulgato ea reddenda
 eſſent,

essent, quæ à majoribus accepta
 sine ullâ legum sollicitudine ac
 conscientia pro suis ita possedis-
 sent facilius ut ea à se auferri.
 quam repeti paterentur. Ergo
 commotis eodem tempore simul
 omnium patrimoniis cum rei fa-
 miliari trepidatio Religionis pe-
 riculo insuper augeretur, aboli-
 rumque Augustæ confessionis Au-
 gustanæ exercitium in reliquos
 omnes qui idem nomen profite-
 bantur, anxii ominis exemplum
 faceret, apparebat novor. ingen-
 tem discriminû molem ad res jam
 antea turbatas accessuram, eoque
 magis quod arma Cæsaria sub-
 missis hinc Polono, hinc Hispano
 in Italiâ & Belgium subsidiis ex-
 tra Germaniam peregrinantia nu-
 dato invicem metu audaciam
 aperuissent palam conquerendi, &
 summum jus pro summâ jam in-
 terpretandi injuriâ Boscoducur

Bra

Brabant
 bus suis i
 quo expr
 ab eis fi
 æstatis ta
 rant, ut ad
 que hoste
 spanis nu
 spem relig
 quod am
 vulnus era
 aggredi
 Impetrat
 stissimis
 cuculus
 proviso
 fundunt
 primo in
 rem ipsi
 In arcto
 res erant,
 gentia eo
 fuit in pra
 nica urbi

accepta
 dine ac
 possedif-
 auferri.
 Ergo
 re simul
 rei fa-
 onis pe-
 , aboli-
 onis Au-
 reliquos
 profite-
 templum
 , ingen-
 d res jam
 n, eo que
 aria sub-
 Hispano
 fidiis ex-
 antia nu-
 audaciam
 erendi,
 â jam in
 coducum
 Br

Brabantia urbem Hollandi fini-
 bus suis ita innexam, ut è propin-
 quo exprobari servitutum, sæpe
 ab eis frustra tentata, principio
 ætatis tam arctè circumvallave-
 rant, ut adversus adventantes quo-
 que hostes castris permunitis, Hi-
 spanis nullam nisi in diversione
 spem reliquerint, cum auri inopiâ,
 quod amissæ nuper Indicæ classis
 vulnus erat, nihil tempore suo aut
 aggredi aut prohibere potuissent.
 Impetratis itaque à Cæsare robu-
 stissimis legionibus quas Monte-
 cuculus ducebat, Isalâ fluvio im-
 proviso trajecto in viscera se ef-
 fundunt Hollandiæ, Amorsfortio
 primo impetu capto jam terro-
 rem ipsi inferentes Amsterdamio.
 In arcto haud dubiè Hollandis
 reserant, sed ipsa hostium negli-
 gentia eos explicavit, quæ tanta
 fuit in præsidiariis Vesaliæ Hispa-
 nicæ urbis, in quam omnes suas

76 EPITOME RERUM

opes totiusque belli subsidia proficiscentes ad Isalam exercitus deposuerant, ut illa omnia incustodita hosti prodiderint, qui compertâ socordiâ contracto ex proximis præfidiis una nocte idoneo numero, urbe sine ullo suorum vulnere potitus Hispanis repente ex tantâ gerendarum rerum spe necessitatem iniecit magis quâ evaderent, quâm quo progredirentur consultandi, Boscoducenses verò desperatis suppetiis ad deditionem coëgit, magna Frederici Nassovici gloriâ, cui hic unus annus simul patriis fraternisque decoribus exæquandis suffecit Cæsari præterquam quod sua inter tot suspecta discrimina necessarii præfidiis nudasset, ea latius auxilii merces fuit, ut præter jacturam validi exercitus novis se inimicitiis oneraret, sed nihil Hispanis negari poterat, quod & in
 Italiâ

G
 Italiâ pa
 cum An
 Rupellæ
 odii quo
 ratus Ni
 mine quo
 armis op
 victrices
 perato P
 profligate
 do potit
 apertas,
 victor Ita
 tur, Sa
 conditio
 compulsio
 tæque C
 nescentes
 petus de
 summâ cu
 coactis.
 patefectar
 belloque
 asseruisse,

Italiâ patuit. Rex Galliæ renovatis
 cum Anglo fœderibus, cū excidio
 Rupellæ quæ odii pretium fuerat,
 odii quoq; causa cessasset, indignū
 ratus Niverniensem hoc uno no-
 mine quod Gallus esset, Hispanicis
 armis opprimi, raptim in Italiam
 victrices ipse copias duxit, & su-
 perato Pennino jugo, Sabauda
 profligato, Susis subalpino oppi-
 do potitus, Alpes mediâ hyeme
 apertas, totamque Regni molem
 victor Italiæ immissurus credebatur,
 Sabauda jam ad eas pacis
 condiciones quas ipse imposuerat,
 compulso, Hispanis ne longæ irri-
 tæque Casalensi obsidioni infe-
 nescentes recentis victoriæ im-
 petus deprehenderet, eandem
 summâ cum trepidatione solvere
 coactis. At Regi satis visum in
 patefactam detronuisse Italiam,
 belloque jus clientis sublevatione
 afferuisse, contra Hispanis intole-

randum erat stare legibus ab hoste
 datis, nulla vero nisi in Cæsare fi-
 ducia. impetratu ergo illorum ex-
 exercitus Cæsarius Collalto duce
 improvise Rhæticas Alpes occu-
 pat, bellum utique in Italiam
 transmissurus, si idem Gallis ani-
 mi esse perseveraret: neutra gen-
 tium detrectavit arenam, quam-
 quam communis utriusque se-
 pultura Italia sit. Tum Sabau-
 dus eas quas acceperat, Gallo
 condiciones renunciat, & Spi-
 nul a ab Hispanis suffectus Cor-
 dubæ Mediolanensi Præfidi, à
 quo bellum quia improspere ge-
 stum, conflatum dolebant, id
 ipsum tamen, quod damnabant
 prosequentes, Monferratum denuo
 invadit, magnum haud dubie se-
 cum nomen afferens, si expertæ
 in Belgio virtuti par in Italiâ for-
 tuna respondisset. Germani cum
 tribus prope mensibus in sum-

mis

mis Alpi
 expecta
 ipsis qu
 ciffitudo
 propria
 do, nec
 nec quid
 ant, disc
 per Cren
 tis instar
 provolvu
 præfidiis
 ita ut ven
 ubique h
 unius M
 gunt, se
 mania a
 quod su
 com meat
 que hyer
 itaque in
 quæ eis
 pendio su
 annus Ga

mis Alpium jugis pependissent
 expectari remoratique ab eis
 ipsis qui evocârant (tantâ vi-
 cissitudo est in hominibus quos
 propriæ gloriæ anxia sollicitu-
 do, nec quantum ipsi capiant,
 nec quid aliis concedere debe-
 ant, discernere patitur) tandem
 per Cremonensium fines torren-
 tis instar in mantuanum agrum
 provolvuntur, omnibusque ejus
 prædiis primo impetu potiti,
 ita ut venerant viderantque, victo
 ubique hoste, totum bellum intra
 unius Mantuæ urbis mœnia redi-
 gunt, sed illos proinde ut in Ger-
 maniâ assueverant agentes, cum
 quod sumere licebat, raperent,
 commeatus statim defecit, jam-
 que hyems quoque supervenerat,
 itaque in hyberna deducti sunt,
 quæ eis & pro annona & pro sti-
 pendio sufficere jussa. Hic idem
 annus Gaborium humanis rebus

80 EPITOME RERUM

exemit, ut omnibus vitæ actibus, ita ipse supremo iudicio mirum variumque, qui insigni legato in Ferdinandum Cæsaris filium collato, quam familiam vivens injuriâ prosecutus est, in ejus beneficium morte suâ vi voluit, ut nec pro hoste nec pro amico deflertur.

An. M. DC. XXX.

EDicto Cæsaris passim res Ecclesiasticæ Catholicis restituntur invitis Protestantibus, sed tam frustra renitentibus quam olim Catholicis Dux Wirtenbergiæ inter omnes unus erat, à quo plura cæteris repeterentur, quippe providerant majores, ut ea bona adventitia non minora essent patriis avitisque Proximæ Inferioris Saxonici Circuli querelæ post tot annis tolerata bella sæviora armis jura sibi imaginantis: in ur-

ossa 70000

GE

bibus In
habitus,
cularent
timerent
se inaudi
innoxii
bant ad I
rium, ad
una omni
tium, su
& mutum
sua in se
sentirent
quidquid
teritis m
re partiu
quos Cæ
tum Sep
dicta esse
id visum,
inter ean
bona an n
haberet o
go leges,

bibus Imperii idem animorum habitus, quamquam validiores accusarent magis edictum, quam timerent: dolebant in universum se inauditos, indefensos velut pro innoxiiis condemnari. provocabant ad Imperatorem, ad Imperium, ad Comitia, ad semetipsos, una omnium vox leges invocantium, surdum auxilium, dudum & mutum quod ipsi fecerant, sed suâ in se exempla recidere etsi sentirent, fateri nolebant Saxo & quidquid inter Protestantes præteritis moribus Cæsariarum sincere partium fuerat, idem orabant, quos Cæsar Ratisbonam, quo jam tum Septemviralia comitia indicta essent distulit: non longum id visum, & pari sensu æstimatum inter eâne temporis Catholici ea bona an miles haberet, qui cætera haberet omnia. In Germaniâ ergo leges, alibi locorum arma strepebant

pebant. Rex Galliæ ex Italicâ expeditione rēdux reliquias Hugonottarum ita domuerat, ut jam à domestico metu otiosas Regni curas omnes in bellum Italicum transferre posset: Sabaudus injuriæ proximus fuit, qui ejusdem & auctor credebatur, binique in eum emissi exercitus, à quorum altero nullo negotio ereptum ei quidquid cis Alpes Provinciarum possidebat, Transalpinas res gessit ipse Richelius arcanor.

B Regiorum arbiter, quem Gallia juxta, atque etiam supra Regem adorat, vir ingentium unus historiarum capax, nunc etiam dum vivus & superstes est, quanto magis cum absolverit fortunæ miraculum & res mortales relinquet, quas ille universas nunc vastissimo mentis conceptu ventilans, humani generis aut fortunam stabiliturus creditur, aut infortunium.

nium.
Pinerolu
cum arc
id temp
Gallican
habere,
cujus sal
lenfiurbe
postulare
cultas eff
tium arc
quamqua
dux Sp
ctus, ne
Gallici
facilem
Et prof
obsidion
destinati
consiliis
alibi Ve
Gallis ini
dendas su
strata eff

nium. Summa expeditionis fuit Pinerolum oppidum munitissimâ cum arce vi captum, sufficereque id temporis visum omnem Alpium Gallicarum tractum in potestate habere, unde in Monferratum, cujus salus in conservandâ Casalensi urbe stabat, semper quas res postularer traducendi copias facultas esset: nec enim leve negotium arcis illius expugnationem, quamquam summus eâ scientiâ dux Spinula expeditioni delectus, nec Torrasium, cui præsidii Gallici tutela à Rege commissâ facilem eidem adversarium fore. Et profecto æstas rota inefficaci obsidione à Spinula absumpta destinatis hac in parte Gallorum consiliis feliciter respondit, sed alibi Venetos qui fœdere cum Gallis initio res Mantuanas defendendas susceperant, in totum frustrata est, qui præter insignem exer-

exercitus sui cladem, quem urbi
 obsessæ auxilio adducebat Sagre-
 dus dux novus, sed quid in se o-
 pus esset probè sibi conscius (un-
 de eâdem facilitate excusavit
 ignominiam, quâ antea magistra-
 tum recusaverat) non multo post
 urbem ipsam, quam situs natu-
 raque inexpugnabilem faciebat,
 vel focordiâ vel paucitate præsi-
 diariorum, quorum immensam
 stragem pestis hoc anno ut in aliis
 Italiæ locis ediderat, à Germanis
 nocturnâ vi captam viderunt, Du-
 ce ipso Niverniensi, qui fugam in
 arcem præceperat, ibi quoque
 vix liberum abitum pacisci co-
 acto. Ingemuit Italia omnis an-
 tiquissimæ urbis, & quæ veteres
 quoque Barbarorum ruinas eva-
 serat, excidium Cæsarque ipse
 infortunium quod intulit misera-
 tus est, dolens se existimationis
 conservandæ causâ, quæ una to-

tius

tus hujus
 contra P
 fuit, ec
 conjugis
 umphos
 litarem
 cinore G
 consilio
 utilius fuit
 cum post
 ramen pr
 venisset.
 Imperato
 fendit,
 conventu
 eventus
 rum cur
 traxerat.
 meranian
 multis p
 nis locis p
 tibus Cæ
 magnus u
 les alibi,

ius hujus belli merces, rerumque
 contra propius sitarum jactura
 fuit, eo adductum ut everfam
 conjugis suæ patriam inter tri-
 umphos numerare cogeretur. Mi-
 litarem insignem gloriam eo fa-
 cinore Gallassius meruit, cujus
 consilio res confecta: Collalto
 utilius fuit absente se urbem capi,
 cum post patrati operis invidiam
 tamen prædæ in tempore super-
 venisset. Victoriæ hujus nuntius
 Imperatorem jam Ratisbonæ of-
 fendit, indicto illuc Electorum
 conventui præsidentem, cujus
 eventus aliarum in se omnium re-
 rum curam sui exspectatione
 traxerat. Jam Rex Suetiæ Po-
 meraniam aperto invaserat bello,
 multis primo adventu opportu-
 nis locis potitus, frustra resisten-
 tibus Cæsariis legionibus, quarum
 magnus ubique numerus sed mi-
 les alibi, aut nusquam erat. Jam

H

Chri-

Christianus Magdenburgicus ab
 exilio redux urbe illâ ad arma
 coacta in ipsis Germaniæ visceri-
 bus arcem aperuerat rerum ve-
 terum, novarumq; aut etiam nun-
 quam futurarum cupidis : jam
 Carolus Lauenburgicus idem au-
 sus, quanquam in flore à Papen-
 hemio oppressus, jam in reliqua
 Germaniâ omnia pariter ægra ac
 valida, composita ac coercita
 intumuerant, cum nec spes, nec
 metus cuiquam certus, sed utra-
 que immodica essent, & ingrata
 quies dulce movendi qualecun-
 que pretium faceret, bellumque
 victis in voto, victoribus indul-
 gentiâ fortunæ ad omnia speranda
 solutis etiam voti fiducia esset
 nec tamen perinde agerent, ut
 militiæ flagitia, quæ neutiquam
 secundos bonæ spei eventus pro-
 mitterent corrigerentur. Unicum
 malis remedium Ratisbonâ ex-
 specta-

spectabatur
 actio fuit,
 ubi inter
 concessere
 controver
 posita, ut
 Sabaudo c
 Nivernien
 Rom. ben
 ceteri Du
 beret. laro
 patuit, an
 cum utru
 rant Hispa
 & quod a
 montium
 in medio
 ter se ge
 cturis cur
 aditum &
 alterâ pe
 ab alterâ
 coetu Rati
 clefasticis

pectabatur, ubi prima de pace
ctio fuit, sed cum eam Germani
bi inter se inviderent, Italiæ
oncessere, in qua Mantuana
ontroversia cum Gallo ita com-
osita, ut parte Montisferrati
abaudo cedente, reliqua omnia
Jiverniensis Cæsaris imperii que
om. beneficio ut antiquitus
æteri Duces possedissent, ha-
eret. læto in præsens, sed ut post
atuit, ancipiti Italiæ gaudio,
um utrumq; & quod concupie-
ant Hispani, Casalensem arcem,
& quod adversati fuerant claustra
montium Galli tenerent, ipsaque
n medio posita infensarum in-
ter se gentium nunquam suffe-
sturis cupiditatibus duplicem &
aditum & sedem præbuisset, ab
alterâ pessumdanda ut propria,
ab alterâ ut aliena. Secunda in
cœtu Ratisbonensi de bonis Ec-
clesiasticis fuit consulatio, quæ
H 2 more

more Germaniæ in alium dilata
coetum, tempusque componendæ
huic causæ in annum proximum
Francofordiam definitum, Pro-
testantibus ipsis diem de industriâ
proferentibus ut ex Sueci pro-
gressibus consilia caperent, Ca-
tholicis abundè ratis, si in præsens
fruerentur, in futurum cum for-
tunâ consultari. Tertium caput de
bello porro administrando, quan-
do pacem desperatam esse appa-
reret, fuit. Et hæc actio optimis
nobilitata consiliis: stipendio dis-
ciplinâ militarem stare & suspen-
dio, tot legionum tribunorumque
numerum etiam si summâ mode-
stiâ regantur, inhabilem ad pa-
rendum, tributorum rationes per
ambitiosos Commissariorum &
Ducum sinus ambulantes publi-
candas, & veteri more ut consta-
re, ut reddi possint, Imperii Or-
dinibus permittendas, sed totius

re

GER

rei effectus
Walsteini
succeden
nibus, c
licentia
invalueru
quam hi
Miraculo
sponte in
sum, sed
cessitatem
vel ex de
esset. U
de Reg
tio, Ca
ostentabi
ratio ran
suspectis
providere
jus tum
alia salub
est non n
gium pos
pari grat

rei effectus ibi stetit, ut invisum
 Walsteinii imperium abrogaretur
 succedentibus magis aliis homi-
 nibus, quam aliis moribus, qui
 licentia temporum eo usque
 invaluerunt ut leges magis illis,
 quam hi legibus aptandi essent.
 Miraculo fuit Walsteinium se
 sponte in ordinem redigi pas-
 sum, sed sciebat se eam sui ne-
 cessitatem fecisse ut brevi ad se
 vel ex desperatione redeundum
 esset. Injecta ad extremum &
 de Rege Rom. creando men-
 tio, Cæsarque huic spei filium
 ostentabat, non inutilis delibe-
 ratio tam affecto corpori, tot
 suspectis casibus saltem de capite
 providere: sed pars libertatis, cu-
 jus tum intempestivo studio &
 alia salubria corrupta consilia, visa
 est non negare, sed differre suffra-
 gium post in idem caput, sed non
 pari gratiâ rediturum. tunc po-

tentia Austriaca urebat etiam eos quos illustrarat. Finis Comitiorum talis fuit, ut Rom. Imp. vulnera patefierent quidem, sed neutiquam curarentur, & pœne ipso Imperii fine consecuto, ni Deus desertas humanis consiliis res sustentasset, hæc ultima in Germania comitia fuissent. Hunc annum præter cætera insignem reddiderunt continuata Sabaudi, Spinulæ, Collalti funera, quorum interitum Itali uti trium perturbatæ patriæ Ducum in omen traxerunt, tanquam solæ superis res Italix curæ essent.

An. M. DC. XXXI.

E piscopatibus, Abbatis, cæterisque rebus Deo dicatis Catholico nomini restitutis inter ipsos Ecclesiasticos de bonis partiendis lis oritur: nondum victoria, jamque discordia erat

erat alii
aliis nov
concessi
lo apud
intra ha
proximi
versura e
iam illis
poris pr
nunquam
Rex Sue
totam ea
fecerat,
gâ mari
raneâ m
Stetinun
ciæ, olt
terrore
missus, c
videretur
niâ Cæsa
tibus Ita
causam
pore imp

erat aliis veteri Ordinum jure,
aliis novis à Cæsare & Pontifice
concessionibus nitentibus, nul-
lo apud utrosque proventu: nam
intra haud longum tempus ad
proximi temporis possessores re-
versura erant, simul involutis et-
iam illis bonis, quæ ad id tem-
poris propria Catholicorum &
nunquam controversa fuerunt.
Rex Suetiæ Pomeraniæ illatus
totam eam oram suæ potestatis
fecerat, Gripvaldiâ, Colber-
gâ maritimis, Damino mediter-
raneâ munitissima urbe exceptis,
Stetinum, quod caput Provin-
ciæ, ostentato quidem armorum
terrore promptius tamen ad-
missus, quam ut in metu fuisse
videretur. Præpositus ei regio-
ni à Cæsare Torquatus de Comi-
tibus Italus, morbo correptus
causam habuit missionis in tem-
pore impetrandæ, ut salvis prio-

92 EPITOME RERUM

ris fortunæ præmiis felicem eam
valetudinem rebus postea subse-
cutis, quibus eo casu subtractus
est, sibi fuisse agnosceret, quum
Ferdinandus Capuanus alter no-
bilis Italici generis dux Garzio ac
Griffenhagio fortissimis Oderæ
fluvii claustris quibus præerat me-
diâ hyeme à Rege expugnatis in-
faustam remanendi necessitatem
morte exolvisset, quam tamen
Fridericus Sabellius ejusdem na-
tionis properatâ Damini deditio-
ne, cui urbi cum Tillius Walstei-
nio exauctorato in summam mi-
litaris Imperii restitutus præfeca-
rat, prævenire maluit, adductis
in aula Cæsaris hujusmodi ratio-
nibus, ut non solum ignominia
excusata, sed etiam deinceps pa-
ris operæ navandæ facultas præ-
bita ei fuerit, extrema Tillii in-
dignatione (sed hominum in aulâ
probatorum virtutes magis quam

vitia

G E

vitia int
oppidum
& haud c
hostis pro
batur, se
belli ratio
fessæ Gri
interseptu
tem Pom
fensam p
cum Coll
sed ad ex
ne nec q
ad magn
nunc hil
ctius no
fieri, om
mis milit
numerum
docuerat
debantur
bus tem
Cæsaris p
spectatus

itia intelligenda erant) qui id
 oppidum pro arce belli habiturus,
 & haud dubie intra eas regiones
 hostis progressus retenturus vide-
 batur, sed ab eo eventu totam
 belli rationem commutare, & ob-
 sessæ Gripvaldiæ à ferendâ ope
 interseptus deditioem, Regi au-
 tem Pomeraniam omnem inde-
 fensam permittere coactus est,
 cum Colberga diurnâ quidem,
 sed ad extremum irritâ defensio-
 ne nec quidquam resisteret. Jam
 ad magnum per se Sueci nomen
 nunc hisce successibus multo au-
 ctius novæ in dies accessiones
 fieri, omniaque sub manu, inpri-
 mis milites, in quibus solum ut
 numerum spectaret, Wallsteinus
 docuerat, nasci adeo, non legi vi-
 debantur, cum eis qui superiori-
 bus temporibus aliarum quam
 Cæsaris partium fuerant, ultro ex-
 spectatus, multis Cæsarianis ex

stipendii commeatusque inopiā,
 quam ipsi sibi per cædes & raptus
 (quæ ad id tempus stipendii no-
 men impleverant) exhaustis Pro-
 vinciiis fecerant, gratus acceptus-
 que adventus esset novi cujuscun-
 que domini, qui meliora promit-
 teret, nulla an promissa præsta-
 re posset curâ: nam Provinciales
 qui sedibus patriis expulsi, nil
 jam quod amitterent habebant,
 ad ea castra tanquam ad penates
 confluebant rapturi & ipsi ex alie-
 no ubicunque aliquid & esset &
 non esset, quæ sola eo tempore
 vivendi conditio. At Tillio pro-
 cul ab aulâ, è qua consilia aut
 nulla aut post res afferebantur,
 procul à dominis, qui prospera
 sibi, adversa illi imputaturi erant,
 procul à subsidiis & auspiciis eo-
 rum quorum nomine & fortunâ
 ad omnia sufficere iussâ bellum
 gerebatur, nihil ad explicanda
 vete-

vetera
 cum in
 divitiarum
 summa
 omnes n
 parendu
 cilliet,
 aperti su
 re, & in
 tur, ut
 gravior
 capite re
 cessarium
 faceret
 pejus ho
 pererat
 virtute
 cere, &
 cernere
 dum mat
 praelium
 principio
 ram, ubi
 lido cum

inopiam,
& raptus
indii no-
stis Pro-
ceptus-
ujuscun-
promit-
præsta-
vinciales
uli, nil
abebant,
penates
ex alie-
t esset &
tempore
illio pro-
filia aut
ebantur,
prospera
ri erant,
icis eo-
fortuna
bellum
plicanda
vete-

vetera consilia in manu erat,
cum in exercitu ipsius summæ
divitiæ quæ apud paucos, &
summa paupertas quæ apud om-
nes nihil mediū nec ad bene
parendum nec imperandum fe-
cisset, & contra infiniti hostes
aperiti suspectiq; à fronte, à late-
re, & in ipsis visceribus exoriren-
tur, ut tantarum rerum moles,
gravior utique quam quæ unius
capite regeretur, socium ei ne-
cessarium vel ipsum Walsteinium
faceret, quem pleriq; Sueco ipso
pejus horrebant. Unum illud su-
pererat ut exercitum præliorum
virtute expertum in aciem deducere,
& rem uno certamine de-
cernere posset; ad id Regi non-
dum maturum erat, bellum quam
prælium malenti. Et sane Veris
principio Francofurtum ad Ode-
ram, ubi Schaumburgius tam va-
lido cum præsidio inerat, ut æquo
quo-

quoque loco hosti par esse possideretur, ita interceperat, ut asperatam committendæ ibi re occasionem advolanti Tillio profugi milites urbem captam exercitumq; deletum prius pœne nunciarent, quàm ille Regem eo advenisse crederet: eâdem consilii destinatione Brandenburgum oppidum sub oculis suis omni bellicade à Tillio devastari, & Magdeburgum ipsum obsideri, expugnari atque excindi passus est, quæ celeberrima Germaniæ urbs paucorum horarum spatio incertum hostili an fortuito incendio (verius intestino, cum cives quatenus urbem hosti non possent, triumphum prædamque eriperent,) incineres subsedit, multis millibus mortalium ferro flammâque haustis. Eâ victoriâ Tillii gloria iteluxit, ut hanc inter postrema numeraret, cum interea Sueco factus

esset sociis, manibus, permisi & experibim Occotiose futuna, in expugnata operibus ria firmam quam prætus erat, quibus anto fuerit in aperta nullas à recusat quidem Pspicio novus inieradventu dicti viderentur ibi daturum conscripto

esse posse
 rat, ut ad
 e ibi re
 illio pro
 tam exer
 cene nun
 em eo ad
 m consili
 gum op
 nni bell
 Magde
 xpugnari
 quæ ce
 bs pauca
 incertum
 ndio (ve
 quatenus
 t, trium
 rent,) in
 s millib
 que hau
 gloria it
 postrema
 Sueco fa
 esset

esset focordiam exprobrare Ger
 manis, quod Magdeburgum capi
 permisissent, ipsi vero promptum
 & expeditum quidquid inter Al
 bim Oderamque est regionum
 otiosè subigere, locaque oppor
 tuna, in quibus Sterinum fuit in
 expugnabilem ab eo munitionum
 operibus cinctum, sibi & victo
 riæ firmare majore futurorum
 quam præsentium curâ, nam cer
 tus erat, si hæc desperata fierent,
 quibus antea adventus suus in vo
 to fuerit, tunc societatem suam
 in apertæ necessitatis vim quæ
 nullas à potentiore conditiones
 recusat venturam. Jam pridem
 quidem Protestantes Saxonis au
 spicio novum inter se Lipsiæ fœ
 dus inierant (Francofurdiensi con
 ventu dicis magis causâ ne deesse
 viderentur quam quod quidquam
 ibi daturi admissuriq; erant obito)
 conscriptoque milite Edicti Ec
 clesi-

eleſtaſtici tributorumq; militariū
 abolitionem ab Imperatore, quem
 exarmatum volebant minitabun-
 di, nondum tamen Sueci armis
 petebant, & copiæ Cæſariæ ex I-
 taliâ poſt res illic pacatas reduces
 multos illorum, in quibus Dux
 Wirtenbergicus, Sueviæque ac
 Franconia civitates fuere, ad fœ-
 dus ipſum ejurandum adegerant
 ſed terror is fuit, non diuturni cu-
 ſtos obſequii, cæteris autem ma-
 turandi neceſſitas, ut palam
 Rege auxilia arceſſerent. Primu
 qui id faceret extitit Gulielmu
 Haſſiæ Landgravius, in quem
 Tillius toto movebat exercitu
 fruſtra iterum Rege acie provo-
 cato, qui trajecto Albi etſi locus
 prælio non dabat, multis tamen
 eximiis equitum turmis nocturn
 irruptione obtritis, huad quaquã
 lætam Tillio eam provocatione
 fecit. Tum Saxo & Brandenbu-

gicu

gicus, n
 auſi tam
 ſuæ quan
 ſe ferre
 anxium
 lam jun
 Sueci ind
 Proteſtan
 ſacrament
 æqualitate
 Belli ſed
 merces Sa
 Lipſiã op
 tanto cu
 molu in e
 (ſed Pape
 ræ advidi
 ſtem eveſ
 aut quam
 endus eſſe
 diſcrimen
 quem tam
 pere oprav
 te habuit,

gicus, majori licet cunctatione,
 ausi tamen denique & ipsi causæ
 suæ quam à Cæsare desperatam
 se ferre credebant, non minus
 anxium vindicem quærere pa-
 lam junctis viribus societatem
 Sueci induunt; inde omne mox
 Protestantium nomen in eodem
 sacramento fuit, cunctique exutâ
 æqualitate iussa Regis spectabant.
 Belli sedes prima novi consilii
 merces Saxonia fuit, ubi Tillius
 Lipsiâ oppidisque vicinis potitus
 tanto cumulo multiplicatæ belli
 noli in explorato se fert obviam
 sed Papenheimius navandæ ope-
 æ advidior toto æquitatu in ho-
 tem evectus, ut aut deserendus
 ut quamvis ancipiti ausu eripi-
 ndus esset, invitum coegerat in
 iscrimen venire) itaque hostem
 quem tam sæpe in manibus ha-
 ere optaverat, repente in late-
 a habuit, & prope Lipsiam cla-
 dem

dem ætate nostrâ maximè memorabilem accepit, quæ omnem Catholicor. fortunam superiorum temporum proventu jam pœne oblitam sui uno momento evertit, seróque admonuit, quanto consultius sit civiles victorias maturatâ pace finire. Poterat ni rem discrimini committere properasset exspectare dum hostem distineret Tieffenbachius Saxoniam & Bohemiâ adortus, vel se ei jungerent copix Italix quas Aldringherius adducebat, sed hæ fugientem protexerunt, ac brevi iusti exercitus speciem reddiderunt, quibus Sueco, relicto Saxone ad invadendam Bohemiam (ubi tam lætæ ei res fuere ut primus post Palatinum Cæsaris hostium Praggæ urbis potiretur) in viscera se Franconix temerè effundenti facile erat parem cladem reddere cum ad eum quoque Lotharingi-

gius ex
(colleg
ætate
ignarus
alieni pe
Gallum
hostem
potior
sentem q
tis hoste
certâ vict
tere quo
bant,
fortunæ
pente sp
præcipita
quàm eri
pavidus
eo illa in
Tillium tu
admonuer
eum minu
auspiciis
imperium

giusexercitum suum aggregasset
 (collegerat eum proxima ille
 æstate Cæsaris juvandi studio,
 ignarus quam gravem à tergo
 alieni periculi appetiti vindicem
 Gallum relinqueret) ut triplicato
 hostem superaret numero. Sed
 potior Bavarix Austriæque ab-
 sentem quasi in visceribus paven-
 tis hostem cura coegit omissa
 certâ victoriâ agmen eo conver-
 tere quo id genus consilia voca-
 bant, quæ plerumque adversæ
 fortunæ insolentiâ è summâ re-
 pente spe in novissimum metum
 præcipitata magis se colligere
 quàm erigere student, & quanto
 pavidiùs se à periculis subducunt,
 eo illa in se cumulativa trahunt.
 Tiliū tum primum res adversæ
 admonuere quod inter prospera
 eum minus adverterat, quibus
 suspiciis militaret, ergo jussū
 imperium, executus, obsequi glo-
 riæ

riæ famâ posthabitatâ, dimisso Lotharingo copias ad Bavarîæ fines sistit, illo duntaxat tam brevi itinere propter commeatum inopiam ita imminutas, cum milites indignati sibi nec vincere nec vivere licere plenis turmis aut ad hostem transissent, aut deserta signa reliquissent, facis ut constet Lipsiensi clade plus sanguinis, hic plus virium, illic haud innoxiam, hic gratuitam hosti victoriam concessam, cujus præmia brevis temporis successus repræsentavit, majore fere Germaniæ parte Suedicis armis quatuor vix mensium spatio domitatâ, cum omnia aperta hinc à Catholicis desperatio, hinc à Protestantibus nimium hians & præpropera novæ fortunæ complexio quâ ne ipsi quidē caperent, præbuisset, essentque jam quod paulo ante Catholici, præteritorū futurorumque ex nimia securitate obliti.

An.

Au

R Ex S
& p
prædâ in
in quo
expugna
equitum
itinere de
factâ de
in Suevia
Mano pr
& omne
minis, p
tione, p
atque fo
omnia v
rendis pr
bebantur
Moguntia
tiam, Pa
omnes P
loniâ, ill
ipsa urbs

AN. M. DC. XXXII.

REX Suetiæ subactâ Franconiâ,
 & partâ è Catholicis ingenti
 prædâ in Bambergensem agrum,
 in quo munita aliquot præsidia
 expugnanda supererant Hornium
 equitum præfectum mittit; cui in
 itinere defleſteti Hailbronna urbs
 factâ deditiōe aditum quoque
 in Sueviam aperuit, ipse ſecundo
 Mæno proſectus Francofordiam,
 & omnes ejus tractus urbes vi-
 minis, promiſſis, pactis, prodi-
 tiōe, perfidiâ, quæ perinde ei
 atque fortuna ipſa adſuere (ſed
 omnia virtuti illius qui rebus ge-
 rendis præſens intererat, adſcri-
 bebantur) inde trajecto Rheno
 Moguntiam, Spiram, Worina-
 tiam, Palatinatum & Rhenanas
 omnes Provincias quæ hinc Co-
 loniâ, illinc Argentorato (quæ
 ipſa urbs eum pro hospite dudum,

nondum pro domino expectabat) continentur, paucis exceptis locis in quibus Hispanica aut Bavarica præsidia inierant, sui juris facit. Alsatia Lotharingi miles incumbere solutissima ut nemo alius, disciplina, qui Cæsarianos in eo præcellebat, ut idem esset & furacissimus & fugacissimus. His hyems expeditionibus Regem intentum habuit, quâ adultâ Francofurdiam reversus receptâ ad se uxore visus est successibus suis, quibus ad id temporis tam strenuè usus fuit, jam frui velle: sed quies militi necessaria ab eo ita usurpata est, ut in propinquo parta armis contineret, viribusque reficiendis operam daret, longinqua consiliis, astuque & ingenio moliretur, jamque non minus nomini studeret quam victoriæ, famâ emensurus quæ à re præsentandâ longius aberant.

Hinc

Hinc mi
Helvetic
gationes
gi, in his
actumque
pugnand
que valid
exiliis ple
piditatis
tracta ibi
fœdera,
inter lon
magis qu
citiam,
providen
corrupt
commun
pior sua
Cæsar co
contra pa
tiones fi
magis qu
occasione
runt, g

Hinc missæ ab eo ad Venetos, Helveticos, Anglos ac Batavos legationes, illæ ad dignitatem magi, in his & negotior. fides inerat, actumque de Coloniensi urbe expugnandâ quæ per se situ opibusque valida, & tum Catholicor. exiliis plena digna illiciendæ cupiditatis merces videbatur. Contracta ibidem arctiora cum Gallis fœdera, nam quæ antea pacta, inter longe diffitos accenderant magis quam confirmarant amicitiam, nunc cum vicini essent, providendum, erat, ne eam jam corrumpere posset insociabile communis affectus vinculum propior sua cuique utilitas. Valde id Cæsar conquestus est, à Gallis contra pacificationis Italicæ sanctiones fieri, sed hi ad vincendum magis quam excusandum intenti occasionem fide potiore habuerunt, gnari victoriæ rationem

non reddi, & fallere nunc frustra-
 riq; prope sæculum vocari. Con-
 fœderatis Protestantibus suppe-
 ditatæ facultates (Germaniæ jam
 præda Germani ipsi emebantur)
 ut pro se quilibet proprium nomi-
 natum exercitum haberet, quæ
 res & Lunæburgicum retexuit,
 ut expertam Cæsaris amicitiam
 fortunamque, quarum neutra ad
 eum diem illi improspere conti-
 gerat, novæ spei postponeret, &
 qui Danum pro vicino tolerare
 nequierat, Suecos pœne pro do-
 minis admitteret. Uni supererant
 Wittenbergici (nam Megepoli-
 tanos Duces ab exilio reduces so-
 lus victoriæ Lipsiensis terror in-
 avitas sedes restituerat) qui à
 Cæsario præsidio ex Italicis co-
 piis imposito liberandi essent sed
 ipsis quoque in tantum fortuna
 adfuit ut Leopoldo primum Cæ-
 saris fratri, post eo deprecatore in
 aula

GE
 aula Cæ
 demto
 fides pe
 dem se
 Suecica
 Ergo d
 suo per
 tum om
 tanquam
 ca servit
 gem ea d
 consistere
 buerunt,
 sed post
 di Provi
 flores ho
 neficii ne
 ria ulcisse
 Sueviæ R
 omnes ex
 Catholici
 fortunæ
 variare
 Suecor. t

aula Cæsaris persuaderent, si sibi
demto præsidio mediarum partiũ
fides permetteretur, à Rege iti-
dem se fidem habere ibi locorum
Suecica arma nusquam visum iri.
Ergo deducto milite ingenio
suo permissi Religionem (qui
tum omnium rerum color erat,
tquam credendi libertas Sueci-
ca servitute tutius, quam in le-
gem ea de re scriptarum obsequio
consisteret) antiquiorem fide ha-
buerunt, nec solum Sueci dedititij,
sed postea in Austriacas Leopoldi
Provincias Suecis ipsis infen-
siores hostes fuerunt, accepti be-
neficii necessitatem auctoris inju-
ria ulcissent. Ulmenses & cæteri
Sueviæ Protestantes ibi fuere ubi
omnes erant: nec mirum nam in
Catholicis ipsis terror & adversæ
fortunæ insolentia jam consilia
variare incœperat. Trevirensis
Suecor. timore, Hispanicæ tutelæ
fasti-

fastidio ac suo pte ingenio libertatis quam diu non serviret haudquaquam patiente Gallicæ clientelæ se dedit, Hermenstenio munitissimæ arcis Gallico imposito præsidio, & Bavarus ipse, quis crederet? addubitavit plusne sibi Gallisve crederet, mediarumque se pro tempore partium fieri passus est. Id autem erat nec sibi nec Gallis credere, sed necessarij vis consilij, nam cum à Tilli exercitu suas Cæsar legiones improviso avocasset, cuicumque quamvis infirmo hosti se obnoxij fore cernens, interea dum virium reficiendarum tempus haberet à Gallis ipsis exemplum an consilium mutuatus, ne caperetur captandum se præbuit, rebusque infecutis demonstravit eandem semper cum Cæsare & Catholicis sibi aleam subire destinatum, nec se unquam bonæ causæ fortunam

lon-

longinqui amici fiduciæ commis-
surum fuisse, cum Cæsarianos ea-
dem necessitas ad Walssteinium
ire compulerit, tunc aboliti Im-
perii memoriâ anxium amicum,
post apertum proditorem? Nec
tamen ille aliter haberi potuit,
quam permisâ rerum omnium
summâ, & quam vix ipse Cæsar
haberet potestate ut pares cum
Rep. quæ eadem in ejus arbitrio,
rationes haberet. Et sanè præteri-
torum temporum depravatio, cum
in re militari quæ haud dubiè
corruptissima, meliora omnes
laudarent, nemo tamen afferre
posset, artesque illæ quibus Sue-
cus ipse uteretur omnia militi
permittens, jam eo minus dam-
nari possent, nec mali remedium
ab alio, quam ab ipso mali aucto-
re sperandum foret, effecerat ut
Walssteinius unus summus bellator
haberetur, cujus opes explicato

110 EPITOME RERUM

Imperio comportatæ, cum alii suas aut præproperâ liberalitate effudissent, aut intempestivâ frugalitate tenacius cohiberent, ipse ultro erumpere gestirent, certumque esset Cæsarem cuivis duci potius res gerendas permissurum, quam ipsum se & Remp. in casum daturum. Ergo ad Walsteinii nomen tantum brevi militum Imperatori sub signis fuit, ut Suecus ferè disceret vincere se scivisse, victoria uti nescisse, qui non statim à Lipsiensi prælio in Bohemiam Austriamq; & in ipsum caput rerum victrices copias duxerit. Veris principio Tillius Horniû Bambergæ mœnibus cum clade expulsus non tamen longius persequi audet Regis timore, qui quasi fractis ea re induciis quæ nondum convenerant, irritatus, totis viribus moveri in Bavariam solo ultionis studio, cæterum rerum & Walsteinii ipsius, quem

G
quer
oppr
& cap
Lyci
rum
tution
mœni
nere
prohib
ritur,
fortun
tremu
perpet
ceden
cumb
neque
asserer
tinuit,
infigni
desider
præfidi
cultatē
stadio
tentato

GERMANICARUM. III.

quem adhuc in ipso apparatu rerū
 opprimere vacuum erat, oblitus,
 & captā Donaverdā Danubii, inde
 Lyci amnis transitu potitus, Bava-
 rum nusquam jam quam in castris
 tutiorem intra Ingolstadii urbis
 mœnia redigit, ubi Tillius ex vul-
 nere dum Lyci trajectu hostem
 prohibere conatur, accepto mo-
 ritur, vir summā armorum peritiā,
 fortunā quoque pari, nisi ad ex-
 tremum offendisset longa & raro
 perpetua felicitas. Suecum ne
 cedenti Bavaro eodem cursu in-
 cumberet Augusta urbs Augusta-
 neque confessionis nomini suo
 asserendæ vindicta paulisper re-
 tinuit, quo ille titulo receptā urbe
 insignis, Ratisbonā, ubi idem illius
 desiderium (sed Bavarus duplicato
 præsidio rerum novandarum fa-
 cultatē abstulerat) frustra, Ingol-
 stadio pæne cum capitis pernicie
 tentato, cum fortè globus tormen-

13

to emissus ipsum cui infidebat equum prostravisset, totam quæcis Oenum Bavariam, licet in victoris arbitrium nullâ cunctatione se permisisset, insensus devastat, Monachio tamen, quam Bavari sedem Palatinus Regis asseda, ad quem nuper ex Hollandia rerum suarum recuperandarum spe advolarat, incendere moliebatur, vim eam abstinuit, seu urbis pulchritudinem, seu ipsa consanguineorum odia quamvis utilia sibi miseratus quatenus in invisum sanguinem non possent, innoxia tecta sœvire. Prohibitum scelus quod jubere poterat, Regi in gloriam, Palatino in tanto majorem invidiam vertit, ut dignus esset cui restitutionis beneficium à Rege dilatum etiam negatum videretur. Hæc Sueco agent nunciatur ingentem recuperatâ à Saxone Bohemiâ & formidandâ exerci-

exercitus mole advenire Wal-
 steinium, & jam in superiore Pa-
 latinatu haud longe à Bavaro, &
 si cunctetur à se abesse: rapit pro-
 perè quæ ad manum erant copias,
 & sub Norimbergæ mœnibus ob-
 vio se sistit hosti, ibique ducendo
 bello castra communit, idem haud
 procul inde facit Walsteinius,
 uterque in id intentus, ne quo al-
 ter progredieretur, vicisse se ra-
 tus, si ne vinceretur providisset,
 ita major estatis pars extracta,
 latis illatisque cladibus anceps,
 donec Rex adventu novorum ex-
 ercituum quos è diversis locis Pa-
 nerius, Hassus & Vinmariensis
 adduxerat, jam ipse ingenii sui
 regendi haud compos dissentien-
 tibus reliquis omnibus ducibus,
 ad ipsa Cæsariana castra oppu-
 gnanda ducit. Temeritas clade
 non mediocri expiata, sed tamen
 rerum summa suo momento ste-

III4 EPITOME RERUM

tit, haud dubiè si perrupisset de-
bellatura. Suecus fortunæ suæ
infensus, magis quæ sperata non
obtinuisset, quam quæ præter
spem obvenerant reputans, in
Franconiam, Walsteinus relicto
ad sua tutanda Bavaro, adjun-
ctoque ei Aldringerio in Saxo-
nem movet, cui post amissam Bo-
hemiam prosperiores interea res
in Silesiâ successerant Arnhemio
duce, à quo Cæsarius exercitus
cui Maradius, Schaumburgius &
Philippus Mansfeldius præerant
(id ipsum maximum erat rerum
impedimentum tot Ducum nu-
merus) multiplici clade affectus.
Voitlandiæ à Gallaffio, Misniæ
majore parte ab Holquio (hic
Stralsundam olim pro Dano de-
fenderat, quam Arnhemius pro
Cæsare oppugnabat, uterque bel-
lum secutus, non causam) subactæ
supervenienti, Lipsiâ expugnata

ut

ut quidquid in totâ Germaniâ
 Cæsariarum copiarum erat, sibi
 assuefaceret paratu ejus facinoris,
 quo postea cecidit Papenheimium
 quoq; ad se evocat, legiones ejus,
 florem haud dubiè Cæsarii pedita-
 tus in se tralaturus. Hic in Saxo-
 niâ inferiori multis fortibus faci-
 noribus editis multiplici hosti
 Hasso, Lunæburgico, Baudisio æ-
 quo, iniquo loco, in acie, in agmine
 semper par, sepe superior, dum suo
 ductu rem gerit victor, sed ab Hi-
 spanis ad solvendam Trajecti ad
 Mosam urbis, quam extremo dis-
 crimine Hollandi urgebant obfi-
 dionem advocatus ab hostium ca-
 stris oppugnandis cum clade re-
 pulsus fuit, ab iis ipsis qui operam
 ejus postulaverant in propinquâ
 spe victoriæ desertus, quam gens
 perversissimâ gloriæ cupidine to-
 ti orbi sibi que ipsi gravis ab ami-
 co petere quam accipere, ac pe-

16 EPITOME RERUM

nes hostem videre maluit. Succus
 Saxoni totâ belli mole oppresso
 subvenire maturans Walsteinium
 prope Luzenium Lipsiæ suburba-
 nam urbem aciem ausum, quam-
 vis jam hinc Gallasium in Sile-
 siam, hinc Papenheimium in West-
 phaliam remisisset (sed hic in
 tempore reversus prælio occurrit)
 stultitiam eam non temeritatem
 existimans mutato consilio quo
 antea omnino summo discrimine
 abstinere constituerat, invadit.
 Ibi cruentissimo prælio decerni-
 tur, Rege ipso & Papenheimio in
 acie cæsis: nox diremit pugnantes,
 sed Walsteinus desertis tormentis
 nec pro victo, nec pro victore in
 Bohemiâ se recipiens rem Suedi-
 cam superiorem reliquit. Serviret
 haud dubiè Germania qui omnium
 civilium certaminum exitus; &
 proximæ forte Provinciæ, si Rex
 victoriæ suæ supervixisset, nunc
 ean-

eandem occasionem auxilii specie
 sibi vincendi aliis, qui in partes
 vocati universis imminet, non
 minus affectatam, & nisi odium
 sui Germani maturæ deponant,
 propius ab ipso effectu remotam
 reliquit. Hunc exitum ipse sibi
 prælagisse dicitur, cum sui eum
 pro immortalis colerent, brevi fo-
 re asseverans, ut mortalitatis suæ
 extremo experimento admone-
 retur. Regem Palatinus secutus
 est morte in gloriâ, & ad eandem
 formam vita fuit. Leopoldi Cæs.
 fratris funus eodem anno specta-
 tum, egregiâ sobole superstite.

An. M. DC. XXXIII.

FOeda rerum in Germaniâ fa-
 cies. Protestantes amisso Re-
 ge quamvis specimen partium
 interiisse visum, Hailbronnæ coë-
 unt, & quod vivo Rege nunquam
 fecissent, in mortui gratiam quem

pro libertate suâ occubuisse credebant, Cæsari sacramentum renunciant, dissentiente Saxone & aliis Protestantium qui Suecos mallent amicos habere quâ dominos, sed major jam penes Oxensternium nuper alterum à Rege, nunc solum rerum Suedicarum arbitrum auctoritas erat, compositaque ejus præscripto novi sub omnium Imperii ordinum nomine forma senatus ipso præside; numerum explevit quanto quisque servitio promptior, & fidei crimine, quod inter desciscentes maximum, minus laboraret, & sedes Francofordiæ delecta, nulla de pace mentione, quæ partibus invicem cum utriusq; fortunæ documento abunde expertis tunc maximè tempestiva videri poterat, sed illi ut antea Catholici, vicisse se & omnia habituros arbitrabantur, non pessimâ solum & immo-
dica

dica dominandi, sed etiam servi-
endi libidine, idq; primū in liber-
tate suā extremum vidit Germa-
nia, ut qui legibus sibi que ipsis
parere nollent, mortui Regis sa-
telliti obedirent. Aldringherius
promotis in Sueviam Bavaricis
copiis Memmingam deditione
recipit, Campidunensis majore
animo quam robore vi expecta-
tā contumaciam partium pœnē
ultimo excidio infamarunt, &
Hornius subactā victor Alsatiā &
Danubium obuius cum clade in
Wirtembergiam rejicitur, jamq;
haud improsp̄eram & congruen-
tem de se Aldringherius famam
præbebat, inter paucos Cæs. du-
cis eum sobrium (& natura vino
abstinebat) ad res gerendas ac-
cessisse, sed ad revisendam uxorem
cujus desiderium non æque ferre
poterat, longius profectus, negle-
cta omnia apud suos & hosti oc-
casio-

cationem reliquit paris referendæ
 cladis. In Alsatiâ legiones quibus
 Montecuculus Brisacci præfectus
 præerat occidione cælæ, & Dux
 ipse exercitum temeritate amif-
 sum morte suâ secutus est, Lotha-
 ringum res perditas restituere co-
 nantem à tergo Gallus adoritur,
 & totâ ditionis suæ Provinciâ
 exigit tam properè, ut ille pæne
 exul prius quam hostis Gallo sua
 profugus, Cæsari bellum relin-
 queret. Par & in Westphaliæ fi-
 nibus accepta calamitas, ubi Pa-
 penhemici exercitus reliquiæ (ro-
 bur apud Walsteinium erat) Me-
 rodio, Gronsfoldio & Beninghu-
 sio ductoribus Hameliæ muni-
 tissimo ad Visurgim præsidio
 quod Lunenburgici obsidebant,
 opitulaturæ funestissimâ clade
 delentur, Merodio in acie cæso,
 in quem culpam quam diluere
 non posset, conjicere cæteris qui
 effuge-

effugerant pronum fuit, ut illis
 ipsis res, quas deseruerant, denuo
 committerentur tanquam nihil in
 fuga flagitii, maiorisque animi
 fuerit non desperasse, quam sa-
 tisfecisse fortunæ partium suâ cul-
 pâ perditæ. Animadversum est
 omnium prope Cæsaris cladium
 primum caput fuisse capitum Du-
 cumque multitudinem; res accu-
 sata & damnata semper, nunquam
 emendata, ut nescio quo fato sem-
 per ducibus magis quam bello
 prospectum foret, eoque ubi jam
 antea multi nimique erant, etiam
 plures submitterentur. At Walstei-
 nius severior militarium culparum
 vindex videri voluit à multis non
 obscuri nominis ductoribus qui in
 Luzensi prælio officio suo lapsi
 fuissent, extremo exacto suppli-
 cio magis usurpandi juris causâ,
 quam quod illorum tantum ea
 culpa fuerit, an ut cæde insignium

virorum cui Cæsar ipse ne deprecando quidem intercedere ausus magnitudinem suam quasi regio facinore ostentaret, quæ interpretatio rebus insecutis obtinuit, & illi pro innocentibus periisse visi. Hæc in hybernis ab eo acta, quæ in ipsam æstatem produxit militi conciliando, cui longiorem nec inopem requiem dandam ferebat initio statim hybernorum in eam sententiã Cæsari scribere ausus nisi iusta militi indulgeantur se non utrum velit jam Cæsari ducẽ, sed seditiosorum caput fore, incertum excusandæ an minitandæ necessitati. Post quam præcipiti jam æstate in expeditionem in Silesiam itum, fama tenuit Saxonicas copias ipso advenientis exercitus impetu obteripotuissẽ, sed ne quid gereretur pax obtentui fuit, de quâ Arnhemio interprete hoste tunc, sed olim fidissimo ejus

asse-

affecla, trium mensium spatio nec
 quidquam actum, mirantibus
 omnibus & conquerentibus, cur
 dies rerum inutili negotiatione
 absumerentur: in aula Cæsaris id
 magis pro magni arcani secreto
 habitum, cujus sancta quedã igno-
 rantia tutior esset, quam plura sci-
 endi cura, eaq; in hominis fide fi-
 ducia inerat, ut proditiõẽ quoque
 non nisi Cæsaris beneficio molitu-
 rum crederent: hinc illi omnia ad
 facinus facilia, cum minus metuẽ-
 dum ei foret si deprehenderetur,
 quam si auderet, & pæne peractũ
 scelus etiam laudaretur. At non in
 Hispanis tamen tanta torpedo fuit,
 quin suspectarent rem, quæ qualis
 esset, in sola proditoris fide con-
 sisteret. itaque ut in omnes even-
 tus subsidium pararetur, Cæsari
 auctores fuere evocandi ex Italia
 Ducis Feriæ Mediolani Præsidis,
 qui firmũ magis quam copiosum

exercitum sub signis eduxit Brissacco subventurus, quod unicum Alsatiae claustrum & praesidium omnibus circa hostilibus extremae obsidionis discrimine Suedici premebant. Sensit Walsteinius artes, & jam supra obsequii necessitatem positus non dissimulavit sese intelligere, questusque id contra pacta fieri quibus ei promissum, nemini crediturum Caesarem nisi sibi, coegit eum illud tanquam apud aequalem excusare. Verum Hispanis & detexisse & irritasse hominem par ratio fuit, tantoque magis Dux Feriae appropere iussus, & res ipsa maturare cogebat quia Hornius Rheno trajecto in Helvetiorum fines novo ausu transgressus, qui id nemini externo unquam impune futurum jactabant, (sed & apud illos discors Religio aliud credere credique jubebat, & quanquam neutrarum

par-

partium speciem præ se ferebant,
 more gentico diversa induerant;
 cum per occulta & fida magis alii
 istam, alii alteram partem fove-
 rent) Constantiam urbem oppor-
 tunam magis muniendo quam
 munitam, & tunc inde unde pau-
 lo ante publica ab Helvetiis fides
 data erat hostem nullum adven-
 turum, nihil metuentem impro-
 visa vi invaserat, multis Helveti-
 corum tam cupide adjuvantibus,
 ut rei ipsius auctores crederentur,
 sed illi nil publico consilio (non
 perinde publico permisso) actum
 excusarunt. Advenienti Feriæ se
 junxit Aldringherius Cæsaris jussu,
 permisso Walssteinii, quod ille tum
 magis spectare cogebar, nil re-
 rum gesturus nisi quod ille impe-
 rasset, id autem ipsum imperaret
 ne quid gereret, mortem inter-
 minatus, ni pareret. Itaque quan-
 quam Hornium Constantiæ obsi-

dioni pertinaciter inhærentem & post in ipsâ Alsatiâ prope Sulzium æquo loco duplicato majorem hostium numerum provocare ausum opprimere sine discrimine potuisset, maluit ille fortunæ gloriæ, victoriæque ac Cæsari ipsi quam Wallsteinio deesse, exhorrescens Manliana viri imperia, & nolens capite suo periclitari, plusne illi ad exequendum quam Cæsari ad impediendum scelus animi esset, nec Dux Feriæ, nil per se virium penuria audens, à socio impetrare potuit, ut Constantia Brissaccoq; discrimini exemptis idem opis ferretur Philippiburgo, quæ validissima Spirensis Dioceseos arx longa obsidione exhausta præne inspectantibus illis à quibus subsidium frustra speraverat, deditiorem fecit. At paulo post etiam atrocior nuncius perculit Bernardum Vinmariensem, qui

Hor-

Hornio antea junctus, sed eam militiam in qua hostis non esset aspernatus (nam quid Aldringherio liceret facile illi aut scitu aut intellectu fuit) iterum se separaverat, acto raptim in Bavariam milite, vacuum agmine Ratisbona oppido potitum esse, ubi praesidii magis instar quam praesidium erat, quod Bavarus ipse & illic & alibi Bavariae exonerandae imminuit, nec hostem quem procul à duobus validis exercitibus distentum iri credebat, nec cives ipsos metuens pronos licet ad res novandas, sed sine externo auxilio nil ausuros, majore forassis sumtum & ærarii quam belli hostisque cura, ergo omni opinione citius ille intempestive frugalitati superveniens in cervicibus, & mox in visceribus etiā fuisset, nisi Verdanus paulo ante gregarius miles, & tunc eximiis equitum turmis in-

signium facinorum merito , quibus ad iusti ducis nomen paulatim inclaruit , præpositus victoriâ exultantem sed multiplici clade castigatum intra Isaræ fluvii ripas coërcuisset. Walsteinus interea & ipse in Silesiâ edidit seu veri & legitimi , seu assimilati & cum hoste ipso compositi decoris exemplum validis ad Stenavium Oderæ fluvii vicum hostium castris in quibus iusti exercitus Mathia Turriano Bohemicæ olim rebellionis capite & Tubaldio ductoribus confederant , unâ eâque incruentâ expeditione captis , nam Saxonicæ copiarum rebus domesticis , quas Holquius Misniam ingressus Lipsiâ expugnatâ , ubi post peste correptus obiit incertum si supervixisset Cæsari an Walsteinio magis fidus , latè agendo ferendoque depopulabatur , avocata abscefferant , atque ita Silesia

omnis

omnis & Brandenburgici agri
 pars circumductis hostium duci-
 bus in deditiōem venit, qui mox
 à navatâ eâ operâ dubium perfi-
 dem an perfidiā (ita re semel
 suspectâ seu bene seu male factâ
 premunt) dimissi: inde ralata in
 Bohemiam hybernia, nec Cæsaris
 iussâ periclitantibus circa Ratis-
 bonam rebus subvenire imperan-
 tis ultra valere, quam ut aliquot
 equitum alas eo mitteret, & Pas-
 savio locisque proximis imposito
 præsidio Austriam Bohemiamque
 in potestate haberet. Extremo
 anni obiere Isabella Longæva Bel-
 gii Gubernatrix, & Dux Feriæ,
 illa annis, hic rædio rerum speique
 frustra magnis animis cœptæ æ-
 gritudine extinctus, & Batavi
 Bergas ad Rhenum Hispanis eri-
 piunt duce uno idoneo destitutis,
 cum ibi quoque plures pari im-
 perio imperarent, sed imperata ut
 sit, nemo exequeretur.

An. M. DC. XXXIV.

HOrnius Aldringerio & Hispani-
 nicis copiis, quæ in ipsa expedi-
 tione locis commeatu vacuis de
 industriâ circumductæ majus de-
 trimentum quod nullo, quam si
 adverso prælio decertassent, ac-
 ceperunt, in Bavariam redactis
 suo arbitratu in Sueviâ hyberna-
 metatur, & veris principio Bibrac-
 cum ac Memingam urbes recupe-
 rat, validam istam, sed ubi nullius
 pretii miles, illam contra nullâ re-
 munitam, sed veterani inerant,
 ita amministrante Ossa Commis-
 sario (de cujus syncerâ in Cæs. fi-
 de nemo non excepto solo Cæsare
 dubitabat) cui noxias per se
 Commissarii artes etiam ad arma
 tractanda, ubi majori præmio pec-
 catur, extendere licuit. Eod. cursu
 Campeduno recepto Uberlingam
 ad lacum Bodamicum constan-
 tiorē

tiorem urbem quam fortio-
rem cui aperto lacu libera subsidiorum
facultas (sed non semper in tem-
pore aderant) acerrimis oppugna-
tionibus nec quidquam adortus
Buchornio debili ibidem oppido
præsidio imposito quod Cæsaria-
ni neglexerant, oram illam totam
diu Suedicis, armis infestam ha-
buit. Inter hæc Walsteinius jam
summæ potestatis quâ supra ipsum
Cæsarem elatus erat, rei que
ipsum nisi etiam nomen haberet
pertæsus, certusque flagitii ad
quod facillime ab ejusmodi vota
transitur, patratique potius quam
suspecti, cujus par pœna, facinoris
reus esse maturans omnes primo-
rum ordinum duces in novi for-
mam sacramenti adigit non per-
missuros ei à Cæsare imperium
abrogari. Apparebat plerisque
quantum è Rep. peteretur, sed
sævitiâ hominis, quâ ille etiam
aliâs

aliàs pro virtute utebatur, tunc ad peragendum scelus sola virtus erat, veriti subscripsere, eandem illi fidem servaturi, quam ipse Cæsari; fuere tamen nō pauci qui bonā fide perfidiam amplecterentur jam ab eo antea aut immensis largitionibus, aut earum rerum, quæ salvā Rep. præstari non possent, promissis emti. Audita hæc in aulâ Cæsaris aut omnino non, aut in majus quam quæ remedium admitterent credita nullum dabant consultandi medium quid agendum quidve omittendum esset, donec Aldringherius magis tandem Cæsari quam Walsleinio fidere ausus certiora attulit, conjurasse eum haud dubie, idq; cum illo facinus audire paucos, nutare plures, si cessaretur, passuros omnes: facillè ex eâ relatione explicatu consilium fuit, edictumque in legiones ne quis Walsleinio

nio perduelionis manifesto dicto
 fit audiens. Egghenbergius Cæ-
 saris ad id tempus unus summa-
 rum rerum rector potius quam
 consiliarius, tunc uti præcipuus
 semper Walsteinii suffragator à
 consilio exclusus, intellexit versum
 esse aulæ ingenium, itaque quod
 facillimè jam impetraturus esset,
 secessum in Stiriam, ubi ingentes
 eum Principis liberalitate con-
 cessæ possessiones exspectabant,
 petere præoccupavit brevi mo-
 mento tam prope ab exule quàm
 antea à principe abfuturus, fato
 potentiæ raro sempiternæ in ejus
 locum Trautmansdorfius aulâ &
 interioris amicitiae nomine poti-
 tus, rerum militarium regimen
 Schlikius accepit par negotiis,
 neque supra, quod unum Wal-
 steinium fato suo impegit. Dum
 Imperator consiliis terensido tem-
 pus magis imitatur principem

M

quam

quam repræsentat, fortuna ejus proprio motu proditorem confecit, nam eo jam nomine suo monstratus Walsteinius desertusque ab eis quibus aliqua honesti cura, Pilsenâ quæ conjurationis sedes erat, Egram pertendens solos eorundem ad extremum consiliorum comites habuit Terschium, Kinschium, & Iloum, sed eadem adventus sui nocte à præfidiariis loci Scotis genere, Leslæo auctore, cum sociis occisus tantarum rerum omnem in partem quomodocunq; supervixisset ancipitem motum brevi exitu composuit, nemoque eo extincto aut conscientiam facinoris ultra executus aut ultus est, sola ut fortuna familiam Austriacam, quæ à lapsu tum prope abfuit in fastigio suo conservavit, non adeo quod in tempore detecta, quam quod properè in capite ipso vindicata conjuratio spatium non dedit

dit clementiæ Cæsaris, quæ æque
 noxia, ubi nulla & ubi nimia, vel
 cum miserantis periculo cōiuncta
 est, in Cæsare tanta erat, ut si
 eum Imperatorem esse cæteri
 non meminissent, ipse obliturus
 crederetur: nam non defuere qui
 etiam mortuum Walssteinium
 proditoris crimine absolverint,
 eosq; qui primi eum deseruerant
 accusarent tanquam pari prauitate
 eundem quem antea corruperant
 foverantque, infamarint ac pro-
 diderint, & sublato Walssteinio
 Walssteiniani tamen animi super-
 fuerint. sed res quæ successerunt
 documenta dederunt bene fortu-
 nam Walssteinii morte usam, nec
 defuit Cæsari filius ipse Ferdi-
 nandus Ungariæ Rex principem
 locum implere, qui exercituum
 curâ in se susceptâ, quod omnium
 diu votum erat, & iunctis castris
 cum Bavaro, cujus simultatibus

per Walsteinii latus ad ipsum Cæsare pervenientibus ejusdem morte egregiè parentatum, Ratisbonam longâ oppugnatione multisque cruentis oppugnationibus fractam recuperat, non iis tamen conditionibus quas victor ipse, vicinusque magis Bavarus memor cladum inde illaturum sibi veller, sed receptâ quocunque pacto defungi cogebat hinc Vinmariensis magno exercitu virium destinendarum causâ Bavariæ infidens, & Landshuto, ubi Aldringherius incertum hostili an proprii militis manu (nec enim deerant qui Walsteinii meminissent) occiderat, vi capto ferox, illinc trepidi nuntii significantes Saxones pleraque Silesiâ subacta in Bohemiam transgressos jam ipsis Pragæ mœnibus insistere. Non negligenda erant Regi præ alienis domestica, jamque cum delectâ copiarum parte

eò properabat invito Bavaro, qui
 uni bello incumbendum, nec ad
 omnem hostium motum summam
 rerum circumagendam censebat
 (sed sua cuique cariora) cum læ-
 tiora nunciantur Lamboium u-
 num ex Cæsariis ducibus quan-
 quam Maradius & Colloredius
 reliqui duo jam animis ad fugam,
 ipsi recessum vocabant, inclina-
 rent, capto ad resistendum loco
 idoneo irruentes temere Saxones
 magno primum damno repulso,
 post ipso tenore victoriæ, cujus
 continuatio ad res finiendas effi-
 cacissima est, insecutum totâ pe-
 pulisse Bohemiâ. Ergo regi re-
 gredi & se Ferdinando Cardinali
 Hispaniarum Regis fratri, qui
 Belgio regendo destinatus insi-
 gnem exercitum & veteranorum
 Hispanorum robur omnibus Ita-
 liæ præfidiis evocatorum adduce-
 bat in Baviaræ finibus jungere va-

138 EPITOME RERUM

cum fuit. Eo & Lotharingo ex-
 ule, quem copiis suis Bavarus se-
 ipsum jam militiæ desuetum ex-
 cusans præfecerat, comitibus Do-
 naverdâ & totâ Danubii orâ Vlmâ
 tenus recuperatâ in Noricum fle-
 xit, & Nordlingam validam urbē
 valido munitam præsidio obsedit.
 Hic Vinmariensis, Hornius, Crat-
 zius Cæsarius antè Dux & Ingel-
 stadio præfectus (quod prodere
 voluisse insimulatus, dubiam per-
 fidiam & anteactorum merito
 vix creditam manifesto transfugio
 patefecit) & Wirtenbergici de-
 lectus, segnis numerus ille quidem
 & armis oneratus verius quam
 instructus, unde tamen quatuor
 exercituum instar effectū est, col-
 latis cum Rege signis memorabili
 pugnâ vincuntur, Hornio ipso &
 Crazio, qui post pœnas pro per-
 fugâ capite luit, in acie captis, Vin-
 mariensi faucio cum paucis equi-
 tibus

tibus profugiente, cujus temerariæ ferociæ ejus diei calamitatem cæteri adscripsere, qui à summo certamine abstinere, præsertim jam idoneâ obsessis ad vim longius sustentandâ manu submissâ & commeatibus potius interclusis quod factu facillimum erat, Cæsarianos ad abeundum adigere suadebant. Par sine dubio Lipsiensi cladi reddita clades, sed non tam præsens aut tam proprium quam illic victoriæ præmium fuit, quia Cæsarius miles diutinis laboribus exhaustus tempestivius eâ & intemperantius forte quam par erat frui maluit, opulentissimâ Wirtembergiæ & proximis Cisirhenanis Francoviæque regionibus quæ longis usibus sufficere poterant intra breve tempus fulminis in modum ad ultimam inopiam evastatis. Hispani cum nullus jam æquo loco hostis se sisteret, nam

Verdanus equestres Ringravii alas, robur sine controversiâ Suedici equitatus, quæ à Vinmariensi pugnæ pariter capeffendæ quamquam prope aberant haud expectata fuere non inter postremos ejus calamitatis lapsus, ad Rhenum affecutus fœdâ conciderat strage duce ipso occiso, mediam emensi Germaniam in Belgium perdenderunt, & Rex viennam rediit summa Imperii militaris Gallassio permiffâ, hybernis militi jam antea distributis, quæ Bavari properantius occupantes causam dedisse visi sunt & reliquis qui periculorum æquales præmiorum ultimi esse nolebant, ut prosperarum rerum cursum eò citius illi quoque ad usurpandam quietem flecterent. Abitu Regis solutâ castrorum disciplinâ Galli trajecto ad Philippoburgum, quod immensâ auri vi à Suecis redemptum

tum possidebant, Rheno Haidelbergæ per arcem quam Sueci tenebant admissi, multiplices qui in urbe erant cum robustis copiis Cæsarios duces nec opinato oppressos ignominioso agmine quasi sub iugo deditos emisérunt, poterantque eos inultos delere, sed nondum aperti Cæsaris hostes videri volebant.

AN. M. DC. XXXV.

Post Norlingensem victoriam res Catholicorum ubique respirare, nec solum æquare fortunam Protestantium, sed superare videbantur. Iam primum fœderis Catholici auspiciis huiusmodi exercitus cui Philippus Mansfeldius præfectus, sub signis erat, quo jam ad superiores Tillianorum temporum successus si Dux idem fuisset, haud temere aspirare poterant, Franconiæ deinde major

M 5 pars

142 EPITOME RERUM

pars Herbipolensi arce recuperata ab hostibus purgata. Philippoburgum alteram inexpugnabilem arcem idem qui eam Cæsaris nomine pro præfecto obtinuerat Bambergius aditu occulto sibi que soli cognito & ut compererat, incustodito nocte ingressus incredibili felicitate intercipit, imensis præter urbem in quam ut destinatam Germanici belli sedem eas Galli deposuerant, opibus potitus, quæ nomine direptæ prædæ militum, re in Ducum præfectorumque sinu fuere: nec ferè quidquam jam cis Rhenum erat, quod nõ Cæsariis armis teneretur, & Spira ipsa transmissio flumine in deditionem venerat, sed hanc mox Vinmariensis ex conglobatis victarum partium reliquiis & Gallicis auxiliis iniusti exercitus nomen relictis viribus per paciscendi simulationem interfecto aut in vincula

cula dato præsidio recipit. Augusta longâ & longinqua circumfisione, quæ Sueviam circumjectâ eadem quam hosti obsessores fecerant, inopia desolatam perdidit, interclusis com meatibus ad extrema malorum redacta vix tamen à Suedicis præfidiariis, quibus inter mortuæ urbi ultima pertinacia immori decretum erat, faciendæ deditiois facultatem impetrat. Jamque Lotharingius superato & ipse Rheno in Provinciæ suæ fines transgressus magnum illic & in Galliis ipsis adventu suo rerum motum facturus credebatur, ingenti ubique Cæsarianorum fiducia, sed fortuna contra fuit non tam hostium virtute, quam victorū vitiis. Mansfeldius circa Francofordiam in speciem obsidionis tota hyeme otiosæ adfidens ita res administravit, ut licet vir esset qui bellica-

rum

rum rerum consilia atq; una actiones suas magnificis orationibus nobilitate soleret, maximæ spei exercitum tanquam hoc ipsum in mandatis haberet, inopiâ majori quam ab eo hostis patiebatur, & omnium rerum corruptelâ ac negligentia confectum aut diffluentem ad vix digni nominis numerum redigeret, quod tamen ei per aulicam in Regiâ Cæsaris gratiam impune aut assensus consilii fuit non pati novis auctibus revirescere grave Principi subditorum Ordinum fœdus, Galli plerisque munitioribus Alsatiæ locis à Suecis auro redemptis insidentes (eo evaserat illa deprædicata libertatis Germanicæ tutela, ut non solum serviret, sed etiam venundaretur) Lotharingum ita exceperunt, ut vana arma circumferentem multis millibus ferro famæque amissis nullo momento Pro-

Provinciarum suarum aditibus
tentandis irritum ingloriumque
inhærescere paterentur, ipsi lectas
copias in ore ejus prætervectas
Rohanensi duce per medios Hel-
vetiorum fines (tantum vetera ejus
gentis mutaverant, ut armatus ex-
ternus exercitus justo agmine or-
dinatus in sinu ejus conspiceretur;
documento itaque cuicunque al-
teri idem ausuro futurus, quantum
compertis eorum inter se factio-
nibus fidenter insultanti, si expe-
riundæ modo rei libido sit, liceat)
in Vallemtellinam emitterent,
Hispanos, quibuscum exoletâ pa-
cificationis Ratisbonensis memo-
riâ, brevi inter nationes naturâ
hostes fidei vinculo; in apertas
iterum inimicitias descenderant,
novis in Italiâ motibus infestatu-
ri. Jam miles Cæsaris Walsteinia-
norum temporum assuetudine,
quæ nisi justis stipendiis ad diem

N

re præ-

repræsentandis ut corrigatur sperare vanum est, hostibus amicisq; juxta gravis tanta immodestia ubique grassabatur & stativorum nomine in Provinciales sæviebat, ut invisæ antea Suedicorum licentia desideraretur: accessit ad ea arctissimus annonæ frugūq; proventus, cum prius sata collectave militari petulantia corrupta aut dissipata jacerent, nec agri inculti nova sufficerent, unde dira & quanta nullis temporum monumentis nota fames, & ex fame pestis excepit, quæ duæ calamitates ea strage desævierunt, ut vix tertia hominum parte superstite nec melioribus postea temporibus insecutis Germania in Germania quærenda sit nullo quondam florentissimarum rerum vestigio, nisi quantum urbes vicique situ squallidi, solitudine horrentes omnia cultorum desiderio vasta ac deser-

deserta, quid ei vilis furor possit, ruinis suis contestantur. Unicum afflictis rebus remedium à pace sperabatur, quæ frequentibus legationibus ac congressibus Pirnæ alibique locorum inter Cæsarem ac Saxonem disceptata iis tandem conditionibus Pragæ convenit, quæ privatim Saxoni quam universo partium nomini utiliores æstimatæ nec internas discordias personarunt, nec externis, qui jam non ii erant ut leges ab aliis accipere, sed ipsi ferre vellet, satisfecerunt probè intelligentibus, neque enim res tam occultè jactata quin appareret pacata Germania arma in se versum iri: Ergo dulce pacis nomen, sed casso effectu in atrocius bellum evasit, cujus ipsius cura, quasi certâ pace & minus intenta, & disciplina etiâ fluxior fuit; quamquam omnes in Germania Protestantes

paucis inde aut nominatim, aut pro parte, aut suâ sponte exceptis (inter quos præcipuus fuit Wilhelmus Hassiæ Landgravius) pacem verbis acceptassent, Suecique idem pro tempore se facturos simularent, verum offensi postea Saxonis ut ferebant, secum tanquam cum victis non sociis agentis acerbitate, & post prorogatas cum Polono inducias novis è Sueciâ subsidiis confirmati quæstuosæ in privatum pacis convicium Saxoni & latæ è se opis oblivionem crudelissimo bello regesserunt: offerebatur & Vinmariensi gratuitus ad sua reditus, sed spes vana eum qui pacem belli amore exuerat, bellum pacis caritate depositurum; is ergo aperte Galli sacramentum accepit, & cum Cæsariani Spirâ, Vormatiâ aliisque ejus tractus urbibus in fidem receptis Moguntiam obsiderent, sociatis

ciatis cum Valletano Gallico duce castris adventus sui terrore eos in fugam conjicit : sed mox illi novis aucti viribus, adductis à Ferdinando Ungariæ Rege in expeditionem reverso, quam ita administravit ut raro in ipsis castris, nec procul tamen inde remotus Majestatem Imperii acrius ut videbatur absens intentaret, an quod inter militem inopem eum qui munificentiae summus esset, pecunia vacuum versari haud decorum credebatur, in Gallos infensus revecti in Mediomatricum usque agrum cedentes insecuti sunt, ubi tum summa rerum hæsit, nullo ullam in partem facto momento, nisi quod Cæsarianis ab hoste otiosis vacuum fuit Frankenthalium, Moguntiam, & cæteras circa Rhenum urbes hostilibus præfidiis liberare, sed quæ in Galliis hyberna animis destinave-

rant (quorum major eis cura quam ipsius victoriæ) in devastatis Alsatia, Suevia, ac proximis regionibus figere coacti infaustam pacis securitatem & non minus gravia quam ab ipso hoste belli mala amicis fociisque retulerunt. Gallis hinc triumphatis magis quam victis consimilis fortuna alibi quoque locorum fuit. Nam in Italia Valem tellinam bis cruenta clade repulsis Cæsarianis, quos à summis Alpibus ingruentes composito Hispani consilio à diversa Iarii lacus ora eodem tempore adoriundi hostis frustra in id intentos destituerant, egregia fama tutati sunt, quam iterum Valentiam Hispanicum ad Padum oppidum magnâ vi nec quidquam oppugnantes ignominioso infectæ rei exitu sædarunt, licet confœderati eos duo strenuè adjuvarent: hinc Sabaudia Dux, qui sine ulla

neces

necessitate vendito eis Pinerolo
 paterna ambigua, quibus ille solis
 Sabaudiae Ducum dignitatem nul-
 lius nec amici nec hostis nisi suo
 arbitrio indigam stare censebat,
 perpetuo Gallicarum partium
 iugo illigavit; illinc Parmensis,
 quem in Hispanos nulla res alia
 armavit, quam earum miseria-
 rum quas vicinum suum Man-
 tuanum coactum pertulisse vide-
 rat, sponte experiendarum libi-
 do. Motum quoque in Belgio
 bellum profligatis prope Namur-
 cum Hispanicis copiis quas Tho-
 mas Sabaudi frater ducebat, fe-
 liciter auspiciati, mox in indi-
 gnas populationes, quibus Bra-
 bantiam crudelissimè vexarunt
 delapsi Gallici magis tumultus
 trepidationem quam legitimi
 belli terrorem iis gentibus, Ba-
 tavis contrà qui icto cum eis fæ-
 dere florentissimas copias con-

152 E P I T O M E R E R U M

junxerant (par Gallici exercitus
 robur fuit, vix ut memoria extet
 quandiu ibi Hispani rerum po-
 tiuntur numerosiores uno tempo-
 re hostium exercitus in eas Pro-
 vincias invalisse) tempestivam pœ-
 nitentiam injecerunt, quod non
 suis separatim consiliis auspiciis-
 que, quorum eos nunquam an-
 tea temere pœnituisse, hujus quo-
 que anni expeditionem decrevis-
 sent. nam brevi post ex tantâ spe-
 res eorum adeo mutarunt, ut
 Schenkiano munitissimo præsi-
 dio, clauistro haud dubiæ Bataviæ,
 quâ se primis divortiis Rhenus in
 Vahalin Isalamque dividit, ino-
 pinata Hispanorum irruptione
 capto, infestum in intimo Provin-
 ciarum suarum corpore hostem
 haberent, insigni documento tam
 gravi expeditionum mole cœpta
 bella, non æque eventui respon-
 dere, quam quæ ita habili appa-

ratu geruntur, ut regi, & suis momentis administrari possint.

An. M. DC. XXXVI.

INfestissima reddit odia prioris amicitiae recordatio, quae ut in externis nunquam sincera existit, inter concordēs non longae vinculum caritatis, inter infensos major irarum incitamentum est, id Saxo à Bannerio Suecorum ductore perpeffus, qui Saxoniam ad tempus decedens, sed amissis ad Havelam fluvium robustis legionibus, jam ex desperatione quoque ipsa, quippe cui nihil in Germaniam habenti nihil perire posset, accensis infensus odiis se in Saxonis militem Domizium obsidentem circumegit, & inde cum clade repulsum ad Kirizium è vestigio denuo affecutus fædiore strage dissipat, & Salâ fluvio superato, mediae illatus Saxoniae armis

armorumque terrore ingentes
 undique pecunias, quæ ei prima
 ad perpetuandum bellum diligen-
 tiam fuit, extorquet omnia ferro
 flammâq; permixturus nisi arctis
 Saxoni rebus Hazfeldius Cæsaris
 iussu subvenisset, qui Bannerium
 ad Servestam optimâ equitatus
 parte mulctatum in Magdenbur-
 gicū agrum rejicit: urbs ipsa, nam
 ædificiis incensis muri veterum-
 que munitionum opera extabant,
 cæsis iterum ad Tangermundam
 Bannerianis, qui subsidio adventa-
 bant, deditiōem pacta, eundem-
 que casum secuta est Werbena
 munita ad Albim Havelamque
 confluentes arx & major Bran-
 denburgici agri pars. Ad Wits-
 chium fortuna iterum variavit,
 ubi Bannerius Cæsarianos Saxo-
 nesque justo prælio ideo quia se
 fugere putabant fugatos vincit,
 fama; tenuit inter Saxones fuisse
 non

non paucos qui armis Cæsariis,
 animis Suedicis pugnarent, &
 duplicis per se generis auspiciq;
 exercitus ut uni duci ad regendum
 nimius rursus si duo imperent ad
 commune periculum capeffendum
 minus concors, dum carptim pu-
 gnat & suum quisque momen-
 tum sequitur, distractis viribus in-
 firmior fit una uni hosti ad resistē-
 dum. Bannerius recuperatis post
 victoriam quæ amiserat Magde-
 burgo excepto, Turingiam Mis-
 niamque turbinis in morem per-
 currens Erfordiam oppidum, un-
 de in ipsam Franconiam emissæ
 ab eo prædatoriæ manus, inde fle-
 xo itinere Torgam ad Albim ex-
 pugnat, eoque fine anni hujus ex-
 peditionem sistens id solum stu-
 duit ut vi, minis, populando, uren-
 doq; quam maximam pecuniæ vim
 colligeret, ut militis è Suetiâ
 submittendi certus ita nullius
 nisi

nisi quod ipse sibi pararet stipendii securus. Pari exemplo Landgravius deponendorum armorum quæ magis in tempore proferret, simulatione jus à Cæsare consecutus hybernorum in quibus ipsi commodum Provinciis metandorū, inde Hanaviam inexpugnabile prope Francofordiam oppidum ad extremum obsidionis à Cæsarianis redigi passus, repente eos à tergo aggressus fugat, & Paderbornensem, Monasteriensem Episcopatus, & Vechtio expugnato quidquid Bremâ tenus cis Visurgim est regionum, ipsamque Phrisiam jungendæ cum Hollandis manus causâ subactam exactiōibus & rapinis dilacerat, & quanquam Hassiæ suæ idem à Ghezio Cæsariano duce fieret, patrimonium tamen ille suum in armis esse reputans perseveravit sanguine quærere, quod alii longo sudore para-

paravissent. Principio æstatis Vin-
 mariensis Tabernas Alsaticas (su-
 periore anno Cæsariani eas occu-
 parant) recuperat, frustra præfi-
 diariis obsidione diu strenue tole-
 ratâ opem à Gallassio expectan-
 tibus, qui Stolhovia ad Rhenum
 otiosis stativis infidens in hostem
 nisi duplicato majorem exerci-
 tum haberet, ducturus non erat.
 Advenere ei, sed re jam transactâ
 novi è Silesia Butlero ducente de-
 lectus, tùm demum Rheno tra-
 jecto laboranti ausus est subve-
 nire Burgundiæ, in quam neutra-
 rum ad id tempus partium (Hel-
 vetii fidejussores erant) non in-
 dicto à Rege Galliæ bello missus
 Condæus Dolam obsidebat. Prior
 obsessis Lotharingius opitulatus
 est, & urbe discrimine exemptâ
 conjunctis cum Galassio viribus
 in ipsam se Lugdunensem Gal-
 liam populabundus effudit, jamq;

158 EPITOME RERUM

Viriduno ad Ararim opportuno al
 bellum porro porrigendum loc
 potitus stabilem in hostico pe
 dem fixisse videbatur, si idem i
 Gallassio consilium fuisset, se
 is rebus ad res gerendas necessa
 riis, tormentis præsertim, & in
 strumentis aliis urbium expu
 gnandarum se diu destitutum
 post præterlapsis jam cum æstate
 occasionibus & hybernis imbr
 bus supervenientibus non jam in
 tempore instructum arctis in
 super com meatibus hinc Alsatia
 quæ tota in hostium manu, hinc
 ipsis Provincialibus quos Cæsa
 riani assuetâ rapiendi licentiâ
 ipsis hostibus infestius in se arma
 verant, horum autem armis & à
 fronte, à latere cinctum excu
 sans transferendi in Gallias belli
 spem ostendit tantummodo, sta
 timque in Germanias irritam retu
 lit, ubi hybernis iterum occu
 patis

patis quin ea in hostico obrine-
 ret Hispanorum culpam fuisse ar-
 guit, qui Verdano, Piccolominio,
 & flore tam equitatus quam
 peditatus Cæsarii à se abducto
 Corbejâ in Picardiæ finibus mu-
 nirâ urbe captâ, cum sicut inter
 se & illos convenisse dicebat, in
 plana Galliæ descendere, sibi que
 ad Lingonum fines, ut juncto vi-
 rium robore Suesfionensem Co-
 mitem præter cujus copias nul-
 lus tum eis par in Galliâ exerci-
 tus sub signiserat, debellare ma-
 turarent, occurrere debuissent,
 potiori propriarum & proprio-
 rum sibi rerum curâ ad reliqua
 Picardiæ præsidia Belgio immi-
 nentia expugnanda adjecto ani-
 mo composita secum consilia &
 certam victoriæ spem quæ in
 celeritate posita erat, corrupissent
 spatiumque Gallis sese confir-
 mandi dedissent, qui eodem tem-

pore in Italia castris trans Tici-
 num in ipso suburbano Mediola-
 nensi agro prope Olegium posi-
 tis ab Hispanis, quibus robustæ
 Germaniâ legiones novæ eo anno
 subsidio venerant, iusto certami-
 ne fusi cis flumen rediguntur,
 summâ tamen rerum nihil ullam
 in partem variante nisi quod To-
 rasi, magnâ vir inter Gallos mi-
 litari gloriâ, sub ignobilis vici ex-
 plorando aditu globo trajectus
 eis ereptus est, & Dux Parmensis
 totam ditionis suæ provinciam
 hinc ab Hispanis omni clade belli
 evastatam, illinc ab ipsis Gallis
 Placentiam compositis insidiis
 pæne interceptam vidit, serâ ami-
 corum quos deseruisset, quosque
 nuper adscivisset æstimatione. Fi-
 ne anni Ferdinandus Cæsaris filius
 redux ab expeditione quam, ut
 priore anno, in propinquo absens
 consiliis rexit, indictis Ratisbo-
 nam

GE
 nam co
 creatur
 rentibu
 paulo
 te nihi
 quam
 anarch
 etiam
 decesse

FE
 tis
 animi
 pietat
 casus
 fregit
 libera
 quato
 diant
 laude
 acces
 equit
 Hass

am comitiis Rex Romanorum
 reatur, non ad extremum defe-
 entibus Germaniam fatis, cum
 paulo post insecuta Cæsarismor-
 te nihil ad plenam ejus perniciem
 quam diuturnum interregnum &
 anarchia, quæ ut re obtinebat, ita
 etiam ipso nomine imminebat,
 deesse videretur.

An. M. DC. XXXIV.

Ferdinandus secundus Imp. fa-
 tis concedit Princeps universis
 animi bonis, sed unâ in Deum
 pietate, ad quam omnes fortunæ
 casus prosperos retulit, adversos
 fregit, rectissimè excellens, nam
 liberalitatem, clementiam reli-
 quasque virtutes si modum egre-
 diantur excuset rectius quam
 laudes. Verdanus Hermenstanium
 accessu inviam arcem circumfusus
 equitum turmis eminens obsidens
 Hassos commeatum inferre mo-

lientes toto cœsos campo exigit
 frequentibus huiusmodi expedi-
 tionibus quæ melius manu quam
 consilio geruntur assecutus ut et-
 iam istis sufficere crederetur, sed
 annus insequens experimentum
 contra dedit. Mediâ hyeme Ban-
 nerius Lipsiam oppugnat, quæ
 urbs toties capta didicit tandem
 præsidium à virtute petere, & vi-
 illatâ strenuè defensâ docuit ar-
 ma ut fortibus honesta, ita etiam
 ignavis tutissima esse, ab eo ex-
 perimento nullam ille validio-
 rem urbem ultra tentare ausus
 miseræ Saxonix excidio Regi
 suo qui ibi supremo vulnere vo-
 tivum Germanicæ libertati san-
 guinem effudisset, parentare per-
 severavit, non immemor interea
 captx Torgæ mœnibus ita se
 immunire, ut ad eum depellen-
 dum omnium Cæsariarum virium
 moles eo convertenda esset Gal-
 lassius,

lassius, Hazfeldius, Marazinius,
 Cæsarii, Ghezius Bavaricus, Gli-
 zingius Saxonicus duces affue-
 re, accessit post & Lunæburgi-
 cus (civilium ille bellorum de-
 sultor mox in his, mox in illis
 partibus erat) & novis cum
 Croatarum subsidiis Suarzenber-
 gius, tantusque ducum ac le-
 gionum, in quibus gregalem mi-
 litem sæpe, nunquam ordinum
 ductores desideres, numerus ex-
 titit ut ostentandæ semel rei
 causâ Gallassius insignem ma-
 num ex solis militiæ præpositis
 constantem in hostem iusto præ-
 lio invadendum opimis dandis
 vel capiendis spoliis emisericit:
 at Bannerius tamen diu cuncta-
 tus est fugere magnâ seu fortitu-
 dine, seu calliditate ad Saxo-
 niam ille funditus perdendum
 intentus, ut intra quem finem suæ
 populationes steterissent, inde amici

Cæsarii militis inciperent, & id
 paucos dies fugæ supersedendo
 affecutus impune se in Pomera-
 niam proripuit, Cæsarianis in tan-
 tã multitudine hostem elapsum
 persequentibus acrius quam in-
 clusum custodientibus, qui tamen
 ad Cultrinium facilem defensu
 Oderæ fluvii pontem haud dubie
 in manibus hæssisset, nisi Branden-
 burgicis loci dominis præsentior
 ea ratio visa fuisset hostem unaq;
 amicum transmittere potius, quã
 utrumque in cervicibus habere,
 Saxone non minus læto quod ab
 isto quam quod ab illo respiraret.
 Ita eo anno res Suedicæ intra
 Pomeraniæ fines redactæ sunt
 Saxone, Brandenburgico, Lunæ-
 burgico sua per otium recuperan-
 tibus, Gallassio, penes quem
 summa exercituum cura, segni
 per totam æstatem militiã tan-
 dem adultã hyeme in ipsam pe-
 netran-

netran-
 Wolg-
 mis
 Strall-
 tam
 mari
 comm-
 tanqu-
 batur
 aggre-
 & rel-
 se sui
 neutr-
 utran-
 Hass-
 mor-
 que
 etian-
 Gall-
 to d
 supre-
 diciu-
 ille
 liaru-

netrante Pomeraniam Triplescio,
 Wolgasto, post Domino ipso ar-
 mis expugnato; Anclanium,
 Stralsundia, Stetinum vim illa-
 tam facile sustinuerunt liberis
 mari suppetiis, & Cæsarianis ob-
 com meatuum inopiam, quæ eos
 tanquam umbra semper insequē-
 batur, nullam justam obsidionem
 aggredi ausis Vismaria, Rostochiū
 & reliqua Megapolitana ora, quæ
 se suis opibus defendere poterat
 neutrarum, quæ id non poterat
 utrarumque partium fuit. Res
 Hassicas Landgravius Gulielmus
 morte quam hic annus vidit, vitæ-
 que sua juxta pessumdatas ne
 etiam in posterum erigi possent
 Gallis liberorum tutela testamen-
 to commendatâ permisit, idem
 supremum Sabaudi morientis ju-
 diciū fuit dubium caritatēne
 illecti an fraude uxoris quæ Gal-
 liarum Regis soror suspicione non

caruit maritum habuisse quam
 habere maluisse, fuitque gravissimi
 id belli præsentis seminarium
 quo sub tutelæ nomine assueto
 regibus colore dominatio quæri-
 tur. At non Gallis eadem apud
 Rhætos gratia perseveravit, qui
 eos finibus suis longè fœdisimo
 hoc anno abitu excedere coe-
 gerunt, quam illi ignominiam
 jactatis ingentem semper mu-
 tabilem, & libertatem suam ab ea
 maximè virtute æstimantem in-
 gentibus congiariis ultro emisse
 visi sunt, faventibus Hispanis,
 sed pari contra licitatione simi-
 lem haud dubiè sibi mercem
 præstinantibus. Vinmariensis tra-
 jecto supra Argentoratum Rhe-
 no magno novorum tumultuum
 terrore Germaniam implet, sed
 Verdanus tandem Hermensta-
 nio ab extrema inopia ad dedi-
 tionem coacto victor ne porro
 pro-

progredieretur compescuit, post
quæ flumini inædificarat muni-
mentis expulsum illis finibus
omnino eiecit, at felicior ei fuga
quam sua Verdano victoria fuit.
nam in opulentam Delspergen-
sem vallem faucibus incolarum
incuria neglectis penetrans libe-
ralia hyberna habuit, Verdano
Brisgoio deserta, sterilesque Her-
cynii saltus, & inania Sueviæ in
præmium gloriæ simul & stipen-
dium cesserunt. In Belgio Bata-
vi Schenchiano munimento an-
no superiori recepto Bredam
non dimidio tot mensium spatio
quibus ea urbs Spinolam fatiga-
vit, Hispani Venloum & Rure-
mundam in duplum compensa-
ta unius urbis jactura, cujus ta-
men permutationis Hollandos
non pœnitebat, recuperant. Gal-
li Damvillerium aliaque mino-
ris nominis oppida in Lucenbur-
gen-

genſium, Atrebatium, & Hanno-
niæ finibus expugnant, domesti-
cam quoque ruſticorum ſeditio-
nem in Pictavienſi agro experti,
*N*at non Richelio ingenium infra
ruſticos, qui ſuperioribus annis
Memoraſium & primaria nobi-
litis capita eiſdem humoribus
agitata miſſo à paucorum capite
ſanguine curarit, ut non tunc
quoque conſiliis manuque incon-
ditam paganorum inſaniam com-
peſceret, idem Luſitani in Regem
ſuum auſi, ſed compoſiti tunc
magis quam coërciti tempus il-
lud crudæ adhuc rebellionis ſub-
ſequentibus demum annis ad ma-
turitatem perduxerunt.

An. M. DC. XXXVIII.

VInmarienſis reſecto in Del-
ſpergenſiū faucibus pro libi-
tu exercitu improvifo inde emer-
gens per Baſileenſium fines, qui
ſe

e ad resistendum impares & me-
 liarum partium fidem conniven-
 lo licet alteri tamen coli jactant
 id Rhenum pervenit, eoque tra-
 ecto Sechingam, Valdshutum
 incolis quoque profugientibus
 vacua oppida, Lauffenburgam
 abi, quod quærebat, insignis ope-
 ris pons fluvium jungebat, & vix
 digni nominis præsidium contrà
 ac Verdano firmiorem ac suum
 militem eo imponere gestiendi
 affirmatum inerat ne majoris
 alendi præsidii necessitas quæ in-
 de ad Brisaccenum præfectum
 Reinahium pecuniæ exactiones
 deferiebantur minueret, terrore
 armorum occupat, Rinsfeldam ubi
 alter non minus firmus pons, ope-
 ribus cingit. Ubi id in Bavaria &
 apud Cæsarem auditum, con-
 festim Verdanus, Sabellius, Sper-
 reuterus, Enchefordius & Fursten-
 bergius emittuntur ut hostem

trans Rhenum rejiciant : nemo ex
 vulgo erat qui à tot ducibus rem
 non optimè , ex rerum peritis ite-
 rum nullus erat, qui non pessimè
 gestum iri crederet habuitq; res
 prædamnatum à ratione & tot
 priorum successuum exemplis
 eventum. Vinmariensis eos adven-
 tantes quamquam primo nō susti-
 nuisset & Rinsfeldam coactus ad-
 misisset, postero die in eam negli-
 gentiam effusus tanquam ipse nul-
 quam esset audacter agressus vix
 dimidiæ hore spatio exercitu to-
 ro foedissimâ fuga dissipato omnes
 illos duces excepto Furstenbergio
 qui naviculam ad Rhenum nactus
 aufugiendi habuit facultatem , &
 plerosque præterea majorum mi-
 norumq; ordinum ductores capit,
 inde Rinsfelda deditione receptâ
 rotâ effusus Sueviâ & depopulato
 cursim agro Wirtenbergico Fri-
 burga Brisgojæ armis capto lon-
 ginq

inqua Brisaccum circumfidione
 ommeatibus prohibendis, ubi
 ciebat majore industria pecuniam,
 quam frumentum rerumq; ad lon-
 giorē obsidionem necessaria-
 um invehendarum consilia tra-
 ctata esse premere instituit. Evo-
 catur ad res lapsas restituendas
 Ghesius Bavaricus Dux eique à
 Cæsare Sabellius qui clam ex
 hostium manibus effugerat adjun-
 gitur: duo iterum duces, duo
 diversorum auspiciorum exerci-
 tus fortunam ut apparet malè ge-
 stam quia plura uno capite rexe-
 rant, pejus correxere, prope Wit-
 tenviherium à multo minoribus
 Vinmariensibus copiis, cum Sa-
 bellius in primo, Ghezius in po-
 stremo, nec tamen ille ut hunc ex-
 spectaret, hic ut illi succurreret
 agmine curaret flagitiosa magis
 quam damnosâ fuga funduntur:
 tùm Brisaccum jam justæ obsidio-

nis operibus cinctum. Sabellicus
 Lambojus, & Golzius uni ducem
 (nullius rei minus poenitebat) duces
 suffecti, sed Ghezio parere
 iussi. Compositum cum Lotharingo
 ac Mercio fuerat ut eodem tempore
 hi cis, illi trans Rhenum Vinmariensia
 castra invaderent: illi die ex compacto
 obito, cunctante Ghezio facile superantur,
 iste quasi res ibi perditas de industria
 expectasset per se castra adortus,
 quanquam duobus jam munimentis à
 Lamboii milite expugnatis, porro
 perrumpere proclive esset, receptui
 canijussit & re infectâ tanquam
 hanc imperii tesseram accepisset
 ut veniret, videret, fugeret, retro
 acto agmine Brisaccum indefensum,
 ipse jussu Cæsaris à Bavaro in
 vincula datus: sed post duos inde
 annos sine mulctâ dimissus ancipitem
 famam reliquit perfidiâne peccasset
 an

focor-

G
 socord
 ac for
 muniti
 potest
 admira
 rantur
 potuer
 vandæ
 tam a
 ipsa c
 alrer a
 moque
 mæ sa
 antec
 cessita
 Reina
 rat, f
 quam
 minist
 tendi
 que E
 quas
 filioru
 hil ha

ocordiâ, quæ ei pro innocentia
 c forsitan pro sapientia fuit. Ita
 nunitissimum oppidum in hostis
 potestatem venit, quod ipse postea
 admiratus est quia à se capi, mi-
 ranturque nunc omnes quia amitti
 potuerit, cum ejus arcis conser-
 vandæ salus tot simul capitibus
 tam anxie curaretur: sed hæc
 ipsa curatorum multitudo cum
 aliter alterum turbaret exitio, ne-
 moque sollicitus fuit, quod sum-
 mæ salutis caput, ut convectis in
 antecessum copiis, longiori, ne-
 cessitati provideretur, id quidem
 Reinachius per se facere debue-
 rat, sed fama tenet uxorio illum
 quam suo magis imperio res ad-
 ministrasse. Tanta Brisacci amit-
 tendi sollicitudo fuit, ut res quo-
 que Pomeranicæ negligerentur,
 quas Gallassius gerere jussus con-
 filiorum affatim, subsidiorum ni-
 hil habuit, cum in Provinciâ in-

vicem à se & ab hoste evastatâ
 miles sine stipendio sine hyber-
 nis in diem & casu vivere cogere-
 tur, nulla re ad victitandum re-
 liqua præter cænum & cœlum,
 & eruta fortè in ipsis devastatis
 agris defossi humo ab incolis
 frumenti vis exprobasset ma-
 gis inopiam populatoribus suâ
 culpâ factam, quam sublevasset.
 At Bannerius expeditis mari
 com meatibus non solum susten-
 tandi sed etiam augendi emendi-
 que militis (non ære id sed so-
 lâ victus copiâ præbitâ fiebat) fa-
 cultatem habuit, ergo transfu-
 giis Cæsarianorum & domesticis
 è Suetia supplementis brevi ex-
 ercitus viginti amplius millium
 militum eduxit, & Wolgastum
 ac Daminum uno tempore arctâ
 obsidione circumvallavit. Urbem
 illam quam diu Webelius susten-
 tavit, ne spe quidem subsidii in-
 ter-

tersepto per longum terræ spa-
tium aditu, hanc prope quidem
adveniens verum Peinæ fluvii
cui insidet præruptis ripis impe-
ditus irritis Gallasius suppetiis
sed convectis ante discrimen
cibarius ita juvit, prosperiori
famâ quam Brisaccum veteris
illa hæc nuper parte possessio-
nis arx in annum insequentem
victorem distulerit hostem: æsta-
tem autem absumsit, ut trajecto
sæpius ab alterâ in alteram par-
tem Albi, quum Bannerius solis
commeatibus qui eo duntaxat
fluvio subvecti omnibus circa va-
stis desertisque haberi poterant,
interpellandis studeret, nomine
magis quam numero exercitus
incolumi conservato nihil hosti
ignominia debere, donec tan-
dem hyeme ingruente fami cedere
coactus militem novissimâ inopiâ
conflictarum in Bohemiam hye-

matum reduxit. Lunæburgius hyberna Cæsarianis ab eo petentibus intrepidè præcidit, jam dudum misso cum Suecis quasi mediarum partium sequendarum consilio: intellexit Gallassius quod qui talia tali tempore deliberant, haud dubiè desciverunt, ergo ne paratâ perfidiæ occasione, quæ maximum ejus maturandæ incitamentum, in medio hinc à Suecis, hinc à Luneburgico deprehensus opprimeretur, tanto magis se subducere festinavit: tùm Bannerius libero Albis transitu in Lunæburgicum agrum sine maleficio, sed inde in Misniam & Turingiam cum hostilium omnium cladium terrore transgressus receptis ad se Suedicis qui ad Virgim res curabant ducibus, mediâ iterum Germaniâ victor impune volitans docuit efficacissimum servitutis telum esse, quos sub-

subjugare velis, dividere. Palatini liberi conscripto Anglorum & Batavorum ope non contemnendi roboris milite Meppenam à Suecis venditam (adeo ne gratuita quidem sed magno ab exteris pretio redempta odia inter se Germani exercent) omni copiarum genere replent, ut eam pro summâ belli arce & armamentario habeant, sed urbs hæc improvisâ eis invasione intercepta, ipsi justâ deinde acie ab Hazfeldio cæsi, captus alter, alter profugus paternam fortunam veterû irarum admonitam potius quàm satiatam longo infelicis familiæ infortunio senserunt. Hispani in Italiâ insignem Bremii à Gallis intra fines suos inædificatam munitiorem, mox Vercellas urbem validissimam ad externum quoque hostem arcendum circumvallatam, quæ opera Galli bis frustra

transgredi conati, iisdem artibus quibus illi tot celebres Belgii urbes à Batavis ereptas sibi videre, majore adversus oppugnatos quam oppugnandos hostes diligentiam capiunt. Profuit eis & in Belgio cunctatione ad quam naturam inclinant, omissa Batavos Calloensi novo praesidio in ipsas Antverpiae cervices moliendo illaborantes inchoata statim re invasisse, parique & animo & consilio Geldriam urbem ab eisdem obsessam non dato circumvallandi spatio junctis Lambojo duce Caesariis legionibus hoste magna clade fugato liberant, eademque eis fortuna adversus Gallos Audomarum & Hesdinum obsidentes adfuit, nam & tunc Caesario milite Piccolominio ductore opitulante sua egregie tutati axiliatoris res summo in discrimine reliquerunt. Gallus tot post annos quæ-

G
quæsi
lium
tale g
haud
jam R
tres i
specta

SOL
Im
anni f
rat de
pendi
cis u
nean
long
gum
Com
per R
redita
fed
poter
nequ

quæsitum longo matrimonio filium hoc anno natum ultra mortale gaudium accepit, magna haud dubiè Galliæ bono ex certa jam Regni successione, quam fratres impatientius ac liberi expectant.

An. M. DC. XXXIX.

Solutis omnium Circularum Imperii conventibus quos fine anni superioris Cæsar indici jusserrat decreta publicantur, quâ stipendii summa, quibusque in locis ut æquum omnes onus sustineant, miles hybernet: audita à longo intervallo inter arma legum vox statim conticuit, & Commissarii arbitrio suo ut semper Rempublicam tanquam hæreditatem partiti leges laudabant, sed necessitatem unicum hodie potentiorum telum quæ ipsi ferre nequeant, aliis imponendi, legibus

bus anteponebant. Bannerius in
 Misnia Salissium Cæsarium du-
 cem Gallassii in hyberna euntis
 agmen tardius assequentem pro-
 cellæ in morem obtritis quas re-
 gebat legionibus capit, ab ea pu-
 gna victor Saxoniam iterum to-
 tam depopulando Zuichaviam
 subigit, sed à Fribergæ non in-
 firmæ urbis oppugnatione repul-
 sus fiduciam dedit Marazinio al-
 teri Cæsariano duci vindicandæ
 prioris ignominia, ergo incon-
 sulto Gallassio, ne dum expectato
 (cujus se gloriam eo facto exæ-
 quaturum sperabat, communica-
 tam cum superiore pro amissa
 reputans) in hostem, cui interea
 evocata à Visurgi copiarum suarum
 supervenerant ignavis Cæsarianis
 & omne victoriæ momentum in
 earum absentia verti ratis, inex-
 plorato ducit, à quo gnaro quan-
 ta confidentia veniret exceptus

DANIEL SACCHAC

GERMANICARUM

e brevi certamine victus exerci-
 tum fœdâ clade amissum fœdiore
 fugâ deserit, uti omnis arrogantia
 nec ad officium suum ante disci-
 pen ferox, nec in fugâ pavidâ ad
 secus suum respicit, & ille tamen
 ost impunitus veluti innocens
 superfuit: fugientis vestigia Ban-
 nerium in mediâ Boemiâ viscera
 induxere, ubi ille Leimarizio, Brâ-
 lisio opdidisq; circumjectis poti-
 us, ipsis Pragæ mœnibus justæ sæ-
 pe oppugnationis terrorem osten-
 dando, ac libero in Moraviam &
 Austriam ipsam si fortunæ suæ in-
 sistere voluisset, penetrandi aditu,
 Imperatorem coegit omnia simul
 propinqua ac longinqua circum-
 spicere subsidia. Bavarus peten-
 dis suppetiis proximus erat milite
 jam suo longis hybernis à præ-
 teritæ expeditionis infortuniis sa-
 tis refecto, sed is suo ipse disci-
 mine anxius, quippe populatores
 Q hosti-

2 EPITOME RERUM

hostium in Palatinatu superiore
 jam pasim conspici nunciabatur
 dum inter ferendū differendum
 que auxilium dubitat, hoste ab ea
 dē ipsa dubitatione prompti à ter-
 go ultoris, si victoriæ rectā insiste-
 ret, & distento & ambigente, spa-
 tium dedit suas interim Hazfeldic
 in Boemiā è Westphaliā traducen-
 di copias, cujus adventu res ira
 cōfirmatæ ut tamen urbibus dun-
 tazat defendēdis hostem se Cæsā-
 riani sustentaturos sperarent, is e-
 nim & ipse eo tendebat locis quæ
 cæperat summa industria permu-
 niendis & fœdū interea in modum
 quocūq; se extendere poterat Bo-
 hemiā devastando (sæpius una no-
 cte plura quā centū arcium, pagorū
 urbiumq; ac vicorum incendia nu-
 merare licuit) ut quam diu posset
 sedē belli in gentiliū Cæsaris Pro-
 vinciarum solo haberet: novo itaq;
 ad eum penitus exigendum & du-

Deus & M

GERMANICARUM.

e & exercitu opus fuit ac summæ
 ei militaris præpositus Leopoldus
 Imp. frater, additusq; ei qui
 specie obsequii regeret Teutonius
 Magister (Gallassius missione
 impetravit, dubium promptius ne
 latam an acceptam) exercitum
 Piccolominius è Belgio adduxit,
 ubi insignis ei hoc anno à Gallis
 Theonvillæ obsidione pulsus victo-
 ria contigerat, quam in ipsam Gal-
 liam ferente fortunâ Hispani inter-
 pellarunt Hespino ab alio Gallo-
 rum exercitu circumfesso auxi-
 lium orantes, sed priusquam eo
 veniret urbs in hostium potesta-
 te, ipse nec quam omiserat, nec
 quam secutus fuerat, rei compos
 fuit, sed dum omnia hæc in Regiâ
 Cæs. consultantur, deliberantur,
 facta consultis junguntur, præsens
 se totus circumegit annus, & inse-
 quēs demum documentum dedit;
 quam benè Cæsar, petito à domo

suâ supremi armorum regimini
 auspicio res gerandas, quibus ipse
 præesse noller, fratri permiserit.
 Sueci Damino hoc anno longan-
 per inopiam recuperato Pomerania
 nam in justæ Regni Suecici Pro-
 vincia formam redigunt, extincti
 quidem priorum Ducum stirpe
 jure ad Brandenburgicos devolu-
 tam, sed victoria id Suecis tran-
 scripsit nullo novo exemplo, ut
 quod quis aliis opitulandi præ-
 textu suum fecit, suum & nuncu-
 per & sperabant, ut à Germani
 concessum olim externis sit de
 Prussia, sic se Pomeraniam & in
 pace habituros: pari fere ex causâ
 Brisacci possessio Gallos & Vin-
 mariensem dum eam uterq; ad se
 trahit, non obscurâ similitudine di-
 straxit, illis plus in auro quod à se
 suppeditatum, isto plus in virtute
 quâ rem confecisset, pretii jurisq;
 inesse autumantibus: evocatus ille
 qui-

eodem sæpe in Gallias magnâ
 æmiorum spe, sed pro stulto re-
 putans qui suæ potestatis esset,
 alienæ ut fieret, nihilo secius ta-
 men Galli miles, at non satelles
 se perseveravit, ejusque jussu
 Burgundiam aggressus Pontar-
 linum in agro incolas omnibus flammâ
 ferroque trucidatis, (seu ad juben-
 dum ei scelus animus suffecit, seu
 ad vetandum defuit) extremam
 hanc nomini suo immanitatis la-
 cem imposuit: nam dum novam
 in Germaniam expeditionem me-
 ditatur paulo post peste sive quo
 alio lethi genere periit, nec enim
 defuit qui veneno interceptum
 crederet, atrociorē semper remo-
 re erga eorum virorum exitus,
 qui non solum hostes à magnis
 injuriis, sed etiam amicos ab im-
 modicis vel opibus vel meritis,
 quibus pro gratiâ odium repen-
 ditur, ita affectos habent, ut quos

perferre nolint, efferre desiderant
 qui extinctum jactantissimè luxu-
 runt, cum soli ex ejus morte com-
 pendium ceperint, suspiciones
 præbuerunt quæ captassent habere
 quam exspectare, & incerta muta-
 tionem amici; pœnitentiam pro
 peratâ compendii possessione præ-
 venire maluisse. Primores Vinma-
 riensium castrorum amisso capit-
 discordes dum alter alteri parer-
 recusar, tandem in eo concorde
 fuere, ut Brisaccum, se ipsos, fusu-
 fundendumq; sanguinem, ac do-
 mini prioris memoriam Gallico
 auro venderent, milite cui neque
 boni intellectus, nec mali cura du-
 ces bellumq; sequente. Tantum
 Gallis in eo sitū fuit, ne copiæ illa
 caput haberent, ut Palatini filium
 ex Angliâ ad eas properantem ve-
 riti ne si ille exercitum pronum
 occupanti invasisset, res suas cum
 Cæsare neglectis se componeret,

con-

contra fidem gentium in itinere
 exceptum longâ custodiâ deti-
 uerint, nec injuriam eam Anglus
 d quem præcipue pertinebat nisi
 nani rumore conquestus est do-
 nesticâ Scotorum rebellione sol-
 icitus, qui nec toti servituti nec
 toti libertati assueti facilem dant
 materiam externis, ac maxime
 Gallis res Anglicas turbare mo-
 lientibus. Bavaricus exercitus
 quamvis statim à morte Vinma-
 riensis magnarum si vellet rerum
 occasio invitaret, Rhenum trajice-
 re cunctabundus cum interea com-
 positis Galli cum Vinmariensibus
 transitionis pactis Palatinatum in-
 vasissent, nec ille tamen vel tum
 impedisset ne locis aliquot ibi
 commodis potiti, etiam Rheno
 ipso superato, in mediæ Germaniæ
 intimo Wetteraviæ sinu hyberna
 occuparent, multum sinistri rumo-
 ris & suspicacis silentii præbuit.

88 EPITOME RERUM

Galli acceptum superiori anno
 Hispaniâ dedecus Fonterabiae
 Cantabrica urbe, terrâ mariq; ob-
 sessâ cum totius exercitus castro-
 rumque excidio repulsi hoc anno
 rursus abolere, & Salsas mediter-
 raneæ oræ arcem Occitaniæ Pro-
 vinciae suæ non secus atque oculi
 innatum ulcus jam dudum excin-
 dere cupientes, magno rerum ap-
 paratu diu oppugnatam capiunt.
 Fortuna vertit consilium, Gallosq;
 post eventum magis juit habere
 quam evertere arcem, sibi quoque
 jam possidentibus opportunam
 sed brevem iterum hunc eis victo-
 riæ fructum reddidere Hispani,
 maximisque & ipsi apparatus,
 quorum vix dimidia pars si in
 tempore instructi fuissent, ad con-
 servandum locum suffecerat,
 amissum Gallis extorquent, nec
 vero Hispanis ipsis diuturnam læ-
 titiam Catelanorum, quorum in
 fini-

finibus ea arx, tumultuantium,
 post rebellantium, inde aperte
 desciscentium fecit defectio, quæ
 adulteratæ veterum Gothorum
 Alanorumque reliquiæ dum non
 tolerant injurias quas hybernantes
 apud eos milites nec præ-
 scriptum stipendium accipientes
 (adeo illa tot toto terrarum orbe
 obstetricandi bellis necessitas in-
 exhaustissimum etiam Hispanicæ
 Regiæ ærarium evacuârat) jure
 quodam suo ut alibi in Provincia-
 les usurpabant, remedium multis
 frustra querelis in aulâ quæsitum
 ex bello invenere.

An. M. DC. XL.

L Leopoldus Cæsaris frater re-
 ceptis ad se Piccolomini le-
 gionibus viribusque ita auctis ut
 non ultra captivæ hostem insulta-
 re Bohemiæ patiendum videretur,
 ad prima & dubia signa veris

Q 5

in

in eum movet Koningsgratio pro-
pinquo Pragæ non contemnende
oppido haud longis ante tempo-
ribus capto, si id ei validius, quod
magno studio faciebat, emunien-
di tempus concessum fuisset, lon-
gum in eadem sede & difficile
bellum facere molientem: exce-
pit expeditionem non dilato rei
agendi tempore, & prono mo-
mento quod plerumque qui prior,
aggreditur habet, à duce novi
decoris avido properatam præ-
damnatus virtuti Austriacæ, & ra-
ro non secundus quando ipsa in
rem præsentem venit, fortunæ
eventus, oppidumque illud primo
impetu recuperatum tantum in
omnes Bannerii copias terrorem
vulgavit, ut à pugnando ad con-
vasandum conversa cura (nec
enim subitæ profectioni apta tot
totâ desolatâ Bohemiâ comporta-
tarum rerum moles) mox audita
Bran-

andisii expugnatione ne conva-
 lindi quidem exspectato tempo-
 re, sed raptim asportatis quæ im-
 pedimenti minus adferrent Leit-
 marizio & reliquis quas occupa-
 erant urbibus, cum ipso comme-
 tu quem ducendo bello conve-
 nerant, desertis ad confines Mis-
 niæ Bohemiæque montes se reci-
 perent, locorum ingenio tantisper
 dum prædam in tutum præmit-
 terent, se tutaturi: inhærebat
 fugientium tergis Cæsarius miles,
 nihilq; sibi ad cessandum tempo-
 ris indulgens novo diuque exspe-
 ctato duci, qui spem magni no-
 minis tam læto principio imple-
 tum ibat, virtutem gloriæ ejus in-
 fervientem magno ubiq; ardore
 approbare satagebat, nil igitur an-
 tecapti Suecis montes nisi ad fu-
 gam tutius persequendâ profuere,
 magnam tamen impedimento-
 rum partem aut igne corrumpere
 aut

2 EPITOME RERUM

aut hosti cedere coactis, atque ita
paucorum dierum spatio, quod
multorum mensium quamvis pro-
speræ fortunæ opus etiam perit
rerum fore opinabantur, tota ab
hostilibus armis purgata Bohemia
bellum in Misniam transmisit.
eam ingressus Cæsarius exercitus
electissimis Bannerii equitum tur-
mis, quas Pfulius ducebat, equestr
turbine ab alariis antecursoribus
protritis, Suecum cunctantem nec
tantam in hoste celeritatem pro-
videntem admonuit, ut graviore
quæ instabat imminentium quoque
legionum tempestati è Misniâ se
in Turingiam subduceret, ubi fu-
gentem Galliæ Longovillano du-
ce & Vinmariensium copiarum
reliquiæ exceperunt, Hassi quoque
à tergo erant & Lunæburgici illi
suarum haud dubiè partium fœ-
minâ liberorum tutrice & mariti
testamento & suâ sponte jam du-
dum

am Gallico auro & Suedicâ factione ad perpetuanda turbandum rerum consilia arctius quàm exsolvi posset, illigatâ, de Lunæburgicis quibus adhuc neutri partum addictis utrum vellent liceret, meliora Cæsariani sperabant occupaturos eos hanc quæ in manu sempiternæ occasionem gloriæ, ut junctis nunc maximè opportuno & forsan nunquam relicturo rerum finiendarum tempore cum reliquo Rom. Imp. corpore consiliis ac viribus tam diu operatam ab hostibus, Suedicis præsertim non alienis, si major eos vis apud Gallos excusatos redderet, pacem aut ab invitis maturam stabilemque victoriam parere, & tandem aliquando unâ debellare adjuvarent: sed prævalere inimica Germaniæ fata, & Lunæburgicus Suedici satellitis satrapa, & Prætorii ejus affecla

R

(nam

(nam quidquid gerendum, & ab alto in
 auspicio ejus & in famam Suedicobritur
 nominis cedebat) quam sibi, materem a
 joribusque suis, & tot consanguiniquaqua
 neis Principibus, quos perpetuamunitis
 magni beneficii auctoramentorante P
 sibi obnoxios facere poterat, materum
 gis quam ut se ipse exteri domiostende
 natus mancipium fieri pateretur, certami
 similis esse maluit, nec color eumvis con
 suus quasi expertas Cæsarii militus si
 tisrapinas exhorruerit à gravissitenuisse
 mâ quam eo facto meruit famaque per
 vindicat, nam idem ei & qualexcessi
 cunque aliud asciti vel socii, velBavar
 quod verius, domini ingeniū percopiaz
 ferendum, & quod ab alio necessipressur
 tate coacto, nec diutius quā ipsemitate
 met in alias terras bellum à se exocurā cu
 nerasset, forte passus fuisset, idipsū
 ex alterius magis ancipiti libidine
 non forte, sed certè metuendum
 erit. Lunæburgicis ergo & Hassic
 cis auctus subsidiis Bannerius jam
 ultro

& ab utro in Cæsarianos se obvertit,
 contritum se eos tot novis ad ve-
 rem adjunctis exercitibus haud
 quaquam ambigens, sed illi in
 unitis Salæ fluvii ripis castra me-
 ante Piccolominio, peritissimo lo-
 corum capiendorum duce, tales se
 ostendere ut ipse quoq; æqui loci
 certamini diffidens stativa stati-
 is conferret, satis in præsentia ra-
 us si ne quo illi progredierentur
 enuisset, tandem pabuli aquarum-
 que penuriâ prior è locis occupatis
 excessit: tendebant in Franconiâ
 Bavaricæ separatim à Cæsarianis
 copiar, has se solas & neglectas op-
 pressurum sperans magnâ eo cele-
 ritate movit, sed intetâ illic omnia
 curâ custodita reperit, (hæc Mer-
 cii qui castris Bavaricis præerat,
 semper strenui tunc & cauti, quod
 ad id tempus in eo desideratum,
 militis laus fuit) & Cæsariani in
 tempore totis viribus subsidio pro-

facti adfuere, itaque ne non sui-
 locis deprehensus pugnare coge-
 retur, retro in hastiam flexit: se-
 quitur junctus Bavaro Cæsaria-
 nus, certus prælio experiri si æqui-
 conditione sui copiam hostis præ-
 beret. at ille bellum habere quam
 finire malebat, nec cogi potera-
 (quamvis sæpe ostentandæ re-
 causâ, nunquam tamen nisi inique
 Cæsariis loco in aciem eduxisset
 à tergo duabus Hastiæ firmissimi-
 arcibus, à latere Visurgi & to-
 munitis ei fluvio impositis præsi-
 diis tutus, ita æstatis major ab-
 sumpta pars pugnandi à Cæsaria-
 nis desiderio, ab hostibus contrâ
 frustrandâ omni nisi certâ victo-
 riâ committendæ rei facultate
 Inopia in ambobus castris maxi-
 ma, major apud Cæsarianos &
 facere eam & pati assuetos, nec
 mirum in tanta inutilis turbæ, tum
 militiæ præpositorum cum plures
 ferè

frē essent qui ducerent quam qui
 cernerentur, multitudine, sed mira-
 militis & vix credibilis tolerantia
 lucis sui aspectu, qui eadem to-
 llando exemplum simul præbe-
 bat & animum ad meliorum re-
 am fiduciam. jamque hyemsim-
 nebat & propinqua hyberno-
 um, unica post stipendia ordi-
 natim solvi desira milites spes, il-
 ad premebat in hostico ut haberi
 possent. Proximæ Brunsvicenses
 aliquot jam annis intactæ bel-
 o regiones & tum hostilia agi-
 antes super cupiditatem irā ac-
 censam opportunam reliquo quo-
 que bello sedem ostentabant, sed
 Visurgis superandus erat, & in eo
 rerum summa vertebat. placuit
 ergo experiri negotiū, quod Haz-
 feldius Huxterio urbe, ubi pons
 flumen jungit, valido licet præsi-
 dio incessā, sed si tormentorum
 apparatus in tempore adfuisset,

vim ut post patuit non moraturā
 strenue expugnandā feliciter au-
 spicatus, uno tamen die tormenti
 morantibus (seu res ipsa , seu eo-
 rum quibus commissā erat dili-
 gentia quod Hazfeldius postea in-
 culcavit, lentior extitit) hosti poste-
 rior fuit, qui comperto Cæsariano
 rum cōsilio fluvio raptim trajecto
 (nam Munda sui inde haud pro-
 cul distans urbs ac pons præfidi
 expeditum transitum dabat) mon-
 tes oppositæ Huxterio ripæ im-
 minētes validis primo stationibus
 mox tormentis quoque adductis
 firmare maturans Cæsarianos ini-
 qui per se loci tūm & ab hostibus
 infessi superandi difficultate coe-
 git, confrecto, qui nulli jam usui,
 ponte, irritas spes suas retro rele-
 gere, & hyberna ab amicis assi-
 gnanda expectare : nec hostis
 defuit abeuntium tergis insistere,
 à quo Bredavius strenuus equi-
 tum

tum dux, insidiis exceptus, & magna cum turmalium suorum manu occisus funestum expeditionis annique huius finem Cæsarianis fecit. Idem in Italiâ fidus Hispanos afflixit anno quidem superiore majori Pedemontii parte tum suis, tum Thomæ Sabaudi auspiciis (frater hic Ducis nuper defuncti liberos ejus, & si quid eis humanitus cōtigisset jam proximum successionis suum jus Gallicæ tutelæ fiduciæ haud satis tuto credi arbitrabatur) occupatâ, inter quæ urbs ipsa Taurinum, præter arcem tamen Gallico præsidio infestam fuit, nulla adversæ rei offensione perpetuo victores, sed hoc anno urbem Casalensem (infauftum nomen, at rebus tum ad votum fluentibus brevi ex nefasto fortunatum fore sperabant) obsidentes in propinquâ expugnandi spe repente à Gallis Har-

courtio duce, ad quem Monfer-
 ratensium Provincialium volunta-
 riæ multæ catervæ è loco propin-
 quo & præsens aurum ad rem-
 tam præcipitem sistendam poten-
 tius ferro remedium ad manum
 habente occultè conductæ se ag-
 gregarant, oppressi castrisque &
 impedimentis omnibus exuti, fine
 anni Taurinum quoque quamvis
 variis omnis generis incæptis ur-
 bem liberare studuissent, ab eisdẽ
 Gallis recuperatum viderunt. Ii-
 dem & in Germaniâ de Brisacco
 & Alsatiâ invadendâ aliquid som-
 niantes, sed copiis quas huic ex-
 peditioni destinatas Cæsar ad
 ipsum caput rerum in fratris Ar-
 chiducis castra revocarat destitu-
 ti, multa agendo nihil agentes
 majus dedecus quam damnum, sed
 in Belgio insigne vulnus accepe-
 runt, Atrebatium urbe, quia tar-
 dius succurrentes circumvallari
 passi,

pessi, à Gallis captâ, magnâ sed
 immodica horum gloriâ,
 quasi jam nihil supersit quâ ut di-
 piciant Galliæ quem virium sua-
 um terminum velint. Medio an-
 i Imperator ordinum Imperii
 omitia Ratisbonam indixit, quæ
 magna exspectatione & frequen-
 ti, magis tamen legatorum quæ
 Principum conventu obita nunc
 quoque suspensos totius orbis ani-
 mos tenent, quis eorum ab ad-
 verso vel propitio Numinis nutu
 eventus Germaniam maneat. In-
 ter præcipuas quæ adhuc definitæ
 actiones decreta omnium præte-
 ritis bellis latarum illatarumque
 injuriarum obliviones haud dubiè
 salubris, si tam in nostrâ potestate
 oblivisci esset quam tacere: sed si
 hoc pretio quod quæritur Pax
 reconcilietur, imperabit absque
 dubio sibi quisque, ut tum primum
 se natum arbitretur.

R 5

An.

An. M. DC. XLI.

VIx se Cæsariani in hybern
receperant, quæ ex utilitat
paucorum magis quam æqu
partita jure pleraq; ab hoste lon
gius aberant, cum exinde Ban
nerius restauratis in agro Bruns
vicensi viribus animum cepit pe
Misniam & Voitlandiam in Pala
tinatu superiori, ubi Chambium
ignaviâ prefidiariorum statim e
se dedit, mox sub ipsis Ratis
bonæ mœnibus sese ostentandi,
eoque terrore comitia illic con
scripta, quod solum labentis Im
perii sustentaculum subruendum
supererat, disjiciendi, sed magno
Imperator animo & restitit ipse
intrepidus, & suo exemplo reli
quos continuit, ne morientis Reip.
curam exitiosâ & ultimâ fugâ
desererent. Vrbs interea ido
neo instruitur præsidio, quo
illa

primo adventu hostium care-
at (magno discrimine, si omis-
si populationibus quas totâ Fran-
coniâ percurâ in ipsam Sueviam
ertulerunt, occasionem usurpa-
nt Imperatorem, Aulamque
mnem & Imperii Ordines aut
rofugos illinc cum dedecore
xigendi, aut immorari ausuros
nullis audito seculis exemplo cap-
ivos in triumpho deducendi) nec
niles Cæsarius ex hybernis coire
cunctatur, jamq; novum ex Austriâ
quoq; evocatarum legionum ro-
bur aderat, quas Ghelenius duce-
bat, reliquum exercitum Piccolo-
minius ac Mercius: sparsæ erant
& hostium copiæ, Vinmarienses
in Franconiâ prædam sequeban-
tur, Bannerius Chambii delectâ
illic belli sede substiterat, Schlan-
gius equitû præfectus Neoburgi à
Bohemicæ haud procul silvæ prin-
cipio tendebat, hunc toto exer-
citu

citu circumdatum, in infirmo tamen oppidulo aliquandiu resistere ausum cum turmis omnibus equitum quas habebat Piccolominius deditioe capit, cum eodem tempore Ghelenius hosti à tergo ingruens Chambium versus moveret, unde Bannerius comperta Schlangii clade properè se in Bohemiam proripit, premente à tergo Ghelenio, reliquis ut fugæ exitu intercluderent se à fronte objicere contendentibus: erat haud dubie in manibus Bannerius & toto cum exercitu deleri poterat, sed dum illi aut tardius moriuntur, aut commodiora magis itinera quam hostem quærunt, bellare forsàn quàm debellare malentes, aut quivis ad se summæ rei decus trahit, nactus est ille facultatem illæso in Misniam evadendi agmine, certâ apud Cæsarianos finiendi aliquando belli fiduciâ
 post

pot in rei infectæ sensum majori
 cum dolore conversa, quia tam
 prope ab effectu remota fefellit:
 facile scitu erat per quem sterisset
 tantam præclarus triumphus Im-
 peratori è conspectu eriperetur,
 sed solitâ facilitate nec in rem
 præsentem itum, nec in præteri-
 tum, ne animadvertendum esset,
 inquisitum. Hosti in Misniam, ubi
 eorum Vinmarienses se ei junxe-
 runt, regresso strenuè Cæsariani
 incumbere perseverarunt, & Salâ
 Lavium frustra illo impedire co-
 nante superantes nunc circa Hal-
 berstadiæ moenia hærent, ubi Ban-
 erius morbo extinctus extremâ
 hos oratione vehementer ad pa-
 cem cum Rom. Imp. componen-
 dam adhortatus esse dicitur, con-
 scientiane an affectandâ etiam ad
 hostes gloriâ, cum suis belloge-
 tendo egregiè satisfacisset, quasi
 illis pace suadenda prodesse vo-
 luisse.

luisset. Paulo ante Georgius quo
 que Lunæburgicus fatis concessi
 Wolfenbuttelix, iisdem quibu
 olim Papenheimius obstruendo
 fluvii alveo operibus expugna
 vit, recuperandæ intentus, cuju
 si eadem quæ Bannerii morien
 tis mens fuit, sui que illam sequun
 tur, plus Germania defuncto
 quam viventi debet. Lotharin
 gius compositis cum Gallo rebu
 magnâ veteres amicos necessi
 tate submittendi quotannis nov
 exercitus, quem ille nihil ultra
 quam amittat, liberat, nec ei invi
 dent, si eodem apud Gallos quo
 frater ipse Regis honore sit futu
 rus. Lusitani repetitâ superiorum
 annorum rebellione novum sibi
 Regem legunt Bragantiæ ducem,
 primæ inter eos nobilitatis, & à
 veterum quoque Regum sangui
 ne non alienum, miram illic &
 insignem fabulam, cum Cate
 lani

ai non minus pertinaciter per-
 dellioni suæ incumbant, dare
 meditante fortunâ, quando jam
 dicatus, imperiaque, ac regna
 idit, magis exitiosa quibus ea
 signat, quam quibus eripit. Ra-
 sbonæ comitiis pacis aliquâ tan-
 em ratione reperiundæ deside-
 o illaboratur magnâ sollicitudi-
 e, sed illa in hostium arbitrio,
 quibus tum cordi erit, cum Ger-
 manis bellum vetere quâ omni-
 bus olim gentibus præstiterunt,
 disciplinâ gerendum cordi erit,
 nunc exteri eam laudem occu-
 pant, horum inimicitiis facile se
 Germania exsolvet, cum & ami-
 citiis se illorum absolverit; inter-
 nam pacem stabiliet libertas cum
 modo Religio ex præscripto legû,
 supremi magistratus reverentia
 cum obsequio usurpata. Quemad-
 modum, ut Politicorum scitum
 habet, plerumque cum Principe

208 E P I T O M E R E R U M

Fortuna mutari solet; sic quoque fortuna Suedicorum à Banner obitu aliquantulum nutare cœpit. Nam in Saxonia Quedlenburgum, Bernburgum, Querfurtum Cygnæa & loca nonnulla alia in manus Cæsarianorum venerunt. cæso quoque in conflictu Ioanne Ludovico, Rheni Comite. Ad duxit tamen, mense Majo, Kaigius, is, qui Ratisbonam olim cur præsidio tenuit, & contra exercitum Imp. defendit, novem legiones ex Suedia, quibus copias labascentes firmavit, sequuto post mense Octobri Torstensonio: quo tempore Londini Wilielmus Aurasiensis Princeps, cum Maria, filia regia matrimonio conjunctus est, dubium majori Hollandorum commodo an detrimento: Non dum enim incendium Hyberno-Anglicarum discordiarum restinctum fuit, quin potius, licet sumto

de

Vice-Rege Hybernico capitis
 supplicio, magis magisque invaluit,
 que perniciosissimam tandem
 gravissimorum odiorum & aperti
 inter Regem & Senatum regium
 belli flammam exarsit. Hollandi,
 ipsi quoque in Tragœdia suas
 partes agerent, & falsam coherent
 icinitatem, Gennepam, fortissi-
 mum ad Mosam propugnaculum,
 alidâ circumfusione cinxerunt,
 nec prius, quam facta deditione,
 quæ mense Julio honestis condi-
 tionibus, sequuta est, discesserunt:
 quo ipso tempore etiam Aria, Ar-
 cesiæ oppidum munitissimum,
 quod Lisa flumen interluit, à Gal-
 lis occupatum est, Lambojo licet
 & Beckio, fortissimis Ducibus id
 prohibere conantibus. Ante ve-
 ro, quam hoc in Germania infe-
 riore gestum fuit, inter Cæsaria-
 nos & Suedicos ad Wolfenbutte-
 nam calidè admodum pugnatum

est; quo in conflictu amplius duobus an-
 millia Cæsarianorum occisa, totius inter quos
 demque cum triginta signis captivum
 fuerunt. Consultatum est in Annis de
 glia de Palatino in Principatum mentis
 restituendo deque Legato canonicæ
 ob rem ad Comitata Ratisbonensium, p-
 mittendo: ad quod obtinendum acta,
 Rex ipse scriptum edidit, uni- occiso
 verso Senatu regio in eam sen- rianis
 tentiam eunte, suisque suffragiis cipuum
 confirmante. Ad Terragonam dum, e
 rem malè gesserunt Hispani, sub illud
 missis à Condæo ex præfidiis, & fortifi-
 Classe Hispanica in portu Tarra- sarian
 conensi cæsa. Quam tamen Gal- oppu-
 lorum felicitatem paulo post casus animi
 adversus turbavit. Siquidem Co- in ip-
 mes Soyssonius & Bullionius, ac- nuit,
 ceptis ad Sedanum copiis auxilia- præc-
 tricibus, Chattrilonium Gallorum cis:
 Ducem adorti, non tantum ab ur- dio e
 bis obsidione repulerunt, sed in- Saxo
 genti etiam clade affecerunt, oc- Hor-
 cisis

is amplius millenis Gallorum,
 inter quos etiam fuit ipſius Chat-
 lonii filius, captis vero amplius
 mille & quingentis, cum impedi-
 entis omnibus & immenſa pe-
 unia ſumma: ipſo tamen Soyſſo-
 nio, pilâ plumbea per caput ad-
 uſa, cum octingentis militibus
 occiſo. In Sileſia Saxonici Cæſa-
 rianis conjuncti Gorlitiū, præ-
 cipuum Luſatiæ ſuperioris oppi-
 dum, obſidere cœperunt, maſculè
 illud defendente Wankio, duce
 fortiffimo: qui, omnibus licet Cæ-
 ſarianorum copiis diverſis in locis
 oppugnantibus admiranda tamen
 animi magnitudine, obſidionem
 in ipſum uſque Septembrem ſuſti-
 nuit, famam meritis & laudem
 præclariffimi & ſtrenuiſſimi Du-
 cis: quo die liber ipſi cum præſi-
 dio exceſſus ex urbe datus fuit. In
 Saxonia Oſterwicū, Goſſaria,
 Hornburgū & alia quædam
 caſis
 patum

cæsis quadringentis equitibus
 Konigsmarkianis, in Cæsariano
 rum potestatem pervenerunt
 Wolfenbatteliana obsidio, per
 aliquot hæctenus menses à Suedi-
 cis continuata, parum feliciter
 successit, accedentibus ad maxi-
 ma, quæ ab obsessis acceperant
 damnâ, Luneburgensium & Vin-
 mariensium dissensionibus, qui a-
 critè inter sese contenderunt,
 utris castri necdum expugnati,
 possessio deberetur. Hoc nimi-
 rum erat, ursinam vendere ante
 confixum ursum. Benigniore ta-
 men paulo post fortunâ usi sunt
 confœderati Suedici. Resciverat
 Broyus, Suedicos pabularum ex
 castris exiisse, itaque de opprimen-
 dis illis cogitationes suscepit, &
 bis millenis equitibus eisdem in-
 fidiatus est. Sed consilium ejus
 detectum est, & ingruentibus
 maximo numero hostibus potissi-
 ma

na pars Cæsarianorum occisa, re-
 qui vero in fugam coniecti sunt.
 Capti fuerunt Leonstenius &
 Goldakerus Duces, inter reliquos,
 rimi, cum octingentis, equiti-
 us & hippotoxotis: ex Suedico
 utem exercitu occubuerunt du-
 centi, desideratis Nassovio Co-
 nite & Mullero, Ducibus fortissi-
 nis. Irruperunt hoc tempore
 Galli in Flandriam, occupatisque
 nonnullis locis præcipuis, ingenti
 clade universam illam Regionem
 affecerunt, potiti Bassæa, urbe
 nobilissima, atque omnibus rebus
 ad defensionem necessariis instru-
 ctissima, Francisco de Melo inte-
 rim, Ariense oppidum, validissima
 obsidione cingente. Durantibus
 vero Rarisbonæ comitiis, à Cæs.
 Majestate Edictum promulgatum
 & statibus atque ordinibus Im-
 perii traditum est, de Amnistia:
 quod literis publicis deinceps

commissum fuit: non cessantibus
 adhuc dum Suedicis Wolfenbut-
 teliam, quibuscunque viribus op-
 pugnare: dum objectis plurimi-
 aggeribus & obstructo flumini
 alveo, perfecerunt, ut aqua non
 nullis in locis ad sex usque cubi-
 tos intumesceret: quâ inunda-
 tione ædificia & substructione
 aliquot collapsæ sunt. Paulo ta-
 men post, non absque admiratione
 & præter multorum spem atque
 expectationem, obsidio illa, peri-
 culi & sumptuum, ut videbatur
 plenissima, soluta fuit, avocante
 Principe Luneburgensi ab exerci-
 tu copias suas, discedente à fœde-
 re & in partes Cæsaris transire,
 vel certè à bello deinceps absti-
 nere, cogitante. Atque sic literis il-
 lis non ita pridem ad Cæsarem,
 fatis quidem aculeatis, sponsia in-
 ducta est. His ita gestis Ratisbo-
 næ, Comitiiis mox dissolvendis,
 postre-

ultimo deliberatum fuit, de tri-
 butis porro, in usus militares con-
 tituendis exigendisque, debello
 continuando; deque demittendis
 ex quàm multis urbibus Imperia-
 bus præfidiis & Gubernatoriis.
 Post quæ, sub Octobris ini-
 tium Cæsarea Majestas Ratisbo-
 ra discessit, atque secundo flumi-
 ne, cum Aula universa, Viennam
 reversus est, comitantibus eum
 ad ripam Danubii, Principum
 Legatis atque Senatu urbis & ex-
 plolis ab omnibus propugnaculis
 & turribus machinis fulminatri-
 cibus. Quo mense, Hassiaci in
 Archiepiscopatum Colonensem
 irruperunt, mox vero iterum da-
 tis utrinque & acceptis damnis,
 recesserunt. In Saxonia Einbec-
 cum à Cæsarianis oppugnatum
 & conjectis in urbem ignibus
 ad deditionem coactus est, exci-
 tato in urbe horrendo admodum
 incen-

incendio, quo quarta ferme pars ejus exusta inque cineres redacta fuit. Et quanquam caeso & profligato, Rosa equitum Suedicorum Ductore Piccolomineus Gotingam obsederat, omnibus viribus eam oppugnans: paulo tantum post, cum de accessu Torstensonii auditum est, obsidionem solvit, reque infecta discescit. In Suevia interim magnam animo spem conceperat Sparrius, de subigendo occupandoque Hohentwiel, castro munitissimo, in quo jam prius alii vires suas, sed tentaverant frustra. Itaque nova illud & coronali quasi circumcisdione obsidere coepit, explosisque in illud à vicinis locis tormentis plurimis, conjectisque globis ignivomis concutere & terrere conatus est. Verum res ex voto sententiaque non succedit, neque obsessis propter loci sublimitatem atque

que distantiam, multum detri-
 menti allatum est. Quin potius
 sub imperio Widerholdi, Stre-
 uiffimi Ducis & Defensoris, viri
 gacis admodum ingenii, factis
 eberrimis eruptionibus, Cæsa-
 ranos magno animi robore ag-
 ressi, dici non potest, quantum
 infestant, quantisque cladibus
 effecerint. Conatus equidem fuit
 parrius, dictum Widerholdum
 utteris ad ipsum datis, partim am-
 plissimis pollicitationibus partim
 gravissimis comminationibus pro-
 positus, ad sese pertrahere, eique
 persuadere, ut & sese & Castrum
 Cæsar. Majest. dederet. Verum
 is contra firmo defensionis pro-
 posito, illa omnia spreuit elusitque,
 neque sui juris aut arbitrii nego-
 tium esse, sed ex æquo ad omnes
 fœderis socios pertinere, rescri-
 psit. Quapropter Sparrius re de-
 sperata, exercituque frigore par-

T

sim

tim & tempestatum injuriis, partim quoque frequentissimis hostirruptionibus ferme penitus attrito, & quod Erlachium cum auxiliis jam jam adpropinquantem metueret, obsidionem solvit, tanta quidem festinatione, ut plurima impedimenta bellica, tormentorum, item globorum, factorum & pulveris pyrii copiam maximam ibidem reliquerit: quæ Twilenenses post ejus discessum in Arcem intulerunt. Didicit utique Sparrus, non esse idem, metallum ex montibus effodere, atque castrum saxi solidissimis innixum, subruere: ampliorem laudem consequuturus, si armis alio conversis, temeritatis atque audaciæ notam non subiisset. Detecta fuit mense Octobri exitiosa adversus Britanniae Regem Scoticque regni Proceres conspiratio, quæ plurimos interque eos

es quoque esuitas multorum
 minum reos fecit: qui propte-
 a in nervos & vincula compa-
 ti, pœnas dederunt. Causa fuit
 tud atque occasio enatorum, gra-
 ssimarum & perniciosissimarum
 discordiarum seminum, quæ tem-
 oris progressu in apertum &
 inestum bellum eruperunt. At-
 ue ne Italia, plurimis aliis re-
 nis laborantibus prorsus libe-
 a à bellicis motibus abiret, præ-
 er quod Gallo cum Hispanis
 tes fuit, etiam inter Pontificem
 Romanum, interque Ducem Par-
 mensem, similitates non leves,
 quæ dudum gliscere inter utrum-
 que cœperant, invaluerunt: oc-
 cupato à Pontificio exercitu Ca-
 stro, loco omnibus rebus necessa-
 riis instructissimo. Dux ipse pau-
 lo post à Pontifice excommuni-
 catus, omniaque ejus bona Fisco
 Pontificio subjecta fuerunt. Quæ
 T 2 bel-

belli tam exitiosi, (ut videbatur
 flamma, ne vicinos Italiae Principes
 alios invaderet, milites ubique
 ab iisdem conscripti, inque ditio-
 num suarum limites deducti sunt.
 Mense Novembri Bruxellis diem
 suum obiit Ferdinandus Austria-
 cus, Cardinalis & Infans Hispaniae,
 Provinciarum Belgicarum
 Gubernator: quem biduo post
 Princeps à Stadian, M. M. Ordinis
 Teutonici sequutus est, suc-
 cedente Leopoldo Wilhelmo, Archiduce
 Austriae. Deliberatum est
 Viennae hoc tempore de restitu-
 endo Palatinatu, intercedentibus
 Danicis, Anglicis, Saxonis &
 Brandenburgicis Legatis, propo-
 sitaque sunt certa quaedam delibe-
 randi capita: Sed quoniam non
 omnes, quorum quidem intere-
 rat, adfuerunt, in aliud tempus
 negotium rejectum est. Appulit
 etiam ex Suedia ad littus Pome-
 raniae,

niæ, Leonhardus Torstenso-
 rus, subvectus in locum Bannerii,
 eiusque in militia successor, cum
 ætatis præter-propter millibus,
 & constitutis Stralesondæ, quæ
 necessaria erant, cum cæteris sese
 conjunxit, firmoque progressu in
 axoniam properavit: cujus ad-
 ventus, dici non potest, quantam
 perturbationem, trepidationem,
 mutationemque excitaverit, sub-
 lata protinus Gottingensi obsi-
 dione. Sed & in Anglia novi ex-
 citaverunt motus, multis in suspicio-
 nem conjurationis adductis, mul-
 tis etiam in carcerem coniectis,
 qui igni Hybernico oleum affu-
 derunt, & seditione excitatam vel
 aperte vel clam & quasi per cuni-
 culos, sustentarunt. Conscriptus
 fuit etiam exercitus in Hyberniam
 mittendus, & decretum factum,
 ut Romano-Catholici omnes in-
 tra decem milliaria Londino ab-
 essent.

essent. Ipse etiam Rex men-
 Decembri, urbem Regiam in-
 gressus, maximoque applausu
 lætitia exceptus fuit. Ex quo ta-
 men non obscura indignatione
 & simultatum signa inter Regem
 & judicium Regium observata
 fuerunt; quæ si deleri potuissent
 & dum in herba fuit malum
 castigari, nunquam tantam sen-
 sisset Regnum Britannicum cala-
 mitatem, quantam in hunc usque
 diem expertum est: non ægrè hoc
 ferentibus aut dolentibus, sed po-
 tius sibi gratulantibus, inque
 sinu gaudentibus illis, qui bel-
 lum in Germania duci, non ge-
 ri, atque restitutionem Palati-
 norum prohiberi optabant. Blan-
 dita, iterum Hispanis est Fortu-
 na, extremo anni mense. Nam
 Aria; ultra menses quatuor ob-
 fessa, ab iisdem recepta est, fa-
 ctis, non quas victi, sed victores
 volue-

bluerunt, conditionibus, & in-
 ta in urbe maxima omnis ge-
 eris instrumentorum militarium,
 iarumque; ad urbem defen-
 endam necessariorum rerum
 opia. In qua, durante obsidio-
 e, ex annonæ penuria, tanta
 uit excitata fames, ut felis octo,
 tanis decem & quinque floribus
 venditus fuerit; milites armo-
 rum lora & amenta consumpse-
 rint, imo neque ipsius Guberna-
 toris, canibus venaticis peperce-
 rint. Mortui sunt fame amplius
 mille & sexcenti Gallorum: &
 quibus urbe excedere licuit; mor-
 tuis quam vivis similiores vide-
 bantur. Et hic quidem exitus
 fuit, anni supra milles. sexcentos.
 quadrag. primi.

An. M. DC. XLII.

NEq; vero lætiora fuerunt hu-
 jus sequētis quadragesimi se-

T 4

cun-

batum

cundi auspicia, strenas & apophor-
 reta distribuentibus Vinmariensi-
 bus. Copiæ enim Gallicæ, Vin-
 marienses & Hassiacæ, postquam
 in Fuldensi Principatu & Mona-
 steriensi Episcopatu hybernassent,
 iussu atque autoritate Regis Gal-
 liarum in Colonensem Archie-
 piscopatam, itemque in Cliven-
 sium, Montium & Iuliacensium
 regiones, arma sua convertentes,
 loca illa circumquaque tributaria
 sibi facere tentarunt, transitum
 ipsis ad Vesaliam trans Rhenum
 permittentibus Belgis. Erat in eo
 totus Lambojus Comes, ut eos
 præverteret, suasque cum Haz-
 feldii copias conjungeret. Sed
 illi consilium ex arena capientes,
 firmo progressu in eos moverunt,
 summam rerum tenentibus Eber-
 steinio & Guebriano comitibus
 primam vero aciem ducente Ro-
 la. Fuit ad Kempam locus pla-
 nus

us & apertus, duplici vallo triplicique fossa munitus. Eum occurrere, antequam universus exercitus conveniret, Dux Guebrianus tentavit; sed repulsus est, fortiter admodum pugnante Lambojo, Cæsserariorum summo Præfecto. Postea quam verò omnes copiæ convenissent, viam ipsi sibi ad Cæsarianos distinctis in locis præfecerunt, & primâ quidem coitione acerrimè rem egerunt. Pugnatum est benè diu Marte admodum dubio. Sed tandem cedere campo Cæsariani coacti sunt. Cruentum plane fuit hoc prælium, multoque sanguine confutit. Occubuerunt in eo ex Cæsarianis ad tria millia, capta autem quatuor millia, inter quos fuerunt præcipui, Lambojus ipse, Mercius, Eppius, Rodowanus & alii plures. Venerunt in Vinmariensium potestatem signa centum

tum & quadraginta sex, cum machinis & impedimentis omnibus. Fuit insignis illa victoria, & ve hoc nomine pluris facienda, quod multa confestim oppida & castella deditionem fecerunt, vix etiam hostis vires experta, ut Movesium & Kempa, quæ licet recepto in urbem præsidio, fortiter sese defenderit, paulo tamen post, hostibus oppugnationem urgentibus, ad deditionem compulsæ est. Deprehensa hæc fuit ingens annonæ copia. Addidit non parum animi tam felix successus non tantum Calcariensibus, sed etiam in Saxonia Gottingensibus, ut crebris excursionibus prædas agere, Cæsarianorumque vires atterere & frangere non dubitarent, imprimis Konigsmarkius, qui propè Halberstadtum, quatuor legiones oppressit, cæteris vero non levem metum atque terrorem

rem incussit, non parum adju-
menti hanc ad rem conferente,
summo militiæ Suedicæ Præfe-
cto Torstensohnio, qui nuper ad
exercitum, ut cum Imperio esset,
advenerat, habitoque ad Tan-
germundam delectu, jurejuran-
do eundem sibi obstrinxerat. Ubi
etiam de cœlo observatum fuit,
apparente in nubibus protensa
manu, gladium cruentum vibran-
te. Quod portentum plerique de
prælio mox committendo, quo
de rerum summa contenderetur,
interpretati sunt. Ubi tamen non
multum absuit, quin in maximas
infidias & discrimen præsentissi-
mum adductus fuisset Exercitus
Suedicus, si quidem à Seckan-
dorio, instituta & aliquo usque
perducta conspiratio ex animi
sententia successisset. Sed digna
perfidia atque prodicionis suæ
præmia paulo post accepit. Tur-
batum

batum quoque est porro in Anglia, remotis à dicendis suffragiis officiisque publicis per edictum promulgatum & ab ipso Rege confirmatum, qui sacris initiati essent. Juebantur eodem, intra viginti dierum spacium. Insulâ excedere omnes Sacerdotes Romano-Catholici, constituto in transgressores capitis supplicio. Id quod Pontifici Romano bilem ita movit, ut deferendo Hybernis auxilio, deque vindicandis Judicii Regii injuriis cogitationes suscepit, in cujus rei suspicionem Hispaniarum Rex quoque tractus fuit. Interim Vinmarienses & Hassiaci, universum Ducatum Juliacensem, intercedente licet atq; deprecante Principe Neoburgico, longè lateque vastarunt, cuncta oppida & loca vicina deripuerunt, cæteris vero tributa imperarunt. Fuit in non leve periculum ad-
 ductus

n-
his
m-
ge
ati
ra
ulâ
o-
in
io.
em
nis
cii
ce-
li-
tus
&
lu-
q;
gi-
cta
nt,
nnt.
ad-
tus



Ag 324

2. 15^c

